



মহাপ্রভুন্দের উপন্যাস-সাহিত্যের চব্বিশ শাখা

ভারত-বিশ্বত উপন্যাস লেখিকা

উপন্যাস-রাজ্যের পাটরানী

শ্রীমতী ইন্দিরা দেবী প্রণীত

পরাজিতা

(আমাদের আশা-স্বপ্নের একবিংশ উপন্যাস)

"পরাজিতা" উপন্যাস—কি কি বিষয়ের উচ্চ নিম্ন বিভাজন উপন্যাসে

পরিণত হইয়াছে, তাহার বিজ্ঞাপন আমরা দিব না, পড়িয়া সে

কথা পাঠক মহাশয়গণ বলিবেন।

সব ছন্দ সব গুণগোল ; - নিমেষে মিটিয়া গেল !

আমাদের ১৮ একটাকা সংস্করণ উপন্যাস-সিরিজে

‘অনুরূপা দেবী।’

নব বঙ্গভাষা-প্রিয় বরেন্দ্রা বঙ্গমহিলা - প্রাচ্যবঙ্গের জ্যোতির্ময়ী সাহিত্য-কী

সাহিত্য-কলাগাণী - সাহিত্য-কলাবতী - মনঃপূত কলমে যাহার

অত্যদ্বুত গাঢ়করী শক্তি ; -

‘মন্ত্রশক্তি’-প্রণেতৃ সেই - সংসাহিত্য মহত্ব-মহিমা-মণ্ডিত।

উপন্যাস মহারাজ্যী

শ্রীমতী অনুরূপা দেবী প্রণীত

ব্রহ্মজালকি উপন্যাস

যাষ্টারমশাই

আমাদের ১৮ একটাকা সংস্করণ উপন্যাস-সিরিজের মুখোজ্জল

করিবার জন্য সাজসজ্জা করিতেছেন।

সকলে সাদরে আহ্বান করুন।

সাহিত্য-গগনের কোন্ কোন্ উজ্জল নক্ষত্র কমলিনী-সাহিত্য-
মন্দিরের কীৰ্ত্তিধ্বজা আলোকিত করিতেছেন—তাহাই দেখুন।

শ্রীযুক্ত স্বর্ণকুমারী দেবী।
শ্রীযুক্ত অনুরূপা দেবী।
শ্রীযুক্ত নিরুপমা দেবী।
শ্রীযুক্ত ইন্দিরা দেবী।
শ্রীযুক্ত শৈলবালা ঘোষজায়া।
শ্রীযুক্ত সব্বসীবালা বসু।

শ্রীযুক্ত শরৎচন্দ্র চট্টোপাধ্যায়।

- „ দুর্গাদাস লাহিড়ী।
- „ নারায়ণচন্দ্র ভট্টাচার্য্য বিদ্যাভূষণ।
- „ হরিশাধন মুখোপাধ্যায়।
- „ চারুচন্দ্র বন্দ্যোপাধ্যায়, বি-এ।
- „ হেমেন্দ্রপ্রসাদ ঘোষ, বি-এ।
- „ দীনেন্দ্র কুমার রায়।
- „ কালী প্রসন্ন দাশ গুপ্ত, এম-এ।
- „ সৌরীন্দ্রমোহন মুখোপাধ্যায়, বি-এল।
- „ নবরুক্ষ ঘোষ, বি-এ।
- „ হেমেন্দ্রকুমার রায়।
- „ বিভূতিভূষণ ভট্ট, বি-এল।
- „ ক্ষেত্রমোহন ঘোষ।
- „ ব্রজমোহন দাস।
- „ প্রফুল্লচন্দ্র বন্দ্যোপাধ্যায়।
- „ প্রমথনাথ চট্টোপাধ্যায়।
- „ শরৎচন্দ্র পাল, পরিচালক।

প্রতি মাসেই সাহিত্য-জগৎপ্রেমী উল্লিখিত স্থলেখক লেখিকা-
বৃন্দের একপানি করিয়া মনোমদ উপন্যাস—পূর্বের মতই আপনা-
দের হাতে দিতে পারিব।

শ্রীগোষ্ঠবিহারী দত্ত।	}	সহাধিকারী—
শ্রীশরৎচন্দ্র পাল।		কমলিনী-সাহিত্য-মন্দির।

প্রমাণ ।

‘বিচিত্রান্ন’ পর ‘স্বপ্নবাণীর’ প্রকাশ—সে আজ কত দিনের বাবধান ! কিন্তু কি করিব—উপায় ছিল না । ‘স্বপ্নবাণী’ বিজ্ঞাপিত হটবার পর যখনই শুনলাম, সাহিত্য-সম্রাজ্ঞী স্বর্ণকুমারী দেবী মহোদয়া শয্যাশ্রয় লইয়াছেন, উৎকণ্ঠা-বাকুল হৃদয় লইয়া সেই মুহূর্ত্তে ছুটিয়া গিয়া সাহিত্য-দেবীর পদপ্রান্তে উপনীত হইলাম । বই ছাপা ত দূরের কথা ; সে মূর্ত্তি দর্শনে সেই সময় বাস্তবিকই শিহরিয়া উঠিয়াছিলাম । তাহার পর তুহিন-শীতল নিষ্পন্দ বক্ষে প্রত্যাবর্ত্তন করিয়া ‘স্বপ্নবাণী’ প্রকাশ সম্বন্ধে একরূপ উদাসীন ছিলাম বলিলেও অত্যাুক্তি হয় না ।

মৃত্যু বিভীষিকা-দ্রষ্টা পথভ্রান্ত দিশাহারা পান্থ—দূরাগত কণ্ঠের জীবন্ত শব্দ-ঝঙ্কার শ্রবণে যেমন পুনর্জীবন প্রাপ্তির আশা প্রাপ্ত হয়,—তেমনি এক চিন্তামগ্ন স্তব্ধ সন্ধ্যায় স্বপ্নবাণী সদৃশ সাহিত্য-সম্রাজ্ঞীর অভয় ‘পত্রবাণী’ সম্বল করিয়া আমরা পুনরায় সাহিত্য-সম্রাজ্ঞী-ভবনে উপস্থিত হইলাম । দেখিলাম, বাংলার বীণাঙ্গণি শয্যাশ্রয় ছাড়িয়া উঠিয়া বসিয়াছেন । আমাদের দোঁখিয়াই বীণা বিনিমিত কম-কণ্ঠে অমরার অমিয়া ঢালিয়া, বাংলার মাতৃময়ী ব্রতদারিণী সাহিত্য-জননী কহিলেন, “এসেছ ! আহা, বড় লোকসান হ’ল তোমাদের ! কি করি বল, শুয়ে শুয়ে তোমাদের প্রফুদ্রণে দিয়েছি, নিজের হাতে লিখে, বাঁকীটুকু শেষ করে দেবো, এমন শক্তি এখনও পাইনি—এখনও পথ্য

পাইনি!—তবুও আজ লেখা শেষ করে দেবো তোমাদের।
মুখে বলি আমি, লিখে যদি নিতে পারো তোমরা—”

ওঃ, গ্রাহক মনোরঞ্জনার্থে কি কষ্টই না জানি দেবীকে সে দিন
দিয়া আসিয়াছি! শর্য্যানিয়ে সাহিত্য-সম্রাজ্ঞীর পদপ্রান্তে বসিয়া
তঁাহার আদিত্ত শব্দগুলি লিখিবার সময় মনে হইতেছিল, যেন
বঙ্গীয় উপন্যাস-সাহিত্য লিখন প্রণালীর ‘ক’ ‘খ’ শিখিতেছি।
যাই হোক, প্রকাশের বহু বিলম্ব হইলেও ‘স্বপ্নবাণী’তে শ্রদ্ধেয়া
স্বর্ণকুমারী দেবী মঞ্জুদেয়া যাহা দিয়া গেলেন ও পরিসমাপ্তিতে
যাহা দিতেছেন;—বর্তমান উপন্যাস-সাহিত্য যুগের প্রত্যেক
লেখক, লেখিকার তাহা দেখিয়া, লেখার প্রতিযোগিতায় ঈর্ষা
হওয়া উচিত।

পরিশেষে সর্বসাধারণে ইহাই আমাদের বিনীত নিবেদন যে,
‘স্বপ্নবাণী’ বইখানিকে কেবল ‘নভেল’ পাঠোপযোগী মনে না
করিয়া ইহার মধ্য হইতে এই অবসরে সাহিত্যের সারাংশটুকু
বুঝিয়া লইয়া, সকলেই নিজের শিক্ষা ও অপরের শিক্ষার সুবিধা
করিয়া রাখিবেন—তাহা হইলেই যথেষ্ট হইবে।

নববর্ষ—১৩৪৩

বিনীত প্রকাশক—

ক্ৰীণোত্ত বিহারী দত্ত,

ক্ৰীশরং চন্দ্র পাল।



স্বপ্নবাণী ।



অপরাধী

(বিচিত্রার পরিচয়)

প্রথম পরিচ্ছেদ

একদিনের স্বপ্ন প্রভাতে মিলাইয়া যায়, মানসিক-কল্পনা নিবসের
কক্ষদ্বারা মনের কোণে চাপা পড়িয়া থাকে ; কিন্তু স্বভাবজাত
আদর্শ আকাঙ্ক্ষা বারম্বার প্রতিহত হইয়াও লক্ষ্যের দিকে মুখ
ফিরাইয়া রাখে ।

এ কয়েক দিন স্বপ্নের কথা ছোঁতাতিথ্যই একরকম ভুলিয়া
গিয়াছেন ; কিন্তু যে আকাঙ্ক্ষাভাব প্রসূত তাঁহার ঐ স্বপ্ন, সেই
ভাবটি যুগেট কক্ষনিবিড়তা সত্ত্বেও তাঁহার অন্তর-নিভূতে অন্তঃ-
শীলরূপে প্রবাহিত । “এই বৈষম্যময় জগতে,—মানবের এই
স্বার্থপূর্ণ জীবন সূত্রামে, সাম্যময় প্রেমনীতি কি সম্ভব ?” এই
প্রশ্নটি যখন তখন তাঁহার মনে উঠাপড়া করিতে থাকে । যুক্তি
উত্তরে কহে—“সম্ভব নহে, সম্ভব নহে !” কিন্তু তাঁহার অন্তরাঙ্গার
মধ্য হইতে তৎক্ষণাৎ বিশ্বাসবাহীরা প্রতিবাদ প্রতিধ্বনিত হইয়া
উঠে—“সম্ভব, সম্ভব, এ যুগে না হউক কোন ভবিষ্য-যুগেও সম্ভব,
তাঁহার অন্ত প্রসূত হও । ঝড় ত চিরস্থায়ী নহে, ঝটিকাঝঞ্ঝা
শাস্তিরই বাহক, বৈষম্য সাম্যেরই সূচনা । গতি তরঙ্গসঙ্কুল, পথ
কষ্টকর, কিন্তু লক্ষ্যস্থান সুন্দর প্রেম নিকেতন !”

“তবে হে পথ প্রদর্শক কুবজোতি, অক্ষর গগনভেদ করিয়া
দর্শন দাও তুমি, দর্শন দাও !”

তখন প্রভাতকাল, জ্যোতিষ্ময়ী পাঠগৃহে, বাতায়ন পার্শ্বে
টেবিল প্রান্তে চৌকিতে পসিয়া পিতার একটি কবিতা নিজের
খাতায় হুলিতেছিলেন। সম্মুখভাগে শিখ করোজ্জ্বল তটিনী
প্রবাহিত, তরুবেটনীর মধ্য হইতে দিহঙ্গের গীতিস্বকার উথলিয়া
উঠিতেছে, বহু সমীরতিলোলে, বাতায়ন নিম্নের প্রস্ফুটিত নাদবী-
লতা-কুঞ্জোপিত কুলগন্ধ মাঝে মাঝে তাঁহার নাসিকাবিবরে
ঝাঁপাইয়া পড়িতেছিল, বালিকা অনন্তমনে গানটি লিখিতেছিলেন।

সহসা বাতায়ন পার্শ্বের নারিকেল তরুলীশ হইতে একটি ছোট
পাখী পরিচিত কণ্ঠে শিশু দিয়া যেন ডাকিল—“জ্যোতিষ্ময়ী
জাগো।” বালিকা চমকিয়া নতমুখ উন্নত করিবামাত্র পাখীটি
উড়িয়া দূরবর্তী আসবাগানের কোণের মধ্যে লুকাইয়া পড়িল।
রাজকুমারী তখন আনগাছের দিকে নেতপাত করিয়া দেখিলেন,
কি স্বন্দর বর্ণরঞ্জন! স্তবর্ণ লোহিতের মৃদুমনবৈচিত্র্যে ‘পূর্ব-
দক্ষিণ গগন কোথাও তরে তরে, কোথাও রেখাকারে, কোথাও
অপূর্ব ছাপে সুরঞ্জিত। এই উজ্জল লোহিতাত অম্বরতলে এক-
খানা প্রকাণ্ড রুক্মিণী ভাসিয়া চলিয়াছিল। সূর্য্যদেব দিগ্গন্তল
হইতে উদ্ধে উঠিতে উঠিতে বার বার তাহার মধ্যে আত্মগোপন
করিতেছিলেন, বালিকার চুপ্তি যখন আনগাছের দিকে পড়িল, তখন
সবিতৃদেব মেঘাচ্ছন্ন। জ্যোতিষ্ময়ী যেন কোন বস্তুর দর্শন আশায়
নিরাশ হইয়া একটি ক্লাস্ত নিখাস সহকারে আবার লেখনী মসীপূর্ণ

করিয়া লইয়া লিখিতে আরম্ভ করিলেন। লেখা শেষ করিয়া গানটি একবার পড়িয়া দেখিলেন,—

মনটি ওরে, ভাল ক'রে ভাসতে শেখো ভাসতে শেখো ;

মাংসে উঠতে হবে কীলে এই কথাটি মনে রেখো।

জলের পথ এ লম্বা বাকা, হেথায় নাইক নৌকা নাইক মাঝে !

চলতে গিয়ে গানের ছোরে, এলিয়ে পড়বে জলের ঘোরে।

হারিয়ে ফেলবে সকল শক্তি : ঠিক দেখো ভাই ঠিক দেখো !

উঠতে যদি চাওরে কীলে, ভাসতে শেখো ভাসতে শেখো।

ঐ দেখা যায় নদীতীরে দরখানি ;

দেখতে কাছে, নয় দে নাখে জোর পানি।

খনিজে আসবে আঁধার যখন, পিছিয়ে পড়বে শতক যোজন,

ঘনিপাকে পড়বে ঘুরে যদি একটুও বাকো !

আবৃত্তি শেষ করিয়া গানটি গুণ গুণ করিয়া গাহিতে গাহিতে আবার আকাশের দিকে দৃষ্টিপাত করিয়া এবারও জ্যোতিষ্ময়ী সূর্য্যোদ দর্শন পাইলেন না। ভাস্করদেব তখন বাতায়ন উল্লে উঠিয়া পড়িয়াছেন। বালিকা নিম্নলিখিত নয়নে অন্তর্জ্যোতিকে ধ্যান করিয়া মনে মনে কহিলেন, “হে প্রবজ্যোতিঃ ! প্রজ্ঞার থাকিও না তুমি, প্রকাশ হও, প্রকাশ হও ! হে আমার অন্তদেবতা, হে কর্ণধার ! এই তরঙ্গকুল অকূলে তাল ধরিয়া কূলপথে লইয়া চল তুমি।”

আকাশ তখন আর লোহিত সমুদ্র নহে, শুভ্র মেঘস্বূপে সমুজ্জ্বল নীলাঘর বর্ণ ; তাহার দু'একটি স্থান কৃষ্ণবর্ণ মেঘবেষ্টনে

অপরাধিনী

অতি রমণীয় দেখাইতেছিল। জ্যোতিষ্ময়ী তাহা দেখিয়া ভাবিলেন, “হায়রে ! এইরূপ প্রেমালিঙ্গনে আমাদের অন্তর্জাতিক মিলন মহিমাময় হইবে কবে ? দুরাশা কি ?” আবার সেই পাখীটি সহসা ডাকিয়া উঠিল। এবার বাতায়ন নিম্নের নাধবী-লতাবল্লী হইতে সে শিস্ দিল।

জ্যোতিষ্ময়ী বলিল—“পাখি, তুমি বল ত ভাই আমার আশা সকল হইবে কি না ?” পাখী উড়িল, উড়িতে উড়িতে উত্তর দিয়া গেল—“কে জানে, কে জানে !”

বালিকা দীর্ঘ নিশ্বাস কেলিয়া ভাবিলেন “হায়রে ! অন্তর্জাতিক মিলন ! জগতের সাম্যমৈত্রী ভাব ! সত্যই বড় দুরাশা ! আমাদের নিজেদের মধ্যেই আগে মিলন হোক। উচ্চ স্তর প্রত্যাশা করিবার পূর্বের নিম্নস্তর গঠনের আবশ্যক। এই যে বঙ্গবিভাগ ঘটনা, হে ভারতের ভাগ্যানিয়ন্ত্ৰ-পুরুষ, ইহা দ্বারা যেন সেই মিলন সোপান গঠিত হয়।”

হঠাৎ চটিজুতার শব্দ শোনা গেল, অনাদি একথানা খবরের কাগজ হাতে করিয়া হাঁপাইতে হাঁপাইতে উপস্থিত হইয়া কহিল, “দিদিমণি, রাণীদিদি, রাজকুমারী ভাই পড়ে দেখ !”

বলিয়া কাগজখানা টেবিলের গাতাপত্রের উপর কেলিয়া জ্যোতিষ্ময়ীর পাশে আসিয়া দাঁড়াইল। রাজকুমারী সেখানা সরাইয়া রাখিয়া সহাস্তে কহিলেন, “ব্যাপারখানা কি তুমিই বলনা ওগো গেজেটাবতার ! চতুর্ষ্রুংখের দর্শন পেয়ে আমি কি চতুর্ষ্রুংখের আশ্রয় নিতে যাব ! বলে ফেলো সব খবরগুলো ?”

অনাদি একটু চিন্তিতভাবে বলিল, “বন্ধুবিভাগ ত হয়ে গেল দিদি ?”

“সে খবর ত পুরান হয়ে গেছে,—নতুন কিছু বল ?”

অনাদি তাহার কেশহীন গুম্পে তা দিবার ভাণ করিয়া কহিল, “আরে আরে—কি বলছিলাম দিদি! এ কথা কি কখনও পুরান হয় ? এই মহাকাণ্ডের উপর দিন দিন নতুন নতুন ক্যাকড়া গজিয়ে এটাকে যে চিরনবীন করে তুলেছে। বটানিকেলের বটগাছ কি কারো চোখে পুরান ব’লে ঠেকে, এইটে বল দেখি ? অথচ গাছটার না জানি আদি, না জানি অনাদি ! পড় পড় ভাই কাগজখানা, উপাধ্যায়ের বক্তৃতাটা একবার প’ড়ে দেখ। এ লেখা কোনো মা পড়লে তাঁর কোলের ছেলেরও রক্ত টগবক করে ফুটে উঠবে।”

কাগজখানা টেবিল হইতে উঠাইয়া জ্যোতিষ্ময়ীর হাতের কাছে অনাদি তুলিয়া ধরিল। জ্যোতিষ্ময়ী আড়নয়নে নামটা দেখিয়া লইয়া সেখানা নিয়ে নিঃশেষ পূর্বক কহিলেন, “এ রকম মারকাটের কথায় তোমাদের তেজ বাড়ে, আশ্বি ভাই নিস্তেজ, হতাশ হয়ে পড়ি। কিছুদিন থেকে আমার মনে কি কথা তোলাপাড়া করছে জান অনাদি ?”

অনাদি শুনিবার জন্য উৎকর্ণ হইয়া উঠিল। জ্যোতিষ্ময়ী বলিলেন, “আমরা ভাই অভিশপ্ত জাত, নৈতিক বল হারিয়েই আমাদের এই দুর্দশা! তুমি কি ভাব অত্যাচার দ্বারা আমরা জাতীয় জীবন লাভ করব ? কখনই না। দ্বারা রক্তপাতের

উপদেশ দিয়ে ছেলেদের বিপথে নিয়ে যাচ্ছেন—তঁারা দেশের দক্ষনাশ করছেন।”

অনাদি ভূমিনিষ্কিপ্ত কাগজখানা উঠাইয়া ক্ষুদ্রাকারে ভাঁজ করিতে করিতে কহিল, “না গো না—রক্তপাতও চাই বই কি, ক্রান্তির দৃষ্টান্ত দেখ না ভাই, ওরা কি সহজে দাসত্বমুক্ত হয়েছে?”

জ্যোতির্ধর্মী উত্তেজিতস্বরে কহিলেন, ‘সে দৃষ্টান্ত আমাদের আদর্শ হতে পারে না। সেই ভীম বীভৎস নিষ্ঠুরতা মনে করলেও কষ্টে আতঙ্কে দেহের রক্ত জল হয়ে যায়—আত্মা কল্পণায় বিগলিত স্বর্জ হয়ে ওঠে। ওরকম বিজাতীয় অত্যাচারের কথা ভুলেও মনে এনোনা ভাই। আমাদের বলীয়ান হতে হবে ধর্মের বলে, নৈতিক বলে। দৈহিক বলের সার্থকতা সেইখানেই, যেখানে এই শক্তি আধ্যাত্মিক বলের সহায় স্বরূপ। ইংরাজকে ‘মারাকার্টা’ দূরে থাক, বিপন্ন হ’লে তাদেরও রক্ষা করতে হবে আমাদের।”

“আরে তুমি যে বীভৎস হয়ে উঠলে? কিন্তু তাঁর follower নামধেয় ধারা—তারাও ত ওকথা মানছে না দিদি!”

‘তাদের অধঃপতন স্বক হয়েছিল। কিন্তু আমরা পুরাতন যুগ কিরিয়ে আনতে পারব তখনই, যখন এই সত্য আমাদের মনে দ্রাবার জেগে উঠবে। মুক্ত বিদ্রোহ তখন তোমাদের কিছু করতে হবে না—সাম্যনৈত্বীয় পতাকার নীচে তখন জাতি বিজাতি এক হয়ে যাবে, ভারতবর্ষ বিনা রক্তপাতে, অশ্রু-চাড়নে তখন স্বরাজ লাভ করবে।”

অনাদি অবিবাসের হাসি হাসিয়া কহিল, “আচ্ছা ভাই, তখন আমি সর্বোপায়ে নিশানহন্তে সেই পতাকার তলে গিয়ে দাঁড়াব। এখন এস রাণীদিদিজি, তোমার হাতে রাণী বেঁধে দিই, দেশতুচ্ছ লোক এই রাণী পরে ‘ভাই ভাই এক ঠাই’ হচ্ছে।”

অনাদি পকেট হইতে এক গোছা রাণী বাহির করিয়া টেবিলে ফেলিল এবং তাহার মধ্য হইতে সর্বোৎকৃষ্ট এক পাছি বাছিয়া জ্যোতিষ্ময়ীর হাতে বান্ধিতে লাগিল। জ্যোতিষ্ময়ী পরিতে পরিতে বলিলেন, “বাংলা দেশের এই রাণিবন্ধন সমস্ত ভারতের পক্ষে যেন শুভ হয় ভাই।” অনাদি তাড়াতাড়ি রাজ-কুমারীর হাতে রাণিটা কষিয়া দিয়া দুই হাত পকেটে পুরিয়া দুই নেত্র বিস্ফারণ পূর্বক জ্যোতিষ্ময়ীর দিকে চাহিয়া কহিল, “নিশ্চিত হও দিদি। সে বিষয়ে এই শপথ গ্যারান্টি। তুমি যে পথটা বাংলালে, সেটা যে কি এবং কোথায়—তা যদিও আমি ঠিক বুঝতে পারিনি,—কিন্তু তুমি ভাই দেখে নিও, আমাদের সংকল্পিত উপায়ে অল্পদিনের মধ্যেই ভারত বিদেশীবিবর্জিত হয়ে যাবে। দেশে হলস্থল বেদে গেছে,—বিদেশী যা কিছু—সব বয়কট”—

“এই যে পণ্ডিত মহাশয়!”

“বন্দে মাতরম্” ধ্বনি করিতে করিতে পণ্ডিত মহাশয় গৃহ-প্রবেশ করিলেন।

দ্বিতীয় পরিচ্ছেদ

“নমস্তে পণ্ডিতমহাশয়, আসতে আচ্ছা হোক।”

জ্যোতিষ্ময়ী এবং অনাদি উভয়েই এক সঙ্গে এই কথা বলিয়া পণ্ডিত মহাশয়কে স্বাগত করিয়া লইলেন। পণ্ডিত মহাশয় প্রত্যুত্তরে হাত তুলিয়া স্বস্তিবাচন করিবারাত্র অনাদি একগাছি রাখি-হস্তে অগ্রসর হইয়া কহিল, “হাতটা আর নামাবেন না পণ্ডিত মহাশয়; আরো একটু বাড়িয়ে দিন, আপনার হাতে রাখি বেধে ধস্ত হই।”

জ্যোতিষ্ময়ী তাড়াতাড়ি চৌকি হইতে উঠিয়া বলিলেন, “না পণ্ডিত মহাশয়, আপনার হাতে রাখি পরাব আগে আমি।”

বলিতে বলিতে পণ্ডিত মহাশয়ের নিকটবর্তী হইলেন; কিন্তু অনাদি ততক্ষণ ভট্টচাব্‌মহাশয়ের হাতটা অধিকার করিয়া লইয়া বাঁধন সূত্র কষিতে আরম্ভ করিয়াছে, তিনি গ্রেপ্তার অবস্থাতেই বামহস্তে আপনার দাড়ী টানিতেছেন। অনাদি রাজকুমারীর দিকে ব্যঙ্গকটাক্ষ নিক্ষেপ করিয়া কহিল, “তুমি বাহুবল মানতে চাও না দিদি, তোমার নৈতিক বল এখানে পরাস্ত কি না তুমিই বল?” পণ্ডিত মহাশয় উত্তরে কহিলেন, “তবে কিনা বাহুবলের কার্য পল্পপত্রস্থিত জ্ঞানবৎ কণ্ঠস্থায়ী। এস রাজকুমারি, তুমি না হয় আমার এই বাঁ হাতটাতেই রাখি পরাও।” দাড়ীতে হাত ব্লাইবার এ হেন আয়েষ হইতেও আপনাকে বঞ্চিত রাখিয়া পণ্ডিত মহাশয় রাজকুমারীর দিকে বাম হাতটা বাড়াইয়া

ককলিনী-সাহিত্য-মন্দির,

পরিলেন। জ্যোতিষ্ময়ী হাসিয়া হাতটা ধরিয়া রাখি পরাইতে প্রবৃত্ত হইলেন। পরাইতে পরাইতে বলিলেন, “দেখলে অনাদি নৈতিক বলের আকর্ষণ?”

অনাদির রাখি বন্ধন তখন শেষ হইয়াছে, পণ্ডিত মহাশয়ের ডান হাতটা ছাড়িয়া দিয়া সে কহিল, “আচ্ছা, বেশ গো বেশ! কিন্তু একটা স্মৃত পরাতে তুমি দিনটা কাবার করবে নাকি? থাক তোমার স্মৃত বাঁধা, তুমি ততক্ষণ গান লেখ, সময়ের সম্ভাবহার হোক।”

জ্যোতিষ্ময়ী বলিলেন, “তোমারই দোষ, এমন ছোট্ট রাখি এনেছ যে টানাটানিতে এর কীর্ণ জীবনটুকু বুঝিবা ছিঁড়ে যায়!”

“দাও তবে আমাকে, এ রকম tug of war তোমার কর্ষ নয়। দেপ আমার হাতের জোরে এই পাট স্মৃতও কি রকম লম্বা হয়ে পড়ে!”

অনাদি সবলে পণ্ডিত মহাশয়ের হাতখানা টানিয়া লইয়া রাখি নিক্ষেপিত প্রবৃত্ত হইল। জ্যোতিষ্ময়ী হাল ছাড়িয়া দিয়া কহিলেন, “আচ্ছা, অনাদি ওগাছা আপনার হাতে বেঁধে দিক্, আমার গাছা আমি পরে পরিয়ে দেব, কি বলেন পণ্ডিত মহাশয়?”

“তোমার হাতের রাখি না পরে আমি এখান থেকে উঠব না মা, তবে হাতটা যদি—আরে আরে কর কি বাপু—এখানা যে একটা প্রাণবন্ত জীবের, এ কথাটা যে দেখছি একেবারেই ভুলে যাচ্ছ!”

এমন বিকৃত মুখভঙ্গীতে পণ্ডিত মহাশয় এই আশ্বিনাদ করি-

লেন যে—কাঞ্চারস হাঙ্গরসে পরিণত হইল। জ্যোতিষ্ময়ী হাসিয়া উঠিয়া কহিলেন—

“বাহুবলের পরীক্ষায় অনাদি দেখছি আপনার নিকট সার্টিফিকেট আনায়ের চেষ্টায় আছে—”

অনাদি আরো একটু জ্বোরে সূতা কষিয়া কহিল, “নিশ্চয়। পণ্ডিতজি হচ্ছেন—আমাদের ব্যায়াম সমিতির সেক্রেটারি, কুরুক্ষেত্রের যুদ্ধ যদি কখনো বাংলা দেশে বাপে, তবে আমাদের যে জ্রোণাচার্যের অভাব হবে না, এই আশায় আমরা বৃক বেঁধে আছি, বুঝলেন ত পণ্ডিত মহাশয়।”

“বুঝছি বাবা, তাহলে হাতটাকে অবিলম্বে রেহাই দিতে হচ্ছে : নইলে তোমানদের তথাকথিত সম্মান-আসন শূন্যই পড়ে থাকবে।”

“এই নিন্ আপনার হাত, দেখে নিন্ ভাল ক’রে কোথায় একটু টোসকায় নি পর্য্যন্ত।” অনাদির নিকট হইতে অব্যাহতি লাভে পণ্ডিত মহাশয় এইবার তাঁহার মুক্ত হস্ত দাঁড়ি পরিত্যাগ নিযুক্ত করিয়া ইঁফ কেলিয়া একপানা আরাম কেদারায় বসিয়া পড়িলেন। জ্যোতিষ্ময়ীও তাঁহার পূর্ব পরিত্যক্ত চৌকিপানা পুনরধিকার করিলেন, কেবল অনাদি বসিল না। পণ্ডিত মহাশয়ের নিকট দাঁড়াইয়া কহিল—

“পণ্ডিত মহাশয়, একটা কথা জিজ্ঞাসা করি, বে-আদপী মাপ করবেন, বলুন ত আপনি স্বদেশী কিম্বা বিদেশী?”

পণ্ডিত মহাশয় দক্ষিণ হস্ত দাঁড়ি হইতে মুক্ত করিয়া বাড়াইয়া

ধরিয়া এবং বাম হস্ত টিকিতে বুলাইয়া বলিলেন, “এই শিখা এবং চর্খাই ত তোমার প্রশ্নের উত্তর বাবাজি !”

অনাদি ঘাড় নাড়িয়া কহিল, “উহু”, শুধু টিকিতে আর কালো রঙে আজকাল স্বদেশী হওয়া যায় না ! স্বদেশীর ভাবার্থ এখন বদল হয়ে গেছে । বিদেশী জিনিস ব্যবহার করবেন না বলে শপথ করেছেন কি ?”

“কই তাত করিনি বাপু ।”

“করুন তবে । এই যে আপনার হাতের ক’গাছি কালো সূতো, শব-জাগান মধ্যে বেণ্ডলি তৈরি—এই সূতো হাতে বেঁধে আপনি স্বদেশী তস্বে বাঁধা পড়েছেন, বুঝলেন ত ? এখন পয়লা নম্বরে—আপনার গলার ঐ পৈতাদ গোচ্ছাটা আপনাকে ছিঁড়ে ফেলে দিতে হচ্ছে ।”

পণ্ডিত মহাশয় কহিলেন, “এ কেমন কথা বাবাজি ! আমি ত ব্রহ্মজ্ঞানী নই ; কিম্বা সিদ্ধ পুরুষও হইনি এখনো ।”

“ঐ ওজরে পার পাবেন না গুরুজি ? সিদ্ধ অসিদ্ধ সকলের পক্ষেই এখন বিদেশী পণ্য নিষিদ্ধ ।”

খুব জোরে জোরে ঘাড় নাড়িতে নাড়িতে সে এই কুথা বলিয়া চলিল, “জানেন ত, জার্মানি দেশের সূতা থেকেই আমাদের দেশের সব পৈতা তৈরি হয় । আপনি বহুই কেন হা-হতাশ করুন না, স্বদেশী কালাপাহাড়দের হাত থেকে কিছুতেই এ সূতাকে রক্ষা করতে পারবেন না ; শেষে আপনার গলাটার পর্য্যন্ত টান পড়তে পারে ।”

পণ্ডিত মহাশয় এতক্ষণ এক হাতেই দাড়ি টানিতেছিলেন, এইবার দুই হস্তই দাড়ি রক্ষণে নিযুক্ত করিয়া বিস্মিত স্বরে কহিলেন, “জাখাণি সূতার উপবীত ! সে গুলো তাহ’লে বাবাজি তোমাদের রাজারাজড়ার গলায় শোভা পাবার উদ্দেশ্যেই প্রস্তুত হয়। কিন্তু আমার গলার এই পোছাটুকু খুড়িমার চরকা-কাটা ধন।”

“তাই নাকি ? আপনি দেখছি তবে ভাগ্যবান ! হতভাগ্য আমাকেই তাহ’লে দেখছি আত্মহত্যার পাপে লিপ্ত হ’তে হোল।”

অনাদির লম্ববুদ্ধি নিয়োজিত হস্ত তৎক্ষণাৎ নিজের কণ্ঠোপবীত-গুচ্ছ আক্রমণ করিল।

“আরে করিস্ কি, করিস্ কি, অপগণ্ড বালক !”

কিন্তু পণ্ডিতমহাশয়ের এই চীৎকার-প্রতিবাদ বার্থ করিয়া অনাদির ধর্ম এবং বর্ণব্যঞ্জক সূত্র বাতায়ন পথে মাধবীলতা জালের মধ্যে গতি লাভ করিল। জ্যোতির্ষ্ময়ীও প্রথমটা একটু আশ্চর্য্য হইলেন ; কিন্তু সহাস্তে কহিলেন, “বাহারে ! ব্রাহ্মণ পুত্র হ’য়ে অসকোচে পৈতা ত্যাগ করলি ! ত্যাগ স্বীকারের এ হাতে খড়ি নাকি ?”

অনাদির মনের গুপ্ত কথা যেন রাজকুমারী প্রকাশ করিয়া গিলেন ; সে তাড়াতাড়ি সেকথা চাপা দিয়া কহিল, “রাণী-ঠাকরুণ, এবার ভাই তোমার পালা ! কাঁচের চুড়ি ও বিলাতি ফিতা মেয়ে-মহল থেকে একবারে উঠিয়ে দাও। তোমার ইচ্ছার মেয়েরা চরকা কাটে বটে ; কিন্তু তাতেই শুধু হবে না,

গায়ে গায়ে চরকা ধরাও, তাঁত বোনার ব্যবস্থা কর—অধিকন্তু এ রাজ্যে বিলিতি জিনিষ যেন আদৌ স্থান না পায়—দোকানদারদের উপর এইরূপ কড়া হুকুমজারি করে পাঠাও।”

অনাদির উৎসাহে জ্যোতিষ্ময়ীও এতক্ষণ একটা আনন্দমত্ততা অনুভব করিতেছিলেন ; কিন্তু অনাদির শেষ কথায় তিনি একটা চাপা দীর্ঘ নিশ্বাস ফেলিয়া হতাশার স্বরে কহিলেন, “আমাদের ব্যবহার্য সমস্ত জিনিষ বেদিন দেশ থেকেই পাওয়া যাবে—সেদিন সত্যই সত্যদুগ ফিরে আসবে। আসবে, সেদিন আসবে তাই—এ আশা আমিও করি—কিন্তু এখনো বিলম্ব আছে। সেজন্য প্রস্তুত হ’তে এখনো আমাদের অনেকটা সময় লাগবে।”

অনাদি কহিল, “অর্জুনে বিলম্ব থাকলেও বর্জুনে ত আমি কোন বাধা দেপিনে। এক কাঁচের চুড়ি গুলো থেকেই কোটি কোটি টাকা বিলাতে চলে যাচ্ছে। এমন কত সখের জিনিষ,—ফিতা, পাউভার, সেট—”

পণ্ডিত মহাশয় অনাদিকে বাধা দিয়া কহিলেন, “বাবাজি,—সখের জিনিষকে ভোগরা যতটা হেয়জ্ঞান কর, সহজ-তাজা ভাব আসলে তা মোটেই নয়। এই যে বিশ্বব্রহ্মাণ্ডরূপ মহা সৃষ্টি, এটা বিধাতার সখ্ ছাড়া আর কি বল ত হে বাপু? এই সৃষ্টির মূলে প্রয়োজনটা যে কি ছিল, আজও পর্য্যন্ত কোন মুনী ঋষি তার সম্বন্ধ পান নি!”

জ্যোতিষ্ময়ী কহিলেন, “তা সত্যি, সংসারে প্রয়োজনীয় ধরনের চেয়ে সখের ধরচই বেশী তাতে সন্দেহ নেই।”

এই অল্পমোদন বাক্যে পণ্ডিত মহাশয়ের আনন্দ, তাঁহার দাড়ির টানকে দ্বিগুণিত করিয়া তুলিল, তিনি কহিলেন, “দেখেছ ত মা হাড়ি ডোমের মেয়েদের সঙ্গে কামার গহনার চাপ ! সেই সখের ভারকে তারা পালকের মতই লঘু জ্ঞান করে !”

অনাদি বলিয়া উঠিল, “কিন্তু কিনে বিলিতি কাচের চুড়ির চেয়ে কামার চাপও ঢের ভাল মশায়, সে যে আমাদের মাতৃভূমির দান !”

“আমিও বলি সে ঢের ভাল !” পণ্ডিত মহাশয় উত্তেজিত স্বরে কহিলেন, “কিন্তু জননী যার প্রতি বিমুখ, তাঁর দান যে হতভাগ্য পায়নি, তারও ত প্রাণে সখ আছে, তখন তার সখ মেটাবার সহজ উপায়—স্বল্পমূল্যে বিলিতি জিনিষ ব্যবহার করা।

—জ্ঞানত বাবাজি, সম্রাটগণ ফকীরদেরও সখের হাত থেকে অব্যাহতি নেই। লাগা বাবুর গল্প শুনেছ বোধ হয় ? তিনি সংসারের মায়া ত্যাগ করেও ভোগস্বপ্ন একেবারে ত্যাগ করিতে পারেন নি। গাছতলায় শুয়েও ইটের উপর মাথা রেখে নিজা দিচ্ছিলেন, তারপর পথিক স্ত্রীলোক দুইজনের ‘ব্যঙ্গোক্তি’তেই নাকি এ ছুঁই তাঁর ভেঙ্গে যায়।”

অনাদি কহিল, “আপনিও এ সম্বন্ধে টোলের পণ্ডিতের নাম রাখতে পারবেন। দেখেছ দিদি, পণ্ডিত মহাশয়ের দাড়িটা দিনকে দিন কি রকম চক্চকে হচ্ছে ? বিলিতি ব্রসের টানটা এর উপর যে ভাল করেই পড়ছে তাতে সন্দেহ মাত্র নেই।” পণ্ডিত মহাশয় দেয়ালের আগ্রসির দিকে সচকিত দৃষ্টিপাত করিলেন। কিন্তু তাঁহার মাথার অর্ধেক খানা ছাড়া আকাজিকত প্রতিবিম্ব

তাহাতে দেখিতে পাইলেন না। তিনি একটু অপ্রস্তুত ভাবেই উত্তর করিলেন, “বাবাজি, আমরা লম্বা খড়, তোমাদের ঠিকিতেই আমরা চলি কিরি, দৃষ্টান্ত দেখাও, গতি আপনা হতেই ফিরবে।”

অনাদি বলিয়া উঠিল, “সেই কথাইত এতক্ষণ ধরে রাণী দিদিকে বলছি।” “রাজকুমারী ভাই, লোকানদারদের ভাল ক’রে জানিয়ে দাও যে বিলিতি জিনিষ রাখলে তাদের বিপদে পড়তে হবে।”

রাজকুমারী উত্তর করিলেন, “না অনাদি, বিলিতি জিনিষ একেবারে বর্জন করার সময় এখনো আসেনি। সেজন্য কিছুদিন ধরে এখনো আমাদের প্রস্তুত হতে হবে। ভেবে দেখ—‘হু’ বোলা ‘হু’ মুষ্টি অল্প যে সব লোকের মেলে না, তাঁতের দামী কাপড় কিনে পরা কি তাদের সাধ্য? তাঁত-শিল্পকে উদ্ধার করবার সঙ্গে সঙ্গে কলকারখানারও বিস্তৃত আয়োজন চাই, নইলে বিলিতি শস্তা জিনিসের সঙ্গে প্রতিদ্বন্দ্বিতায় আমরাই হেরে যাব।”

অনাদি দমিবার পাত্র নয়; এই কথার উত্তরে সমান উৎসাহে কহিল, “তা বুঝি হচ্ছে না ভাবহ? বঙ্গলক্ষ্মী মিলের বিজ্ঞাপনটা পড়ে দেখ, তা ছাড়া সাবান, দেশলাই, কাঁচের বাসন প্রভৃতি প্রস্তুতেরও আয়োজন হচ্ছে।”

আশানন্দে জ্যোতির্ষ্ময়ীর হৃদয় ভরিয়া গেল। তাহার সেই অকাল-আনন্দ ম্লান করিয়া দিয়া পাঁওত মহাশয় কহিলেন, “আরে অর্ধাচীন, একটা বঙ্গলক্ষ্মী মিল দেশের কত কাপড় যোগান্ দেবে বল দেখি?”

অনাদি রাগিয়া কহিল, “দেশের কোনো খবর জানেন না আপনি, অথচ একটা কথা বলে বসেন? কেন, বোম্বাই অঞ্চলের কাপড়ের মিল গুলো কি ধর্মবোঝার মধ্যে নয় নাকি?”

কৃষ্ণশ্ররাজির মধ্য হইতে পণ্ডিত মহাশয়ের শ্বেত দন্তরাজি প্রছন্ন ব্যঞ্জে বিকশিত হইয়া উঠিল,—তিনি হাসিয়া কহিলেন, “ভারতের কোটি কোটি লোকের কাপড় বোম্বাই—বাংলা বোম্বাইয়ের দুচারটি মিলের কর্ম নয় গো!”

অনাদি চড়া মেজাজে কহিল, “ক্রমশঃ আরো হবে।”

“আশা ত সেইরূপই করি। কিন্তু যতক্ষণ তা না হয় অনাদি, ততক্ষণ?”—এ কথা বলিলেন জ্যোতির্ষরী আশাভঞ্জন স্বরে। উত্তর হইল, “ততক্ষণ বিলিতি কাপড় গুলোকে কর্মনাশা জলে নিক্ষেপ কর। ধর্মের উপর গঠন আরম্ভ চিরদিনই হয়ে আসছে। এর মধ্যেই এ কাজ শুরু হয়েছে। ক’লকাতার ছেলেরা পথ দেখিয়েছে, বিবাদপুরেও শুনিছি ইতিমধ্যে অগ্নিকাণ্ড—লুটপাট হয়ে গেছে। বিজয়কুমার এ দলের একজন গুপ্তনেতা, তিনি এখন ঘোর স্বদেশী। এবার আমাদের পালা, আমরা সব রঙের ছেলেরা একত্রে প্রস্তুত আছি। দোকানদারদের একবার কেবল নোটিশ দিতে বাকী—আর রাজকুমারী দিদির হুকুমের অপেক্ষা!”

জ্যোতির্ষরীর মুগমগুল সহসা আরম্ভ হইয়া উঠিল, তিনি ক্রোধদীপ্ত স্বরে কহিলেন, “অনাদি, ভুলে গেছ কি তোমাদের শপথ? অত্যাচার নিবারণ করাই তোমাদের ব্রত, তার পরিবর্তে

অথবা পীড়নে, পৈশাচিক উদ্ভাদনা কাণ্ড তোমরা প্রবৃত্ত হতে
যাচ্ছ! আর এ কার্যে আমার অনুমোদন প্রত্যাশা কর?"

পণ্ডিত মহাশয় 'বন্দে মাতরং' ধ্বনিতে সংক্ষেপে ত্র্যোতি-
শ্রীময়ীর পোষকতা করিয়া কহিলেন, "বৎসে, আয়ুষ্কালী হও—।"

এই সময় একজন দাসী আসিয়া সংবাদ দিল—“ভাক্তারবাবু
আসিতেছেন।”

তৃতীয় পরিচ্ছেদ ।

শরৎকুমার গৃহাগত হইয়া অল্প দিনের স্তায় সাতার অভ্যর্থনা
লাভ করিলেন না। এমন কি, তৎকর্তৃক নমস্কৃত হইয়া রাজ-
কুমারী তাঁহাকে প্রত্যভিবাদন করিতে পর্য্যন্ত ভুলিয়া গেলেন।
গৃহের এই অস্বাভাবিক মোনভাব লক্ষ্য করিয়া শরৎকুমার
প্রথমটা কিংকর্তব্যবিমূঢ় হইয়া পড়িলেন। কিন্তু পর মুহূর্ত্তেই
প্রকৃতিস্থ ভাবে অনাদিকে সপোধন করিয়া কহিলেন, “ঘরের
আবহাওয়াটা বড় Stuffy ব'লে মনে হচ্ছে; ব্যাপারটা কিহে
অনাদি?”

রাজকুমারীর ভৎসনাঘাত একেবারে ব্যর্থ হয় নাই। কিন্তু
বীর বালক অনাদি মোনতায় সে অভিমান-জ্বালা গোপন রাখিয়া
দেয়াল উর্দ্ধে সূর্য্যোদয়-তৈলচিত্রের নিম্নদেশে রক্ষিত বিবেকানন্দ

স্বামীর হৃদয়ের প্রতিমূর্তি থানির দিকে গুরুভাবে চাহিয়াছিল। এবং এই অপ্রকাশ্য জ্বালার যত কিছু চাপভার সবটা ডান পদের বুদ্ধাঙ্গুলে চাপিয়া ধরিয়া প্রতিশোধ স্পৃহা-পরতন্ত্র নার্সার-শাবকের দ্বারা তদ্বারা মেজিয়ায় বহুমূল্য কোমল কার্পেটের পশমগুলিকে আক্রমণ-বিপ্লব করিয়া তুলিয়াছিল। গৃহে ঢুকিয়াই দেশী চটি জুতা ছোড়াটাকে চৌকীর তলায় সে বিশ্রাম প্রদান করিয়াছিল। আজকাল অনাদি বিলাতী জুতা ত্যাগ করিয়াছে।

অনাদির অভিমানে তাপ অপেক্ষা ক্রোধের ঝাঁজটাই ছিল বেশী। “দ্বীলোকের কি একটুও মতি-স্থিরতা নাই! এতদিন ধরিয়া স্বদেশান্তরাগে হৃদয় জ্বালাইয়া তুলিয়া, দেশের কাজে জীবন উৎসর্গ করিতে শিখাইয়া আজ যখন ঠিক কাজ করিবার সময়টি আসিয়া দেখা দিল, তখন কিনা জ্যোতির্শ্রমী বলিয়া বসিলেন, ‘বিলিতি জিনিষ ধ্বংস করোনা।’ হে চাণক্যদেব, কি সার কথাই তুমি বলিয়া গিয়াছ! তোমার বুদ্ধিকে নমস্কার! জীবুদ্ধি প্রলয়ঙ্করী বলিয়া প্রলয়ঙ্করী! বিশ্বাস করিও না তাহাকে,—কেহ বিশ্বাস করিও না, কখনো না, এ জীবনে না, পরজীবনেও না।”

শরৎকুমারের প্রশ্নে তাহার জুহু চিন্তায় বাধা পড়িল। তাঁহার দিকে চাহিয়া কি উত্তর দিবে—ভাবিয়া ঠিক করিয়া লইবার পূর্বেই রাজকুমারী উত্তরস্বরূপ কহিলেন, “এঁরা বিদেশী অনুকরণে পীড়ন নীতি অবলম্বন ক’রে স্বদেশী হ’তে চান। দোকানদারদের যত বিলিতি পণ্য এঁরা জালিয়ে দেবার মতলব এঁটেছেন। জুলুম ক’রে এঁরা দেশোদ্ধার করবেন, হায় রে!

কার উপর যে আশা বাধব! আপনিও কি এই অত্যাচার অহু-
মোদন করেন ডাক্তার-দা?”

উত্তর হইল—“মোটাই না।” উচ্চারণে বেশ জোর দিয়াই
শরৎকুমার এই কথা বলিলেন। হঠাৎ যেন দক্ষিণা বাতাসের
একটা ঝাপটা আসিয়া গৃহের উত্তপ্ত কক্ষবায়ুকে ছিন্নভিন্ন
করিয়া উড়াইয়া দিল, সেই স্বাস্থ্যপূর্ণ শিথল বায়ু হৃদরোগীর শ্রায়
সজোরে নিশ্বাসে গ্রহণ করিতে করিতে হৃত-আশা পুনর্লাভ
করিয়া রাজকুমারী অনাদির দিকে দৃষ্টিপাত করিলেন। সে
দৃষ্টির অর্থ—“গুনিলে ত অনাদি, কি বল তুমি ইহাতে?”

ডাক্তারের এই জোর কথায় অনাদির মনটাও যেন ডিগ্‌বাজি
খেলিয়া ঠিক স্থানটির উপর গিয়া পড়িল।

শরৎকুমারের বিজ্ঞাবুদ্ধির উপর তাহার অগভীর শ্রদ্ধা।
তিনিও যখন তাহাদের কল্পিত কাব্যকে দেশের পক্ষে অহিতকর
বলিয়াই জ্ঞান করিতেছেন, তখন অপর যে যাহাই বলুক, সে
কাব্য তাহার পরিত্যজ্য। এই ভাব মনে আসিবামাত্র পাথরের
মত শব্দ রাগটাও তাহার জল হইয়া পড়িল। টেবিলের ঘড়িটা
ঠুং করিয়া উঠিয়া জানান্ দিল—“সময় বহিয়া যায় যে, ভাবনাতেই
দিন কাটাইলে চলিবে না ত!”

অনাদি ঘড়ির দিকে চাহিয়া অতঃপর সহজ ভাবেই বলিল,
“দিদি ভাই, ৮ টা বাজলো, স্কুলে যাবার জন্য প্রস্তুত হয়ে
নিইগে। আমাদের কর্তব্য, রাণীদিদি, তোমরা দু'জনে মিলে
মীমাংসা করে রাখ।”

রাজকুমারী বুঝিলেন, অনাদির মনের গতি ফিরিয়াছে। শরৎকুমারকে এজ্ঞা স্বগত ধন্যবাদ দিয়া প্রকাশে হৃষ্টচিত্তে অনাদিকে কহিলেন, “তুমি ভাই স্থলে গিয়ে ব্যায়াম সমিতির ছেলেদের আজ বিকালে বাগানে আসতে ব’লো। ব্যায়াম খেলার দিন আজ নয়; না ডাকলে কেউ এদিকে আসবে না। আমার রাখি-বন্ধনের নিমন্ত্ৰণ সবাইকে জানিয়ে দিও।”

“যে আজ্ঞা” বলিয়া অনাদি তাহার চটি জুতা ছোড়ার পোঁজে প্রবৃত্ত হইল। এই সম্মান স্বীকারোক্তিতে রাজকুমারীকে সে নিরন্তর করিয়াছে বলিয়াই মনে করিয়াছিল,—কিন্তু তাহার ভুল ভাঙ্গাইয়া জ্যোতিষ্ময়ী আবার কহিলেন, “যে আজ্ঞে” নয়!—আমার হাতের ‘রাখী’ প’রে আজ তোমাদের আর একবার পপথ করতে হবে যে; দেশের নামে তোমরা কোন অত্যাচার করবে না। ব্যায়াম সমিতির উদ্দেশ্য যদি তোমরা কেউ ভুল বুঝে থাক ত সে ভুল আজ ভেঙ্গে যাক। বুঝলে ত অনাদি?”

“বুঝেছি, বুঝেছি আর বেশী বলতে হবে না।” আর একটা কি কথা সে বলিতে যাইতেছিল—কিন্তু চাপিয়া লইয়া করায়ত্ত জুতা ছোড়াকে পদায়ত্ত করিয়া চটপট গৃহ নিজ্জান্ত হইল। পণ্ডিত মহাশয় বলিলেন, “আমায়ও এখনি যেতে হবে, ন’টা বাজলেই উঠব। মায়ের কাছে এলে আর যেতে ইচ্ছা করে না।” শরৎকুমার বলিলেন, “যেতে হ’বে সকলেরই এক সময়ে—ব্যস্ত হচ্ছেন কেন।”

রাজকুমারীর এতক্ষণে হাঁস হইল, শরৎকুমার আসিয়া পর্য্যন্ত

বসেন নাই, অনুশোচিত চিন্তে উঠিয়া দাঁড়াইয়া বলিলেন, “ডাক্তার-দা, বসুন, কি বর্ষর আমি! অতিথিকে অভ্যর্থনা ক’রতে পর্য্যন্ত ভুলে যাই। মাপ কর্ণেন।”

শরৎকুমার একটা চৌকীর মাথায় হাত রাখিয়া যেমন দাঁড়াইয়া ছিলেন, তেমনি রহিলেন; বসিবার কোন লক্ষণই প্রকাশ না করিয়া সহাস্ত্রে কহিলেন, “ভয়ে ক’ব, না নির্ভয়ে, আজ্ঞা করুন।”

উত্তর হইল—“অবশ্য নির্ভয়ে।”

আশ্বস্ত হইয়া শরৎকুমার কহিলেন, “আমাদের শাস্ত্রক’রগণ যেহেতু শিষ্টাচার প্রয়োগে সাধারণ আলাপের মধ্যে ক্ষমা প্রার্থনার যুক্তি দিয়ে যান্‌নি, সেই হেতু বর্তমানে আপনার ভাষাকে বিদেশী অনুকরণভাব-দুষ্ট বলা যায় কিনা? পণ্ডিত মহাশয় তাহার বিচার করুন।”

পণ্ডিত মহাশয় বলিলেন, “এ বিচারের ভার এখনি আমি গ্রহণ ক’রতে অপারক। মনুসংহিতা এবং পাণিনি—এই উভয়-বিধ শাস্ত্র আয়ত্ত ক’রে নিয়ে তবে এ প্রশ্নের উত্তর দান করা যেতে পারে, একটু অপেক্ষা ক’রতে হবে বাবাজি।”

জ্যোতির্ময়ী সহাস্ত্রে কহিলেন, “আচ্ছা, ক্ষমা করতে হচ্ছেনা, বসুন ডাক্তার-দা?”

ডাক্তার বলিলেন, “ক্ষমা করবার অধিকারও ত আমাদের নেই রাজকুমারী। মানুষে দোষ করে—দেবতারা ক্ষমা করেন, আগরা মানুষ—আপনারা দেবী—ক্ষমা করতে হয় যদি, সেও আপনারাই কর্ণেন—”

পণ্ডিত মহাশয় লোকটি রসগ্রাহী ; ডাক্তারের বাক্যে প্রীত হইয়া হস্তোত্তোলন পূর্বক কহিলেন, “সাধু—সাধু !”

ডাক্তার মস্তক আনতিতে তাঁহাকে ধন্যবাদ প্রদান পূর্বক জ্যোতিষ্ময়ীর দিকে চাহিয়া আবার কহিলেন, “আমায় এখন যেতে হবে রাজকুমারী, বসবার ত বেশী সময় নেই ; তা ছাড়া গৃহকর্ত্তী যখন দাঁড়িয়ে আছেন—তখন—”

জ্যোতিষ্ময়ী বলিলেন, ‘হ্যাঁ, তখন আপনি বসেন কি করে ? আপনি যে মূর্ত্তিমান বিনয়—সে কথাটা ভুলে যেতে হয়।’

কথা কহিতে কহিতে একগাছি ‘রাগি’ তুলিয়া লইয়া জ্যোতিষ্ময়ী দুই এক পদ অগ্রসর হইলেন ; মনের ইচ্ছা ‘রাগি’ গাছটি শরৎকুমারের হাতে বাধিয়া দেন। কিন্তু সে ইচ্ছাটা কার্য্যে পরিণত করিতে মনের মধ্যে কি যে একটা সঙ্কোচ আসিয়া বাধা দিল ; তিনি রাগিগাছা ডান হাতের অঙ্গুলি দ্বারা বাম হস্তের তর্জ্জনীতে পাকাইতে পাকাইতে কহিলেন—

“ডাক্তারদা তবে কি—?”

তাঁহার কথা অসমাপ্ত রহিয়া গেল—এই সময় নয়টার প্রথম ঘণ্টা পড়িবামাত্র পণ্ডিত মহাশয় তাড়াতাড়ি জ্যোতিষ্ময়ীর কাছে আসিয়া হাতটা বাড়াইয়া কহিলেন—

“তোমার হাতের রাগি না প’রে যেতে পারছি নে মা।”

মনের আবেগে এই তৃতীয় ব্যক্তিটির অন্তিম জ্যোতিষ্ময়ী সহসা ভুলিয়া গিয়াছিলেন, সচকিত লজ্জিত ভাবে হাসিয়া বলিলেন—

“আম্বন পণ্ডিতমহাশয়, রাখি পরিয়ে দিই।”

হাতের সে রাখি গাছটি টেবিলে রাখিয়া তিনি আর এক গাছি রাখি তুলিয়া লইয়া পণ্ডিত মহাশয়ের হস্তে কসিয়া দিতে দিতে কহিলেন—

“উপদেশ দিন এখন গুরুজি, আমার কাজ কি?”

রাখি ধারণ করিয়া পণ্ডিত মহাশয় বলিলেন, “মা, তোমাকে উপদেশ দিই এমন সাধা আমার কি! তুমি স্বয়ং শক্তিরূপা ভগবতী! তুমিই আমাকে আদেশ করিবে, আমি পালন করিয়া চলিব।”

গুরুদেব গম্ভীরভাবেই এই কথাগুলি বলিলেন। জ্যোতির্ষয়ী হাস্ত-পরিহাসে এই গুরুগম্ভীর বাক্যভার লঘুতরল করিবার উদ্দেশে খুব খানিক হাসিয়া লইয়া কহিলেন, “দেখুনত ডাক্তার-সাহেব, গুরুজির কথার শ্রী!”

ডাক্তার তাঁহার মনের ভাবটা ধরিয়া লইয়া পরিহাস পূর্বক কহিলেন, “গুরুজি ত ঠিক কথাই বলেছেন। আপনি কি মনে করেন, আপনার গুরুজি তির্কত-বিহারী মহাশয়—উপদেশের অতীত?”

পণ্ডিতমহাশয় দুইগাছা রাখিতে বিরূপ শোভা হইয়াছে তাহা দেখিতে বান হাতটা দাড়ি হইতে নামাইয়া ছিলেন, পুনরায় হস্ত যথানিয়োজনে নতমুখ উন্নত করিয়া বলিলেন, “মায়ের উপদেশ বাবাজি, মহাত্মাদেরও শিরোবাধ্য। আদেশ কর মা তুমি আমাকে, কি করিব?”

শরৎকুমার কহিলেন, “ওকে তবে আদেশ করুন রাজকুমারী, উনি যেন ঘরের পোষাপাখীটাকে পাড়াপড়সীর নাম ডাকতে না শেখান্।”

পণ্ডিতমহাশয় হঠাৎ ‘থ’ হইয়া গেলেন। দাড়ী হইতে হাঁতিটা সহসা নানিয়া পড়িল। জ্যোতিষ্ময়ী হাসিয়া কহিলেন, “ডাক্তারদা—কি বে বলেন আপনি?”

“আচ্ছা, পণ্ডিতমহাশয়কেই জিজ্ঞাসা করুন কথাটা ঠিক কি না?”

পণ্ডিতমহাশয়ের কথা ফুটল—কষ্ট পরিকার করিয়া লইয়া বলিলেন, “পাড়াপড়সীর নাম ডাকতে শেখাই আমি! এ কি বিশ্বাসের কথা না? কে বলে বলত হে?”

উত্তর হইল—“দার নামে পাখী বুলি ধরেছিল সেই বলছিল।”

“সেই বলছিল! লোকটা কে শুনি! নাগটাই বলনা!”

“সে কথা আনার চেয়ে আপনিই ভাল জানেন।”

পণ্ডিতমহাশয়ের অন্তঃপর নৈখ্যচ্যুত হইল, চড়ামেজাজে কহিলেন, “আমি কিছু জানি টানিনে বাপু, তুমি কি জেনেছ, শুনেছ তুমিই বলতে পার।”

“নিতাস্তই শুনবেন সেকথা!” বেশ গম্ভীর হইয়া শরৎকুমার এ কথা বলিলেন—“শুধুন তবে। কাল সকালে আমি যাচ্ছিলুম যখন আপনার বাড়ীর পাশ দিয়ে হাসপাতালে, আপনার পাখীটি তখন মনের স্থপে বুলি ধরেছে—আর রাস্তার ধারে দাঁড়িয়ে একজন স্ত্রীলোক গালে হাত দিয়ে বলছে—কি যেমা গো কি আক্কেল,

দেবদেবীর নাম রইল শিকেয় তোলা—আর পাখী ধরেছে বিন্দুর নাম।”

শরৎকুমার যে সরস অভিনয়ে কিরূপ গল্প জমাইতে পারেন রাঙ্গকুমারী আজ তাহার প্রথম পরিচয় পাইলেন, হাস্তোহাস্যে গৃহ পূর্ণ হইল। কিন্তু পণ্ডিত মহাশয় ইহাতে যোগ দিতে পারিলেন না, তিনি ক্রুদ্ধস্বরেই কহিলেন, “দেখেছ বিন্দু-ময়রাণীর স্পর্ধা! পাখীকে আমি কি না তার নাম গান করতে শেখাব!”

“কিন্তু আমরা মনে হোল, পাখী বিন্দু বিন্দু বলেই বেন ডাকছে।” এই সমর্থন বাক্য পণ্ডিতমহাশয়ের অসহ্য হইয়া উঠিল। সক্রোধে বলিলেন, “দাঁড়াওনা গলাটিপে পাখীটাকে মেরে ফেলছি গিয়েই।”

শরৎকুমার পূর্ববৎ গম্ভীরভাবেই বলিলেন, “কি বলেন গুরুজি! রাগিবন্ধনের উপদেশ এক মুহূর্তেই ভুলে গেলেন!”

পণ্ডিতমহাশয়ের গুপ্তাধর এইবার হাস্তরেখায় উন্মীলিত হইল, সহাস্ত্রে কহিলেন, “জানেন ডাক্তার সাহেব,—আমি শেখাচ্ছিলুম পাখীটাকে ফুলের নাম!”

“ফুলের নাম!” শরৎকুমার ব-অক্ষর আদি ফুলের নাম মনে করিতে চেষ্টা করিলেন—“বকুল, বেলা, বনতুলসি, বংশীবট, কই ব-ওয়াল ফুলের নাম ত বেশী মনে আসছে না গুরুজি? তবে বধু বলে অভিধানে একটা কথা আছে, কাব্যাকরণে ফুলের সঙ্গে তার তুলনা করে থাকেন বটে।”

পণ্ডিত মহাশয় যে বিপত্রিক তাহা শরৎকুমার জানিতেন না। গুরুজি একটু অপ্রতিভ হইয়া উত্তরে কহিলেন,—

“কেন, বন্ধু শব্দ ! আসল ব্যাপারটাও বাবাজি তাই। এই— এই—ধর অরবিন্দ। আমি তা’কে হৃদয় বন্ধু ব’লে মনে করি কিনা—তার প্রতি আমার অসীম আস্থাভক্তি। কে জানে তা থেকে এমন উন্টো উৎপত্তি হবে ! উপর অংশ বাদ দিয়ে পাখী হত-ভাগাটা কিনা শেষটুকুই ধ’রলে !”

“ভবিষ্যতে সাবধান হবেন,—দেখছেন ত কোথাকার জল কোথায় গড়ায় ! কোন দিন শেষে সাগরিকার সারির মত আপনার পাখী একটা কাণ্ড কারখানা ক’রে বসবে !” এই কথা বলিয়া শরৎকুমার জ্যোতিষ্ময়ীর দিকে চাহিয়া বিনয়পূর্বক বলিলেন, “আপনার গুরুজিকে উপদেশ দিতেও সাহসী হচ্ছি রাজকুমারী, দেখছেন ত—ভাক্তারেরও মতিভ্রম হয় !”

পণ্ডিত মহাশয় বলিলেন, “মতিভ্রম নয়, ঠিক বলেছ বাবাজি,—আমার মনের মধ্যে একটা ভাবনা ধরে গেল ! জেনো মা, একথাটা যেন কন্দের কাণে না যায়। তিনিও ত এ থেকে উন্টো বৃকতে পারেন !”

তাহার এই অমূল্য ভঙ্গীতে কর্ণাগত হাস্যোচ্ছ্বাসকে বহু কষ্টে চাপিয়া লইয়া রাজকুমারী কহিলেন, “কুম্ভদিদির বাড়ী থেকে আসতে এখনো দেরী আছে, তিনি যতদিনে আসবেন, ততদিনে এ’ কথাটা চাপা পড়ে যাবে।”

রাজকুমারীর এ প্রসঙ্গ ভাল লাগিতেছিল না, তিনি অতঃপর

ইহা বন্ধ করিবার অভিপ্রায়ে শরৎকুমারের দিকে চাহিয়া গম্ভীর-
ভাবে কহিলেন,—

“ডাক্তার-দা আপনি এখানে হঠাৎ এ সময় কেন এলেন
তা ত এখনো বলেন না !”

পণ্ডিত মহাশয় একবার ঘড়ির দিকে দৃষ্টিপাত করিয়া
বলিয়া উঠিলেন, “আমারও যে কোতূহল জন্মাল,—এখনো
পাঁচ মিনিট অপেক্ষা করতে পারি, কথাটা শুনেই যাই।”

সকলের কোতূহল নিবারণ করিয়া শরৎকুমার উত্তর
করিলেন, “রাজাবাহাদুরের দৌত্য নিয়ে এসেছি। আগামী
সপ্তাহের রবিবারে প্রসাদপুরে বঙ্গবিভাগ-প্রতিবাদ-কনফারেন্স
হবে; অতিথিসম্বন্ধনার জন্ত আপনি প্রস্তুত হ’য়ে নিন্। সভার
প্রোগ্রামও আপনাকেই ঠিক করতে হবে।”

জ্যোতিষ্ময়ী সোৎসাহে বলিয়া উঠিলেন, “সত্যি ! বেশ বেশ !
অতিথিসংস্কারের জন্ত ভাবিনে ডাক্তার-দা। সে বন্দবস্ত ত
আপনারাই করবেন, কিন্তু গানের রিহার্সেল জন্ত সময়টা যেন
একটু সংক্ষেপ মনে হচ্ছে।”

শরৎকুমার বলিলেন, “আজ শুক্রবার, এখনো পূর্ণ ১০টু দিন
হাতে আছে; তার মধ্যে আপনার রিহার্সেল খুব হয়ে
যাবে।”

পণ্ডিত মহাশয় এইবার প্রশ্নানোদ্যেশে পদ বাড়াইয়া
বলিলেন, “ভাবিত হয়ো না মা, আমরা তোমার সহায় আছি।
এখন আসি তবে, বিকালে সন্ধ্যায়ে ছুটে আসব।”

স্বপ্নবাণী

পণ্ডিত মহাশয় চলিয়া গেলেন। জ্যোতির্ষ্ময়ী বলিলেন, “আমার বড় আফ্লাদ হচ্ছে ডাক্তার-দা; অনেকদিন ধরে এখানে একটা জাতীয় সভা আহ্বান করবার কথা আমি বাবাকে বলছি। দেশের নেতৃবৃন্দের সঙ্গে বিশেষত স্বরেন্দ্র বাবুর সঙ্গে আলাপ করার ইচ্ছা বহুদিন ধরে আমার মনে জেগেছে, তা বোধ হয় আগেই একদিন আপনাকে বলেছি। খুব সুখবর ডাক্তার-দা!”

“আরও একটি সুখবর আছে রাজকুমারী। মকদ্দমায় আমরা বেকসুর মুক্তিলাভ করেছি।”

রাজকুমারীর মুখকান্তি জ্যোতির্ষ্ময় হইয়া উঠিল, তিনি পূর্ণানন্দে কহিলেন, “ম্যাজিষ্ট্রেট সাহেব সতাই ত্রায়াবতার। কালই বিকালে গিয়ে আমি তাঁদের রাগি পরিয়ে ধন্যবাদ দিয়ে আসব। আর দেখব যদি এই প্রতিবাদ কন্ফারেন্সের প্রেসিডেন্ট তাঁকেই করতে পারি। ডাক্তার-দা, আজ বিকালে রাধিবন্ধনের সময় আপনিও আসছেন ত?”

“নিশ্চয়। কিন্তু না, সম্ভবতঃ আসতে পারব না, হাসপাতালে আজ বিকালে একটা অস্ত্রচিকিৎসা আছে।”

রাজকুমারী একটু ক্ষণ হইয়া পড়িলেন, দু-এক মুহূর্ত্ত সময় লইয়া বলিলেন, “তবু চেষ্টা করবেন, আমি অপেক্ষা করব—কিরতে যদি সক্ষ্য হইয়া যান—তবুও আমি অপেক্ষা করব।”

একি মধুরতা! এ কি মাদকতা! এই দুই চারিটা কথায় শরৎ-কুমারের মনোপ্রাণ স্বেচ্ছা অমৃত ধারায় ভরিয়া গেল। তিনি ধীরে ধীরে মুগ্ধের ত্রায় কহিলেন; “Caseটা বড় কঠিন, আমার মনে

হচ্ছে কিরতে রাত হয়ে যাবে, অপেক্ষা করবেন না রাজকুমারী।”

রাজকুমারী বলিলেন, “বেশ, অপেক্ষা করব না তবে। তবুও পারেন ত আসবেন ডাক্তার-দা। অনাদির ভাব দেখে আমার মনে ভারী একটা আতঙ্ক উপস্থিত হয়েছে। আমি যদি ভাল করে ছেলেদের বোঝাতে না পারি, আপনি একটু বুঝিয়ে বলবেন যে, তারাই যথার্থ দেশভক্ত, সাধক বরা—” জ্যোতিষ্ময়ী হঠাৎ খামিয়া পড়িলেন, কি বলিয়া এই বাক্য সমাপ্ত করিবেন যেন ভাষা খুঁজিয়া পাইলেন না। শরৎকুমার সে অভাব পূরণ করিয়া কহিলেন, “তাহারাই বথার্থ দেশভক্ত, সাধক,—বাহাদের মূলমন্ত্র রক্তপাত নহে আত্মপাত। শোণিতার্থা—মাতৃভূমি স্বপ্নে গ্রহণ করেন না, তাহাতে তাহাকে কলঙ্কিত করা হয়।”

কি সুন্দর কথা! জ্যোতিষ্ময়ী কি স্বপ্নবানী শুনিলেন!

চতুর্থ পরিচ্ছেদ।

অনাদি স্কুলে গিয়া দেখিল, ব্যায়াম সমিতির অনেক ছেলেই অস্থপস্থিত। শুনিল, হাসপাতাল শিল্পের প্রতিষ্ঠা উৎসবে যোগদান করিতে তাহারা কলিকাতায় গিয়াছে। অগত্যা স্বল্পসংখ্যক মাত্র

বন্ধুবান্ধব লইয়াই বিকালে অনাদি জ্যোতিষ্ময়ীর নিমন্ত্রণ রক্ষায় আসিল।

অতিথিগণ আসিবার বহু পূর্বেই তাইতেই আতিথ্যকারিণী বাগানে আসিয়া আয়োজন কার্যে নিযুক্ত হইয়াছেন। দাসদাসীগণ তাঁহার আদেশে ও উপদেশে খাটসস্তার তরুক্ষেপে টেবিলে সাজাইয়া রাখিতেছে, কত্ৰী স্বয়ং স্বহস্তে সরবৎ প্রস্তুতভার গ্রহণ করিয়াছেন। এতই নিবিষ্ট চিত্তে তিনি একাধ্য করিতেছিলেন যে ইতি মধ্যে হরিরাম কখন যে নিকটের তরুপার্শ্বে আসিয়া দাঁড়াইয়াছে তাহা তিনি জানিতেও পারেন নাই।

হরিরামের স্বন্ধে এক বৃহৎ লৌহ ধন্তুকছিল। আসিবার পথে ইহার গুটীগুলি সজোরে নাড়াইয়া আপনার আগমন সংবাদ জ্ঞাপন করিতে সে ক্রটি করে নাই। কিন্তু এ শব্দেও রাজকুমারীকে তাহার অস্তিত্বে সচেতন করিতে পারে নাই দেখিয়া অতঃপর নিঃশব্দেই কিছু দূরে দাঁড়াইয়া কাব্যরতা সেই লক্ষ্মী মূর্তিকে প্রীতিনয়ন ভরিয়া দেখিতেছিল। এই অসামান্য রূপ-লাবণ্যময়ী বালিকা শিশুকালে তাহারি ক্রোড়ে মাতুষ হইয়াছে— ইহা ভাবিয়া গর্ভনান্দে তাহার বক্ষঃ ছোয়ারের জলের মতই ফাপিয়া উঠিতে লাগিল। জ্যোতিষ্ময়ী কাব্যান্তে হাত ধুইয়া আর একবার উত্তমরূপে টেবিল-সজ্জা পর্যবেক্ষণ করিয়া লইয়া একখানি লৌহ-চৌকিতে আসিয়া বসন বসিলেন; তখন হরিরাম নিকটে আসিয়া নমস্কার পূর্বক কহিল, “এই দেখ রাণি-মা, তোমার আদ্য পুরুষের সেই নামজাদা ধন্তুক।”

জ্যোতিষ্ময়ী আহ্লাদ প্রকাশ করিয়া কহিলেন, “এত দিনে খুঁজে পেয়েছ, হরিরাম?”

“পাব না? মা আমার আজ্ঞা করলেন—খুঁজি আন সে পুরাতন ধনু; হরিরাম কি আর চূপ করি থাকতি পারে? বলব কি মা হুপের কথা, তোষাপানার হইচে যেডা নব কক্ষকর্তা, সেটা একটা আশু জাশো।”

জ্যোতিষ্ময়ী হাসিয়া বলিলেন, “জাশো কি হরিরাম?”

“এই তোমরা যানারে কণ্ড জাদুবান, আমরা তানারেই কই জাশো! সেডাকি বোজে—মতির মালা আর ইউপাটুকৈলের তফাৎ! এই ধনুছিলাটা কিনা ফেলি রাখচে কতক ভাঙ্গা-চোরা জিনিষ পত্তরের মন্দি—”

“তা পেয়েছ ত, সেই ভাল।”

“হাঁ তা পাইচি। না পালি বড় খারাবি হোত। ঠাউর মশয় লিখি থুইচে যে, এ ধনুতে রাজ্যি বদলি হইবে। রাম—ধনুক ভাঙ্গি তবে ত সীতারে পাইচিলেন মা!”

জ্যোতিষ্ময়ী হরিরামকে এবিষয়ের বিশদ ব্যাখ্যা হইতে নিবৃত্ত করিবার অভিপ্রায়ে কহিলেন, “হরিরাম, তুমি একদিন ছেলেনদের লাঠিখেলা শিপিয়েছ, এইবার তোমার কাজ বাড়লো, এবার ধনুর্কর্ষণ ছুঁড়তে শেখাও।”

“তা শিগাব বইকি! কিন্তু তাহলে ধনুক তৈরি করাও মা, এ ধনু-ছিলা তুলতি পারে এমন জন ত এখানে দেহিনে। এ ধনুক হইচে সনাতন চৌধুরীর হাতের ধনুক; এই ছিলায় যখন

বাণ ছুটত, তহন বন জঙ্গলের কোন জানোয়ারই রেহাই পাত না।”

কৌতুহলপরায়ণা শশীদাসী রাজকুমারীর পশ্চাতে আসিয়া দাড়াইয়াছিল, সে বলিয়া উঠিল—“সত্যি রাণীদিদি, ঠিক কথা ! পাড়ের মুখেও এই কথা শুনেছি।”

হরিরাম বলিল, “পুঁথির কহন কি মিথ্যা হয় ! শোন ও বাক্য ! গণক ঠাউর রাজপুঁথিতে এই সব লিখি থুইছে। ছোটো কুঁদো বাঘ গাঁ উজোর করি যহন ফ্যাঙ্গে, তহন প্রজারা কাঁদি কাটি রামপুরের রাজার পা চাপি ধরলো ; ঠিক কি না তুই ক ?”

শশীদাসী কহিল, “রামপুর নয়গো—রাজপুর।”

হরিরাম রাগিয়া বলিল, “রামপুর হইল জিলা আর রাজপুর হইল—রাজার পাটস্থান ! মেয়েজাত এমন আশ্রক তাত এই দেহি। রাজা পাটে বসি হকুম দিলেন, এ বাঘ যে মারি আনবে সে প্রসাদপুর বক্সিস পাবে। সনাতন চৌধুরী খবর শুনিত ভারী খুসী—রাজদরবারে আসি কইলেন—আমারে দানপত্র লিখিয়া দেওয়া হোক।”

এতক্ষণ জ্যোতিষ্ময়ী নীরব হস্তমুখে তাহার দীর্ঘকাহিনী শুনিয়া যাইতেছিলেন। এই বার তাহার উপভাস সংক্ষেপ করিয়া কহিলেন, “তারপর সনাতন চৌধুরী বাঘ শীকারের পুরস্কার স্বরূপ রাজ্য এবং রাজকত্তা এক সঙ্গে লাভ করিলেন ? এই না হরিরাম ?”

কিন্তু এত সহজে হরিরাম নিবৃত্ত হইবার নহে ; সে কহিল,

“কহন কথা আরো কইচে যে, সনাতন চৌধুরী হাজির পিঠে চড়ি—রাজপুরীতে আইলেন।”

রাজকুমারী বলিলেন, “শ্বেত হাতীর পিঠে অবজ্ঞা।”

“হা মা! রাজা বাঘ ছুঁটারে মাইরা ছিলায় বাঁধবার কালে—ধনুকের ঘুটির রবে জঙ্গল ভইরা উঠলো; আর রমনি—”

দাসী বলিল, “ঘুটির রবে না বংশীধ্বনিতে? সবাই কহ রাজা খুব বাঁশি বাজাতে পারতেন।”

“শোন বাক্য! ঘুটির রব বংশীধ্বনির চেয়ে কম নাকি?”

হরিরাম ধনুকের ঘুটিগুলা ঝন্ঝন্ করিয়া বাজাইয়া দিল—রাজকুমারী হাসিয়া কহিলেন, “আমার ত এ ধ্বনি বাঁশির স্বরের চেয়েও সুমধুর মনে হ’চ্ছে।”

আহ্লাদে হাস্যবিকশিত হইয়া উঠিয়া হরিরাম কহিল, “এই ঘুটির রবে শ্বেতহস্তী বনের বাহিরে আইসা, চৌধুরী মশয়কে শুঁড়ে তুলিয়া পিঠে চড়ায়ে রাজার কাছে আইনা হাজির করলেন, রাজা ত দেইখা শুইনা অবাক, তিনি কইলেন—ওগো সনাতন চৌধুরী, তুমি ত দেহি ব্রাহ্মণ সন্তান—তোমাতেই আমি কল্যাণদান করব। রাজমাতা আপুনি আইসা তহন বরণ কইলা হাতি খে নামাইলেন। পুঁথিখান একবার পইড়া দেহ মা!”

“পুঁথি পাওয়া যাচ্ছে না হরিরাম!”

“পুঁথি পাওয়া যায় না!—” আশ্চর্য্য প্রকাশ করিতে গিয়া হরিরামের চক্ষু জলে ভরিয়া গেল, সে বলিল,—

“এ সেই দুৰ্জন বেটার কীর্তি ! চুরিয়ে রাখ্ছে। আচ্ছা কর মা, তার ভিটে পুড়িয়ে পুঁথি আনি।”

জ্যোতিষ্ময়ী বলিলেন, “না, সে সব কিছু করতে হবে না ; তাঁর কাছেই থাক ন্না ; ক্ষতি কি তাতে। হরিরাম তুমি ধনুকটা কাঁধ থেকে নামাও ত, দেখি আমি তুলতে পারি কি না ?”

হরিরাম “হ্যা হ্যা” করিয়া হাসিয়া ধনুক নামাইয়া ভূমে রাখিল। জ্যোতিষ্ময়ী উঠাইতে চেষ্টা করিয়া বিকলপ্রযত্ন হইয়া কহিলেন, “তাই ত ভয়ানক ভারী ! ব্যায়ামের দিনে এবার এর দ্বারা আমার ছেলেদের শক্তি পরীক্ষা করতে হবে।”

হরিরাম বলিল, “মা জননি, ঠাউরের সে আক্ষে নেই ; এ ধনুক যারে তারে ধরতে দিতে নিষেধ। এমন কহন আছে, রাজার ঘরে যদি পুত্র সন্তান না হয়, ত এই ধনুক যে বেটা ধারণ করবে——”

এ কাহিনী শোনার দায় হইতে নিষ্কৃতিলাভের অভিপ্রায়ে রাজকুমারী তাড়াতাড়ি বলিলেন, “আচ্ছা হরিরাম, এ ধনুক তুমি নিয়ে গিয়ে হাতিয়ারশালায় দেয়ালে সাজিয়ে রাখগে— আমার এখন একটু কাজ আছে।”

হরিরাম আর কোন কথা না কহিয়া ভূমিপতিত ধনুক সজোরে ঝঞ্জে ধারণ করিল। এই সময় রূপসিংহ দ্বারবান আসিয়া সৈনিক প্রথায় সম্মান প্রদর্শনপূর্বক রাজকুমারীর নিকট একখানি পত্র-পাত্র ধরিল। রাজকুমারী পত্রখানি তুলিয়া হস্তে গ্রহণ করিবামাত্র সে আর একবার কায়দাসহকারে তাঁহাকে

সেলাম করিয়া চলিয়া গেল। পত্রখানি পণ্ডিত মহাশয়ের। লিখিয়াছেন, আজ বিকালে তিনি সম্ভবতঃ জ্যোতিষ্ময়ীর নিমন্ত্রণে আসিতে পারিবেন না। কারণ, দুপুরের পর হইতে তাঁহার পাখীটির বুলি সহসা বন্ধ হইয়া পড়ায় তিনি বড়ই ভাবিত আছেন। যতক্ষণ তাহার বুলি না ফোটে—ততক্ষণ তাঁহার গতিবিধি সমস্তই অনিশ্চিত।

এই সংবাদে জ্যোতিষ্ময়ীও ভাবিত হইয়া পড়িলেন,—তিনি জানেন, পাখীটি পণ্ডিত মহাশয়ের প্রাণের ধন, তাহার স্বত্ব হইলে পণ্ডিত মহাশয়ের বড়ই কষ্ট হইবে। তিনি গমনোচ্ছত হরিরামকে ডাকিয়া কহিলেন, “পণ্ডিত মহাশয়ের পাখীটাকে অশ্বখ করেছে—তুমি ত হরিরাম একজন শীকারী, পাখীর চিকিৎসা জান বোধ হয়?”

হরিরাম মাথা নাড়িয়া বলিল,—“উঁহঁ ; আমি জানিনে ; হাতেম মিঞা জানে। সে আমার বাড়ীর কাছেই থাকে।” জ্যোতিষ্ময়ী সাহুঁনয়ে কহিলেন, “যাও হরিরাম, এখনি তাকে নিয়ে গিয়ে পণ্ডিত মহাশয়ের পাখীটিকে দেখাও। ব’লো, সারাতে পারলে খুব বকসিস, পাবে।”

হরিরাম ‘যে আজ্ঞা’ বলিয়া অভিবাদনপূর্বক ঘুটি বাজাইতে বাজাইতে চলিয়া গেল।

অপরাহ্নে যথাসময়ে নিমন্ত্রিত বালকগণ আম বাগানে আসিয়া সমবেত হইল। জ্যোতিষ্ময়ী স্বয়ং তাহাদিগকে রাধি পরাইবেন, তাহাদের আনন্দ-উৎসাহ দেখে কে? বন্দে মাতরম্ ধ্বনি তুলিয়া

তাহারা প্রবেশ করিল ; বন্দেমাতরম্ ধ্বনিতে রাধি পরিয়া আনন্দ-মস্তকে তাঁহাকে নমস্কার অভিবাদন করিল। জ্যোতির্-ময়ীরা জীবন মাতৃভাবে সার্থক হইয়া উঠিল। তিনি রাধিবন্ধন শেষে প্রত্যভিবাদনে আর একবার তাহাদিগকে নমস্কার করিয়া কহিলেন, “আজকের রাধিবন্ধন-উৎসব আমাদের ব্যায়াম উৎসবেরই একটি অঙ্গ। সমিতির প্রতিষ্ঠা দিনের শপথ তোমাদের মনে আছে ত ?”

ইহার উত্তরে বহুকণ্ঠ একই কণ্ঠের মত ধ্বনিত হইয়া উঠিল—
“মনে নেই সে শপথবাক্য ! কি বলেন রাজকুমারি ?” সকলে থামিলে, বসন্তকুমার নামে সমিতির একজন তেজস্বী বলবান যুবক উত্তর করিল, “নেশের কাজে যদি কোনদিন এই বাহুবল সার্থক করতে পারি তবেই সে শপথ ভোলায় দিন আসবে ; তার আগে নয়।”

রাজকুমারী নীরব হইয়া পড়িলেন ; বসন্তকুমারের একথার অর্থ তিনি ঠিক হৃদয়ঙ্গম করিতে পারিলেন না। কিছুপরে ধীরে ধীরে বলিলেন, “বাহুবলের সার্থকতাই ত আমাদের কার্যের উদ্দেশ্য নয়—বসন্ত ; আমাদের পথ ত অত্যাচারের পথ নয়। আমাদের জীবনের সার্থকতা, কার্যের সফলতা আত্মপাতে ; রক্ত-পাতকে কখনো যেন আমরা গোরবের কার্য্য বলে বিবেচনা না করি।”

সহসা স্থপ্তি ভঙ্গে অতিথির দল যেন চমকিয়া উঠিল। ব্যায়াম সমিতি প্রতিষ্ঠার দিনে তাহারা কি শপথ করিয়াছিল অন্ধরে

অক্ষরে তাহা কাহারো স্মরণ ছিল না ; দেশের জন্ত কাজ করিতে তাহারা শপথবদ্ধ—এই কথাই মাত্র তাহাদের মনে জাগরুক ছিল । অনাদি কেবল প্রাতঃকালে তাহার বিস্তৃত স্মৃতি পূর্ণমাত্রায় ফিরিয়া পাইয়াছে । অতঃ কেহ কোন কথা কহিবার পূর্বেই সে জ্যোতির্ময়ীর নিকট আসিয়া নতমস্তকে বলিল,

“যথাদেশ রাজকুমারী ; রক্তপাতকে অবজ্ঞা করিয়াই আমরা চলিব ।”

“কিন্তু যদি আবশ্যক হয় !”

একটি ক্ষীণদেহ অল্পবয়স্ক বালক পশ্চাৎ হইতে এই প্রশ্ন করিল ।

জ্যোতির্ময়ী উত্তরে কহিলেন, “আত্মরক্ষার জন্ত, দুর্বলরক্ষার জন্ত বাহুবলের আশ্রয় গ্রহণ ত অনিবার্য,—কিন্তু—”

রাজকুমারী এই পর্য্যন্ত বলিয়া সহসা থামিয়া গেলেন — অনাদি তাহার প্রতিনিধি স্বরূপ কহিল, “কিন্তু রক্তপাতে দেশ ত্রুট উদ্‌যাপন-সঙ্কল্প আমাদের মনে যেন না জাগে । রাজকুমারী এই কথাই বলছেন আর এই ভাবের শপথই আমরা পূর্ব হতে নিজের আবদ্ধ করেছি । ‘অথবা বল প্রকাশ বা দ্বন্দ্ব করিবে না ।’ ইহা আমাদের নিয়মাবলীর একটি সূত্র ।”

সকলেরই মনে হৃত স্মৃতি পুনর্জাগরিত হইয়া উঠিল । ব্যায়াম প্রতিষ্ঠাদিনের আনন্দ উজ্জ্বাসের কথা মনে পড়িল,—উৎসাহ ভাবে নীয়মান হইয়া সস্বথের বালকশ্রেণী অবনত মস্তকে বলিল,

“আমরা রাজকুমারীকে গুরু বলিয়া জানি, গুরু বলিয়া মানি, তাঁহার আদেশ সৰ্ব্ব সময়েই শিরোধাৰ্য্য।”

এই বলিয়া বন্দেমাতরম্ ধ্বনিতে তাহারা জয়ধ্বনি তুলিল। পশ্চাতের দুই চারিজন বালকের নীরবতা সেই জয়ধ্বনির মধ্যে কেহ লক্ষ্য করিল না।

ইহার পর বালকগণ আনন্দ কোলাহল করিতে করিতে ভোজের দিকে মনোনিবেশ করিল। যখন বিহঙ্গ বৈতালিকগণ সঙ্ক্যাবন্দনার কানন মুখরিত করিয়া তুলিল, পান ভোজনাদি শেষ করিয়া বালকগণও তখন বন্দেমাতরং গীতে আগমনী গাহিল। বন্দনাগীতি-স্বাগত সঙ্ক্যারাণী, শান্তিময় আশীষালোকে ভুবন ভরাইয়া তুলিয়া ধরণীতে পদার্পণ করিলেন। এই কল্যাণ-রূপিনী জননীর স্নেহ-ক্রোড়ে রাজকুমারীকে সংরক্ষিত করিয়া বালকগণ প্রসন্নমনে বিদায় গ্রহণ করিল।

সঙ্ক্যা বহুক্ষণ উত্তীর্ণ হইয়া গিয়াছে। জন শূন্য কানন তলে লৌহাসনে আসীনা রাজকন্যা আকাশের দিকে চাহিয়া চিন্তামগ্ন। সঙ্ক্যা পূৰ্ণ হইতে দ্বিতীয়ার চন্দ্রকলা দিব্যরূপে আত্মপ্রকাশ করিয়া এখন আত্মগোপন প্রয়াসে আকাশের শেষপ্রান্তে প্রায় নামিয়া পড়িয়াছে; ঐ ডুবিল, ঐ নিবিল! সঙ্ক্যাতারার উজ্জল রূপ সহসা উজ্জলতর হইয়া উঠিল, পার্শ্বের ক্ষীণকাস্তি মঙ্গলগ্রহ অপেক্ষাকৃত স্তম্ভপটুভাবে নেত্রগোচর হইল। তাহার দিকে চাহিয়া জ্যোতিষ্ময়ী ভাবিতে লাগিলেন “মঙ্গলগ্রহে বার্ষিক প্রেরণের জন্য কত জ্যোতিষী প্রাণান্ত প্রয়াস করিতেছেন,

চিরদিন কি তাঁহাদের চেঁচা নিফল রহিবে! না কোন সোভাগ্য-শালী একদিন এই বহু চেঁচাগঠিত সোপানাবলী চড়িয়া মঞ্চলে পৌছিতে পারিবেন?" জ্যোতিষ্ময়ীর দীর্ঘনিশ্বাস পড়িল।

অদূরে শুকনো পাতা দলিত জুতার মচমচধ্বনির মধ্যে, তাঁহার নিশ্বাসের মৃদু ধ্বনি ধীরে মিশাইয়া গেল। জ্যোতিষ্ময়ী সেই দিকে আকুল প্রত্যাশায় কর্ণপাত করিলেন, ডাক্তারদা কি এতক্ষণে আসিতেছেন! তাঁহার হাতে এখনো রাখি বাঁধা হয় নাই; বিকালের আনন্দ তাই অসম্পূর্ণ রহিয়া গিয়াছে। পদশব্দ বতই নিকটবর্তী হইতে লাগিল, ততই তাহার হৃদয়-শোণিত বেগে উঠিতে পড়িতে লাগিল, একটা লজ্জা চাকল্যের আবেগে মুখমণ্ডল আরক্তিম হইয়া উঠিল! জ্যোতিষ্ময়ী প্রকৃতিস্থ হইবার চেঁচায় উঠিয়া দাঁড়াইয়া লতামণ্ডপ হইতে ফুলগুচ্ছ চয়নে রত হইলেন।

মৃতি নয়ন গোচর হইল, "ইনি ত ডাক্তার নহেন,—পিতা যে!"

রাজা আসিয়া কহিলেন, "আমি জানতুম এখানে এলেই রানীর দেখা পাব।"

রাজকুমারী লজ্জাবনত দৃষ্টিতে ফুলগুলি তাঁহার হাতে দিয়া বলিলেন, "অজ্ঞকে বাবা আমি ছেলেদের রাখি পরিয়ে দিলাম।"

রাজাবাহাদুর কণ্ঠার পিঠে অস্ত্র হাত রাখিয়া আদরে বলিলেন, "শুনেছিল ত সব কথা! এখানে কনফারেন্স হবে; খুসী ত রানী!"

রাজকুমারী সমুৎসাহে কহিলেন, "খুব!" পূর্বের নৈরাশ্য বেদনা তাঁহার হৃদয় হইতে মুছিয়া গেল। রাজা বলিলেন,

“চল রাণি ঘরে; প্রোগ্রাম ঠিক করি গে। ম্যানেজার আবার আমাকে জোর তলব করেছেন, কাল আর হবে না, পরশু নাগাদ আমাকে দু’চার দিনের জন্য একবার ক’লকাতায় যেতেই হবে।”

হুজনে হাত ধরাধরি করিয়া গৃহান্তিমুখী হইলেন। যাইতে যাইতে রাজকুমারী কহিলেন, “তাহলে কাল একবার ম্যাজিষ্ট্রেটের বাড়ী চল না বাবা।”

রাজা কহিলেন, “আমার খুঁকীটির মনের ভাব বুঝে আমি আগে থাকতেই সেই প্রোগ্রাম ঠিক করেছি। ম্যাজিষ্ট্রেট-পত্নী জানেন যে কাল আমরা তাঁদের সঙ্গে দেখা করতে যাব।”

জ্যোতিষ্ময়ী হাসিয়া আনন্দ প্রকাশ করিয়া কহিলেন, “ম্যাজিষ্ট্রেটকে আমি কিন্তু কন্ফারেন্সের প্রেসিডেন্ট হতে নিমন্ত্রণ করব বাবা—”

রাজা কহিলেন, “তিনি প্রেসিডেন্ট হলে ত খুবই ভাল হয়। কিন্তু তাকি হবেন?”

“নিশ্চয়ই হবেন, তুমি দেখে নিও।”

বলিতে বলিতে হাস্যোজ্জ্বল মুখখানি তুলিয়া ‘মঙ্গল গ্রহের দিকে দৃষ্টিপাত করিলেন!

পঞ্চম পরিচ্ছেদ ।

বহুদূর বিস্তৃত জনশূন্য পতিত প্রান্তর; ত্রিসীমা দিয়া প্রায় লোক যাতায়াত করে না। ইহারই এক স্থলে বন্য গাছপালা-প্রচ্ছন্ন বহু পুরাতন একটি মন্দিরের ভগ্নস্বরূপ। ইষ্টক আবর্জনারাশি নির্মিত প্রাকার বেষ্টনে মধ্যের অঙ্গন ভাগ এমন গুপ্ত গুহাকারে পরিণত হইয়াছে যে, ইহার ঠিক বহির্দেশে আসিয়া দাঁড়াইলেও কেহ অন্তর্বিভাগের পরিচয় পায় না। এই গুপ্তস্থান বিব্রোহী যুবকদের দুর্গ—নাম মাতৃমন্দির। অন্তর্বিভাগ দুইটি প্রকোষ্ঠে বিভক্ত; একটি নব বালকদিগের শপথগৃহ এবং এইখানেই মাতীর নীচে চোরাই অস্ত্রশস্ত্র প্রভৃতি সংরক্ষিত থাকে; অন্ত্যংশ বিস্ফোটক পরীক্ষাগার। এ মন্দিরে প্রবেশ-অধিকারীর নাম সেবাধারী। শনি রবিবারেই এখানে ছেলেদের আমদানী অধিক, অস্ত্রশস্ত্রের কসরৎ এবং রাসায়নিক পরীক্ষাকার্য্য এই দুইদিন বেশ রীতিমত ভাবে এখানে চলে। পূর্বকথিত রাখিবন্ধনের পরদিন পড়িয়াছে একটি শনিবার, কিন্তু তথাপি আজ এখানে সেবাধারীর সংখ্যা খুবই কম। বিবেকানন্দ স্বামীর শিষ্যদলের অতুষ্করণে গৈরিক পরিচ্ছদধারী দলপতিমহাশয়ের হস্তে একখানি প্রণালী-পুস্তক; পরীক্ষাকার্য্যে রত কয়েকটি বালকেয় নিকটে দাঁড়াইয়া প্রকরণে ভুলচুক দেখিলে তিনি মাঝে মাঝে

তাহা সংশোধন করিয়া দিতেছেন এবং অবসর মত গুহার বাহিরে প্রাকার নিয়ে আসিয়া কণ্ঠসংলগ্ন ক্ষুদ্র বাঁশি বাজাইয়া অনাগতদিগকে জানাইয়া দিতেছেন যে পথ নিরাপদ। এখানে দলবদ্ধভাবে আসিবার নিয়ম নাই, এক সময়ে দুই একজন মাত্র সতর্কতা অবলম্বনে প্রাকার দ্বারে আসিয়া দাঁড়ায়, তাহার পর গুপ্ত পথে ভিতরে প্রবেশ করে।

রাজবাড়ীর বড় ঘড়িতে সজোরে চারিটার ঘণ্টা পড়িল। শূন্য প্রান্তরস্থিত ভগ্নদুর্গে সে আওয়াজ তোপের-ন্যায় প্রতিধ্বনিত হইয়া উঠিল। আশ্বিনের বেলা অবসান প্রায়। দলপতি উৎসুকভাবে বাহিরে আসিয়া দাঁড়াইলেন। “আর কি কেহ তবে আসিবে না! যে দুই জন নূতন বালকের আজ মন্দিরে আসিবার কথা আছে—তাহারাও ত কই এখানে আসিল না! ভয়ে পিছাইল না কি!” তিনি বেশ একটু চিন্তিত হইয়া পড়িলেন। মহাসা অদূরে সাক্ষাতিক বংশীধ্বনিতে আগমনবার্তা বিজ্ঞাপিত হইল। অল্পক্ষণের মধ্যেই অনাদি ও বসন্তকে সঙ্গে লইয়া ‘একজন সেবারারী আসিয়া উপস্থিত হইল, এবং দুর্গবহির্দ্বারে দণ্ডায়মান দলপতির নিকটে ইহাদিগকে পৌছিয়া দিয়া সরিয়া পড়িল।

দলপতি প্রফুল্ল হইয়া উঠিলেন। ইহাদের সহিত পরিচয়ে ইনি বুঝিয়াছিলেন যে, এই উৎসাহী যুবকদ্বয়কে দলভুক্ত করিতে পারিলে, তাহারা অসাধ্য সাধনে কুণ্ঠিত হইবে না, দেশের নামে প্রাণপাত করিতে ইচ্ছা পা বাড়াইয়া আছে। তিনি উৎসাহ-

বচনে कहিলেন, “বহুক্ষণ থেকে তোমাদের অপেক্ষায় আছি। এত দেরী যে? যাক্ তাতে ক্ষতি নেই—আজ ত কেবল তব্বির দিন; দেশের কাজে মাগের চরণে জীবন উৎসর্গ ক’রে আজ তোমরা নবজীবন লাভে ধন্য হবে।”

দলপতি তাহাদিগকে অনুবর্তী হইতে সঙ্কেত করিয়া দুই এক পদ অগ্রসর হইলেন। অনাদি নির্ঝাক নিম্পন্দভাবে দাঁড়াইয়া রহিল, বসন্ত সাহসপূর্বক कहিল,

“গুরুজি, আমাদের ক্ষমা করবেন, এ মন্দিরের সেবাধারী হতে আমরা পারব না।”

অনাদির জড়তা ঘুচিয়া গিয়াছে, সে বলিয়া উঠিল, “আর সেই কথা বলতেই কেবল আমরা এখানে এসেছি।”

“বটে।”

দলপতির এই ক্ষুদ্র বাক্যে নৈরাশ্য বা বিশ্বাসের সহিত ভয় প্রদর্শনের সুরও মিশ্রিত ছিল।

বসন্ত বলিল, “সন্তোষ ইচ্ছা করলেই যদিও আমাদের হায়ে আপনাকে একথা জানাতে পারত কিন্তু আপনাদের সমিতির খাতায় নাকি এ নিয়ম লেখে না তাই আমাদেরই একথা বলতে এখানে আসতে হোল।”

অনাদি বলিল, “নইলে খুব সম্ভবতঃ আপনি ভাবতেন—ভয় পেয়েই আমরা এলুম না।”

দলপতি উখলিত নৈরাশ্য-ক্রোধ সবলে দমন করিয়া যথা সম্ভব ধীরভাবে বলিলেন, “কিন্তু তোমরা জান না বোধ হয়

যে, একবার এ চক্রে মধ্য পা দিলে আর পিছু হটায় যো নেই।”

বসন্তের মত সাহসী বালকের মুখও সহসা পাংশুবর্ণ হইয়া গেল—এ কথা ত তাহাদের মনে হয় নাই! সে ঢোক গিলিয়া শুষ্ক কণ্ঠ ভিজাইয়া লইয়া কহিল, “কিন্তু আমরা ত চক্রে পা দিই নাই, শপথে নিজেদের বাঁধিনি এখনো।”

দলপতি উত্তেজিত কণ্ঠে উত্তর করিলেন, “যেদিন এই মাতৃ-মন্দিরের সংকল্প শুনে, বুঝে এ দলে মেশবার অভিপ্রায় প্রকাশ করেছ—সেইদিনই চক্রে পা দেওয়া হয়েছে। বিশেষ আজ ত আমাদের আড্ডা পর্য্যন্ত দেখলে, এখন আর ফেরার পথ নেই; দলভুক্ত হতে হবে—না হয় দণ্ড গ্রহণ করতে হবে।”

দলপতি কটিবন্ধ-বস্ত্রে হস্তার্পণ করিলেন। অনাদি বসন্ত উভয়েই ইহার অর্থ বুঝিল; কিন্তু জ্যোতিষ্মতীর শিক্ষাদান নিফল হয় নাই। পূর্বের ক্ষণিক ভয় অবসাদ ইতিপূর্বেই তাহাদের মন হইতে অস্তহিত হইয়াছিল; এগন সম্মুখ বিপদে উভয়েরই তেজঃশতগুণে বাড়িয়া উঠিল। ব্যায়াম-সমিতির প্রণালী অল্পসারে উভয়েই উভয়কে রক্ষা সংকল্পে—আক্রান্ত ব্যাঘ্রী যেমন শাবককে আশ্রয়দানে শীকারীর সম্মুখে দাঁড়ায়—সেইরূপভাবে দাঁড়াইল। সশস্ত্র দলপতি এই নিরস্ত্র বালকদিগের শৌর্ঘ্যে এমনি বিস্মিত হইয়া পড়িলেন যে, তাঁহার নিজের অজ্ঞাতসারে হাত কটিবন্ধ বস্ত্র হইতে নীচে নামিয়া পড়িল।

বসন্ত সদর্পে কহিল, “প্রাণভয় দেখিয়ে আমাদের দলভুক্ত করতে পারবেন না।”

অনাদি বলিল, “আর একথাটাও মনে রাখবেন যে—আমাদের মেরেও কখনো নিস্তার পাবেন না; ফলে তাতে আপনার দলের সমূল উচ্ছেদ সাধন হবে।”

“উঃ, এই অপগণ্ড বালকদিগের কি প্রতাপ! বলে ত ইহাদের পাওয়াই যাইবে না, ছলে কৌশলে কি হয় দেখা যাক।”

দলপতি নরম স্বরে বলিলেন, “খুন করাইত আমার জীবনের, ব্রত নয়, তবে মজল উদ্দেশ্যে যদি তা করতে হয় তাতে আমি পিছপাও নই। আর কারো তা হওয়া উচিত না এই উপদেশই আমি দিয়ে থাকি। তোমরাও দেশসেবক আমরাও দেশসেবক। আমাদের উভয়ের ইচ্ছা ও সঙ্কল্প একই। এ অবস্থায় আমরা যদি মিলে মিশে কাজ করি তবেই ত মায়ের মলিন মুখ একদিন উজ্জ্বল হয়ে উঠবে।”

বসন্ত বলিল, “কিন্তু আমাদের মিলনের আশা নেই—আমাদের পথ একেবারেই স্বতন্ত্র। রক্তপাতে আমরা দেশসেবা করতে পারব না।”

অনাদি বলিল, “কারণ আমরা অন্যরূপ শস্ত্রে আবদ্ধ। দলপতি তাঁহার ক্রোধাবেগ চাপিতে মুহূর্তকাল সময় গ্রহণ করিয় বলিলেন, “কিন্তু ইতিপূর্বে ত তোমাদের মুখে এরকম কথা শুনি নাই। আমার কথায় তখন তোমরা ত পূর্ণভাবেই সায দিয়ে গেছ?”

অশ্বমেধ

বসন্ত বলিল, “আপনার উত্তেজনায় আমরা জ্ঞানহারা হয়ে পড়েছিলুম।”

অনাদি বলিল, “গুরু রূপায় আমরা পুনরায় চেতনা লাভ করেছি। তিনি আমাদের সাবধান করে দিয়েছেন।”

প্রশ্ন হইল “কে তোমাদের গুরু?”

একটু ইতস্ততঃ করিয়া অনাদি বলিল, “রাজকুমারী।”

দলপতি গম্ভীর হইয়া গেলেন, কিছুপরে বলিলেন, “হ্যাঁ, শুনেছি তিনি স্বদেশব্রত গ্রহণ করেছেন। আচ্ছা আমি যদি তাঁর মত পরিবর্তন করে দিতে পারি?”

অনাদি কহিল, “তাহলে আমাদেরও মত পরিবর্তন হতে পারে, আমরা তাঁরই শিষ্য।”

দলপতি অল্পক্ষণ নীরব হইয়া রহিলেন, পরে গম্ভীর ভাবে বলিলেন, “একটা কড়ারে তোমরা মুক্তিলাভ করতে পার।” উভয়ে একই সঙ্গে সোৎসুক কণ্ঠে প্রশ্ন করিয়া উঠিল—“কি কড়ার?”

“রাজকুমারীর সঙ্গে আমার পরিচয় করিয়ে দেবে—এই শপথে তোমাদের অব্যাহতি দিতে পারি।”

অনাদির মনের বিপদ-পাষণ মুহূর্তে যেন তুলার ন্যায় হালকা হইয়া গেল। সে উচ্ছ্বাসভরে বলিয়া উঠিল, “সে ত সহজেই হতে পারে। আগামী কল্যানে দিনে তাঁর সঙ্গে পরিচয় করিয়ে দেব।”

দলপতি বলিলেন, “না, আমি নিরিবিলা একলা তার দর্শন পেতে চাই, নইলে কথা কবার সুবিধা হবে না।”

অনেকদিন হইতে দলপতির মনে যে ইচ্ছা জাগিয়া উঠিয়াছে হঠাৎ তাহা পূর্ণ করিবার সুযোগ তিনি দেখিতে পাইলেন।

অনাদি বলিল, “আচ্ছা, বেশ তাই হবে।”

আহ্লাদে দলপতির শ্যামলবর্ণে লালের আভা ফুটিল। তিনি শ্যামসুন্দর হইয়া সহাস্তে কহিলেন—

“কড়ার ভঙ্গের শাস্তি কিন্তু ভয়ানক ; এ কথা আগে থেকে বলে রাখছি। আর এক কথা, চলে যাবার আগে মায়ের নামে শপথ করতে হবে যে, এখানকার কোন কথাই কোন দিন তোমরা প্রকাশ করবে না।”

বালক দুইজন শপথ করিয়া বিদায় হইয়া গেলে সন্তোষ দলপতির নিকট আসিয়া দাঁড়াইল। দলপতি তাহাকে বলিলেন, “এখানে এদের নিয়ে এসে বড়ই বুদ্ধির কাজ করেছিলে। নইলে একেবারেই এরা আমাদের হাতছাড়া হয়ে যেত। দলবুদ্ধি করতে না পারলে আমাদের উদ্দেশ্য সাধিত হবে না। যাহ’ক ছোকরা ছুটর উপর চোঁথ রেখে—যদি তেমন তেমন বোঝো—তবে বুঝলো ত সন্তোষ ?”

“আজ্ঞে হাঁ বুঝেছি ; আর বেশী বলতে হবে না।”

অতঃপর নীরবে তাঁহারা ভিতরে প্রবেশ করিলেন।

এদিকে বসন্ত ও অনাদি মুক্তিলাভ করিয়া উর্দ্ধ্বাসে ছুটিল, পশ্চাতে একবার চাহিয়া দেখিতেও তাহাদের সাহসে কুলাইল না। প্রেতরাজ্য ছাড়াইয়া একেবারে ক্রোশখানেক পথ দূরে আসিয়া তবে যেন একবার হাঁপ ফেলিবার ফ্রাহারা অবসর পাইল। তাহার

অপ্সবানী

পর আরো খানিকটা চলিয়া নদী কিনারে আসিয়া বাঁধাঘাটের উপর দুইজনে বসিয়া পড়িল। নদী, আকাশ, জীবজন্তু গাছপালা সহসা তাহাদের নেত্রে এক অপূৰ্ণ মহিমায় প্রকাশিত হইয়া উঠিল, নবজীবনের চক্ষু দিয়া আজ তাহারা এ সকল প্রত্যক্ষ করিল; তাহারা ত মৃত্যুমুখ হইতে—ষমপুরী হইতেই ফিরিয়া আসিতেছে। অনাদি খানিকক্ষণ পরে বলিয়া উঠিল—

“এ সব কথা কাউকেই বলতে পারব না, বসন্ত-দা?”

“অবশ্যই না।”

“রাণীদিদিকেও না?”

“না। আমরা যে শপথে আবদ্ধ।”

“আমার বড় দুঃখ হচ্ছে বসন্ত-দা।”

বসন্ত বলিল, “আমার দুঃখ হচ্ছে যে কত ছেলেকে ওরা সর্বনাশের পথে নিয়ে যাচ্ছে, তাদের সাবধান করে দেবার উপায় নেই।”

বর্ষ পরিচ্ছেদ

পরদিন রাজাবাহাদুর জ্যোতিষ্ময়ীকে সঙ্গে লইয়া যথাসময়ে ম্যাজিষ্ট্রেট ভবনে আসিয়া উপস্থিত হইলেন। বাগানে টেবিল চৌকি, পাতা, চায়ের আয়োজন, বাহিরের লোকও আজ এখানে কেহ নাই, পিতা কল্পকে দেখিয়া ম্যাজিষ্ট্রেট দম্পতি সান্ত্বন্য আনন্দ প্রকাশ করিলেন। মেম সাহেব নূতন বাংলা শিখিতে-

ছিলেন,—জ্যোতিষ্ময়ীকে আলিঙ্গনপাশে বদ্ধ করিয়া মুখ চুখন-পূর্বক কহিলেন, “তোমাকে বড় অধিক দেখতে ইচ্ছা করুছিলাম, আমার প্রিয়তম সন্তান। (My Dearest Child) ঠিক হইল কি?”

জ্যোতিষ্ময়ী হাসিয়া কহিল, “খুব ঠিক হয়েছে, মাদার।”

জ্যোতিষ্ময়ী ইহাকে মাদার বলিয়াই সম্বোধন করিত। মেম-সাহেব জ্যোতিষ্ময়ীকে বাহুপাশ হইতে মুক্তিদান পূর্বক সকলকে আসন গ্রহণ করিতে বলিয়া পেয়ালাতে চা ঢালিতে ব্যস্ত হইলেন। সাহেব জ্যোতিষ্ময়ীকে জিজ্ঞাসা করিলেন, “তোমার সমিতি কেমন চলছে, My dear girl.”

জ্যোতিষ্ময়ী বলিল, “ভালই। কাল ছেলেদের হাতে আমি রাখি বেঁধেছি; আজ আপনাদের জন্য এনেছি।” জ্যোতিষ্ময়ী দুইগাছি রাখি নিজের কর-প্রকোষ্ঠে বাঁধিয়া আনিয়াছিল; তাহার একটি খুলিয়া প্রথমে ম্যাজিষ্ট্রেটকে পরাইল। পরাইতে পরাইতে বলিল, “আমি বিপদে পড়িলেই আপনাকে কিন্তু উদ্ধার করিতে হইবে। বুঝিলেন ত?”

ম্যাজিষ্ট্রেট হাসিয়া বলিলেন, “All right. এই অধিকারে নিজেকে সোভাগ্যবান বলেই মনে করছি।”

জ্যোতিষ্ময়ী আহ্লাদের হাসি হাসিয়া তাঁহাকে ছাড়িয়া ‘মাদারের’ কাছ বেঁসিয়া বসিয়া তাঁহার হাতে রাখি বাঁধিতে প্রবৃত্ত হইল। তিনি রাখি পরিয়া তাহাকে চুখন দান পূর্বক তাহার হাতে চাপূর্ণ একটি পেয়ালা উঠাইয়া দিলেন।

অপ্সরবানী

রাজা পূর্বেই মিসেস্ ক্লাউডেলের টেবিলের কাছে বসিয়া চা পান আরম্ভ করিয়াছিলেন। ক্লাউডেন সাহেবও পাশের চৌকি-খানি অধিকার করিয়া, এক পেয়ালা চা হাতে তুলিয়া লইয়া রাজার দিকে চাহিয়া বলিলেন,—

“By the bye রাজা, ডাক্তার চৌধুরী—উৎসব দিনের সেই hero তিনি কি এখনো এখানে আছেন? ইচ্ছা ছিল তাঁকে একদিন ডাকি, কিন্তু এই আপিলটা হাতে আসায় তা পারিনি। He is a fine fellow and has got nice manners.

এই কথায় রাজকুমারীর মুখ ঈষৎ রক্তিম হইয়া উঠিল। কিন্তু সে লজ্জা-রাগ অপর কেহই লক্ষ্য করিল না; সকলেই তখন নিজেকে লইয়া ব্যস্ত।

রাজা হাতের পেয়ালা হইতে সম্ভূর্ণাৎ বেশ সুন্দর কায়দার সহিত একটুখানি চা মুখে গ্রহণ করিলেন। ইংরাজী দস্তুরে পেয়ালার চামচ খানা এ সময় একরকম অনাবশ্যক শোভা স্বরূপ। চিনি ঘাঁটার কাজে লাগা ছাড়া ইহা চা পানের কাজে লাগেনা। তাহার পর ম্যাজিষ্ট্রেটের কথার উত্তরে কহিলেন,—

“ডাক্তার এখনো এখানেই আছেন; মকদ্দমায় নিকৃতি লাভ করে তিনি আপনাকে সর্কাস্ত্রকরণে ধস্তাবাদ প্রদান ক’রেছেন।”

ম্যাজিষ্ট্রেট বলিলেন, “এমন পচা মকদ্দমা আমার জীবনে আসে নাই! কি ক’রে যে মুন্সেফ বাদীকে জিতিয়ে দিলেন!”

রাজা আর দুই এক ঢোক চা গলাধঃকরণ করিয়া কহিলেন,
“কিন্তু স্বজন রাগের দল আপনার নামে নানা কথা রচনা
করবে।”

“Indeed ! কিন্তু সে ভয়ে ত আমি ত্রায়বিচার পরিত্যাগ
করতে পারিনে।”

জ্যোতিষ্ময়ীর মুখকান্তি একটি অপ্রাকৃত জ্যোতিঃ-সৌন্দর্যে
উজ্জ্বল হইয়া উঠিল। সে গম্ভীরভাবে কহিল, “আপনার এই
ন্যায়পরতা জগতের অস্থিমজ্জায় স্থান পাক আমি সর্বান্তঃকরণে
ইহাই প্রার্থনা করি।”

জ্যোতিষ্ময়ীর বালোচিত সরল উৎসাহে মুগ্ধ হইয়া ক্লাউডেন
সাহেব তাহার পিঠে হাত রাখিয়া আদর করিয়া কহিলেন,—

“Thank you dear girl” বলিয়া পত্নীর দিকে চায়ের
পেয়ালাটা বাড়াইয়া দিলেন। মেমসাহেব স্বামীর শূন্য পেয়ালাটি
পূর্ণ করিয়া দিয়া রাজাকে কহিলেন,—

“আর এক পেয়ালা রাজাবাহার ?” রাজার পেয়ালা তখন
নিঃশেষ হইয়া আসিয়াছিল—তিনি মেমসাহেবের অনুরোধ অগ্রাহ্য
করিলেন না।

তাঁহাকে চা ঢালিয়া দিয়া ম্যাজিষ্ট্রেট-পত্নী জ্যোতিষ্ময়ীকে
বলিলেন,—

“তোমার আধ পেয়ালা চা-ও ত এখনো শেষ হোল না, আর
কখনো যে শেষ হবে না, তাও জানি।”

তিনি কতকগুলি চকোলেট-মিষ্ট জ্যোতিষ্ময়ীর ‘পিরিচে’

তুলিয়া দিলেন। সাহেব বলিলেন, "ঠিক হয়েছে ; sweets to the sweet".

জ্যোতিষ্ময়ী হাসিয়া কহিল, "আমি কি এখনো ছেলেমানুষ আছি মিষ্টার ক্লাউডেন?"

সাহেব কহিলেন, "By Jove, তুমি কখনই ছেলেমানুষ ছিলে না—তুমি একজন born sage, একটি দ্বন্দ্ব লামা।"

রাজা বলিলেন, "ঠিক বলেছেন মিষ্টার ক্লাউডেন। জানেন ত ও যখন তিন বছরের মেয়েটি, তখন আমাকে কি রকম জঙ্গ করেছিল?"

শৈশবে নৃত্য করিতে অমুরুদ্ধ হইয়া কিরূপ অটল ভাবে জ্যোতিষ্ময়ী রাজার সে অমুরোধ অগ্রাহ্য করিয়াছিল, রাজা সেই গল্পটি পুনর্ব্বার করিলেন।

জ্যোতিষ্ময়ী হাসিয়া কহিল, "জানেন মিষ্টার ক্লাউডেন, আমি আমাদের দেশের জ্ঞানী-জাতির 'প্রেষ্টিজ' রক্ষা করেছিলুম।"

"হ্যাঁ ঠিকই করেছিলে, বিজ্ঞব্যক্তির (sage) মতই কাজ হয়েছিল।"

জ্যোতিষ্ময়ী কহিল, "হ্যাঁ, যেমন দেশের লোকের সহস্র অমুরোধ অগ্রাহ্য করে গভর্ণমেন্ট বঙ্গবিভাগ সম্বন্ধে নিজের প্রেষ্টিজ রক্ষা করলেন।"

কথার গতি ফিরিল ; ম্যাজিষ্ট্রেট কহিলেন, "বঙ্গবিভাগে ত আমি ক্ষতি দেখি না। তবে দেশের লোক যখন এই বিভাগের বিরোধী, তখন গভর্ণমেন্টের এ থেকে নিরস্ত হওয়াই উচিত ছিল।"

রাজা কহিলেন, “আমাদেরও ত আপত্তির প্রধান কারণ আপাততঃ তাই। জানেন মিষ্টার ক্লাউডেন, প্রসাদপুরেই এবার প্রতিবাদ কনফারেন্স হচ্ছে ?”

জ্যোতিষ্ময়ী বলিয়া উঠিল, “আর আপনাকেই প্রেসিডেন্ট হতে হবে মিষ্টার ক্লাউডেন। বলুন হবেন ?”

ক্লাউডেন সাহেব একথানা “স্মাণ্ডউইচ্” মুখে পুরিয়া দিয়া পেয়ালার চিনিটা চামচ দিয়া নাড়িতে নাড়িতে বলিলেন, “তোমার কথা রাখিতে পারিলে খুবই খুসি হইতাম, dear girlie, কিন্তু আমরা হচ্ছি রাজভৃত্য, তাঁদের মতলবের বিরুদ্ধে কোন কাজ করতে পারি নে। প্রেসিডেন্ট হওয়া আমার কর্তব্য হবে না।”

জ্যোতিষ্ময়ী নিরাশ হইয়া চুপ করিয়া গেল! বুকিল, তিনি যাহা বলিলেন তাহার উপর আর কথা চলে না।

অতঃপর সকলের চা পান শেষ হইলে, খানসামা টেবিল সর-
ঞ্জাম •উঠাইয়া লইয়া গেল, ক্লাউডেন সাহেব ও রাজাবাহাদুর
উভয়ে “হোম-পলিটিক্স” প্রভৃতি নানা প্রসঙ্গ ধমিলেন; এই
অবসরে মেম, সাহেব জ্যোতিষ্ময়ীকে তাঁহার বাগ্মন দেখাইতে
লইয়া গেলেন।

স্থান নির্জন দেখিয়া ক্লাউডেন সাহেব রাজাকে বলিলেন,—

“একটি কথা বলি রাজা, যেন প্রকাশ না হয়। সম্ভবতঃ
প্রসাদপুর থেকে আমার বদলি হবে, আমার কার্যকলাপ
গবর্ণমেন্টের মনের মত হচ্ছে না।”

রাজা নীরব হইয়া গেলেন ; বজ্রাস্ত্রের মত কথাটা তাঁহার
প্রাণে গিয়া বাজিল। উভয়ে অনেকক্ষণ ধরিয়া নিস্তব্ধ হইয়া
রহিলেন।

আশ্বিনের প্রায় শেষ। বাগানের কেয়ারিতে, রাস্তার পটিতে
রকম বিরকম বিলাতি ফুলের বসন্ত বাহার এখন জন্মিয়া নাই।
জিনিয়া, দোপাটি প্রভৃতি দুইচারি রকমের ফুল সবে মাত্র
এখন অল্প অল্প ফুটিতে আরম্ভ করিয়াছে! গোলাপফুলই এখন
ফুলবাগানের প্রধান শোভা। কিন্তু জয় এসময় সব জি বাগানেরই।
কপি, শালগম, বিট, গাজর, পোয়াজ, মটর প্রভৃতি নানাবিধ
তরকারীতে মিসেস্ ক্লাউডেনের সবজি-বাগান ভরপুর। ফুল-
বাগান ও সবজি-বাগানের মধ্যস্থিত বাঁশের খিলান-দরজার
উপরে ‘মার্সেল-নিল’ গোলাপ লতা ফুলে ফুলে ভরা। এই লতা-
গাছ দুটি রাজকুমারীর উপহার। রাজবাগানের দুইটি কলম
আনিয়া একবৎসর পূর্বে নিজের হাতে জ্যোতিষ্ময়ী খিলানের দুই
প্রান্তে পুঁতিয়া দিয়াছিল। মেমসাহেবের যত্নে এত শীঘ্র সেই
কলম দুইটির এখন এমন মধুর রূপ। এখনো প্রত্যহ তিনি এই
গোলাপ গাছে স্বহস্তে জল সিঞ্চন করেন।

তাঁহারা বাগানে আসিবামাত্র মালী ছোট জল পাত্র একটি
আনিয়া ধরিল। এই জলপাত্র লইয়া তাঁহাদের উভয়ের
মধ্যে কাড়াকাড়ি পড়িয়া গেল। মালী বেগতিক দেখিয়া আর
একটি পাত্র আনিয়া দিল। বয়স্কার মতই হাসি গলে, বিবাদ
কৌতুকে উভয়ে বাগানে ছুটাছুটি করিয়া বেড়াইতে লাগিলেন।

বাগানের আশে পাশে ক্রমশঃ হাসমুহানা ও রজনী-গন্ধার দলও খুলিতে আরম্ভ হইল। সুবাসপূর্ণ মুক্তবায়ুর সহিত মিসেস্ ক্লাউডেনের স্নেহাদর এক নিশ্বাসে গ্রহণ করিয়া জ্যোতিষ্ময়ীর বালস্বলভ হৃদয় মুক্তিরচ্ছন্দে নাচিয়া উঠিল।

কিছু পরে রাজাবাহাদুরের সহিত ম্যাজিষ্ট্রেট সাহেবও এইখানে আসিয়া দেখা দিলেন। রাজা বলিলেন, “রাণি, আজ একটু সকাল সকাল বাড়ী ফিরতে চাই।”

জ্যোতিষ্ময়ী একবার আকাশের দিকে চাহিল। পশ্চিমে নদীর পরপারে সূর্য্যদেবের ধ্যানমগ্ন প্রশান্ত তপস্বীমূর্ত্তি, তৎবিকীর্ণ আলোকে দিগ্দিগন্ত লালে লালে সমুজ্জল; নদীর জল বিদ্যুৎকণায় প্রবাহিত। জ্যোতিষ্ময়ী ধীরে ধীরে একটি দীর্ঘ নিশ্বাস ত্যাগ করিল, কে জানে কেন!

মেমসাহেব ক্ষুণ্ণমনে বলিলেন, “এখনি যাবেন রাজা-সাহেব?”

রাজা আব্বার ঘড়ি দেখিয়া বলিলেন, “কাল কলকাতায় যেতে হবে মিসেস্ ক্লাউডেন, নইলে এমন সঙ্গ ত্যাগ করতে চাই এখনি!”

ম্যাজিষ্ট্রেট দম্পতি উভয়েই গাড়ী পর্য্যন্ত আসিয়া তাঁহাদের বিদায় দিলেন। মেমসাহেব জ্যোতিষ্ময়ীকে পুনরায় সন্নেহে আলিঙ্গন পূর্ব্বক চুম্বন করিলেন।

এবার রাজা নিজে মোটারের কল ধরিলেন। শরৎের বেলা—সূর্য্য এখন দিগন্তনিম্নে, তবুও সায়াকুগগন উজ্জল আলোকে দীপ্তিমান! বিলাতের twilight কি এই রকমই?

ম্যাজিষ্ট্রেটের কমপাউণ্ড ছাড়াইয়া কল্লা ঘড়ি দেখিয়া বলিলেন,
‘মিনিট পাঁচেক আমরা আস্তে যেতে পারি।’

নদীর ধার দিয়া তাঁহারা ধীরে ধীরে চলিলেন। ওপারে
কাশফুলের কি সুন্দর শোভা! মাঝে মাঝে বাতাস শেফালি
ফুলের গন্ধ বহন করিয়া আনিতে লাগিল। একজন মালী
কেতকীফুল মাথায় লইয়া মন্দিরের দিকে যাইতেছিল, তাহার
সৌরভ পথে ছাড়াইয়া দিয়া গেল। নদীর ধারে একটি বটগাছের
তলায় একখানা সিন্দূরলেপিত প্রস্তরমূর্তি। এ মূর্তি কাহার স্থাপনা
কেহ জানেনা; পথিকজন অন্নপূর্ণার মূর্তি বলিয়া ইহাকে প্রণাম
করিয়া যায়।

এই প্রস্তর সন্নিধানে বসিয়া একজন ভিখারী পঞ্চনী বাজাইয়া
গান করিতেছিল,

মঙ্গল শব্দ বাজে ঘরে ঘরে,

এলেন আনন্দময়ী ভুবন আলো করে!

আজি আলোকে বলকে আনন্দ,—

বহে কুসুমের মধুর গন্ধ,

‘উথলে দিকে দিকে গীতিছন্দ—

বরষ দিবস পরে।

রাজা গাড়ী থামাইয়া চাপরাশিকে দিয়া তাহাকে পারি-
তোষিক পাঠাইলেন।

গানটি রাজারই রচিত। প্রথম যে আশ্বিনে তাঁহার দুই কন্যা
শুশ্রূষা হইতে পিতৃভবনে আসিয়াছিল, সেই সময় তিনি এই

গানটি রচনা করেন। পুরাতন কত স্মৃতি ইহার সহিত জড়িত, তাঁহার চক্ষু জল পরিপূর্ণ হইয়া উঠিল। জ্যোতির্ময়ী পাশ হইতে তাহা দেখিতে পাইল না। গানটি শুনিতে শুনিতে সে বলিয়া উঠিল, “আগ্নি মাস পড়েছে বুঝি !”

রাজা চক্ষুর জল চক্ষেই ধরিয়া বলিলেন, “রাণীর কাছে সে খবর পৌঁছয়নি এখনো ? মাস যে শেষ হতে চ’ল্লো ।”

রাণী হাসিয়া পিতাকে আদরের বাহুপাশে জড়াইল, রাজা পুরাতন দুঃখ ভুলিয়া গেলেন। চাপরাশি ফিরিয়া আসিলে এবার তিনি সতেজে মোটর চালাইয়া দিলেন।

সপ্তম পরিচ্ছেদ।

শ্রামাচরণের কনিষ্ঠা কন্যা অণুভার সহিত বর্ষাধিক কাল হাসির জ্যেষ্ঠ ভ্রাতা নরেন্দ্রের বিবাহ ঠিক হইয়া আছে,—কিন্তু কার্য সমাধার জন্য কন্যাকর্তার নিকট হইতে এ পর্য্যন্ত কোনদিনই তাগিদ আসে নাই। বরপক্ষ (অর্থাৎ মুখোপাধ্যায়-গৃহিণী,) তাহাতে সন্তুষ্ট বই অসন্তুষ্ট নহেন, মনে করিতেছেন, ‘সে ভালই, হাসির বিবাহটা আগে হইয়া যাক না।’

অণুভা বোড়শী অথচ পিতা কেন যে এ সম্বন্ধে নীরব, তাহা পাঠক অবগত আছেন। তিনি মনে আঁড়িয়াছিলেন—আরও দুই বৎসর কাল এজন্য তাঁহাকে অপেক্ষা করিতে হইবে,

কারণ শরৎ বিলাত হইতে ফিরিয়া নী আসিলে তিনি বিবাহের ব্যয়-ভার বহনে সক্ষম হইবেন না। কিন্তু মানবের এবং দেবতার সঙ্কল্প যে এক নহে ইহা পুরাণ-প্রবচন।

রাজভবনে শরতের প্রতিষ্ঠা দেখিয়া শ্রামাচরণ হাওয়ার গতি বুঝিয়া লইয়াছেন। রাজার নিকট হইতে এমন চিঠি আসে না যাহার মধ্যে শরতের ষিদ্ধাবুদ্ধির প্রশংসা না থাকে। রাজকন্টার মালাদান-বিবরণও ইতিমধ্যে বিচিত্র ছন্দোবন্ধে তাঁহার কর্ণ গোচর হইয়াছে। অতএব, তাঁহার পুত্রতুল্য প্রিয় ভাগিনেয় যে অবিলম্বে রাজা অতুলেশ্বরের জামাতা হইবে, ইহাতে তিনি সংশয়-রহিত চিন্ত। এই বিশ্বাসে তাঁহার হৃদয়-মন আনন্দে পরিপূর্ণ হইয়া উঠিয়াছে। যে শক্তিরূপ ঘটকপুরুষ এইরূপ অসম্ভাবিত যোগাযোগ ঘটাইয়া, সংসারের কণ্টকসঙ্কুল পথ পরিষ্কার করিয়া দেন, শ্রামাচরণের 'পত্রিটিভিজম' আপনার অজ্ঞাতে তাঁহার দিকে মস্তক অবনত করিল।

এতদিনে অণুভার পিতা অণুভার বিবাহের কথা ভাবিবার অবসর পাইলেন। এতদিনের পর কন্টার দিকে দৃষ্টিপাত করিয়া সহসা আবিষ্কার করিলেন যে, তাইত, অণুভা যে বড় হইয়া উঠিয়াছে! ইহার গল্প একদিন গাঙ্গুলি মহাশয় বেশ খোস মেজাজে মনের প্রস্তাব মুখে প্রকাশ করিবার জন্ত মুখোপাধ্যায়-ভবনে আসিয়া উপস্থিত হইলেন।

নরেন্দ্র কলিকাতায় থাকে না। ইঞ্জিনিয়ারিং পাশ করিবার পরই সে বোম্বাই সহরে টাটা মিলে কাজ লইয়াছে। এখন

নরেন্দ্র সেখানে হেড ওভারসিয়ার;—কিন্তু কর্তৃপক্ষগণ তাহার কার্যদক্ষতায় সন্তুষ্ট হইয়া আশ্বাস দিয়াছেন যে, আগামী জাহ্নুমারীতেই মোটা বেতনে আসিষ্ট্যান্ট ম্যানেজারের পদে তাহাকে উন্নীত করিবেন। আগামী আশ্বিনে ১০।১২ দিনের ছুটিতে যখন নরেন্দ্র বাড়ী আসিবে—খুব সম্ভব তখনই এই নিয়োগপত্র সঙ্গে আনিতে পারিবে, এইরূপই সকলে আশা করিতেছেন।

কৃষ্ণলাল মুখোপাধ্যায়ের স্ত্রীই বাড়ীর প্রকৃত কত্রী। তাঁহার ইচ্ছাতেই মুখুয্যে-সংসার কেন্দ্রে ধৃত এবং কক্ষে ঘূর্ণ্যমান। দিদিমা আপনার তপ-জপ, পুরাণাদি পাঠ, এবং হাসিকে লইয়াই থাকেন, সংসারের কোন কথায় পারত পক্ষে যোগ দেন না। আর কত্রী, এ বাড়ীর বরণ্য যিনি,—প্রকোজনে মাত্র তিনি শরণ্য—অন্ত সময় সাক্ষীস্বরূপ নগণ্য মধ্যে গণ্য।

তবে বাহিরের লোক ঘরের কথা অতশত কি জানে; শ্রামা-চরণ সর্ব্বাগ্রে গেলেন দিদিমার নিকট, হিন্দু-বাড়ীর প্রথাহুসারে কত্রীর সম্মান সর্ব্বাগ্রে তাঁহারই ত প্রাপ্য। দিদিমা তখন প্রাতঃ-স্নানান্তে—তপজপ শেষ করিয়া নিরামিষ হৈসেলে যাইবার উদ্যোগ করিতেছিলেন। তাঁহার হাতে জলে-ভেজান বাদাম পেশুর একটি বাটা,—আর তাঁহার দাসীর হাতে তালের মাড়ীসহ একখানা থালা,—উভয়ে দালান পার হইয়া নৌচের সিঁড়ির দিকে অগ্রসর হইতেছিলেন।—ভাদ্র মাস আরম্ভ হইতেই দিদিমার রান্নাঘরে সপ্তাহে অন্ততঃ দুই তিন দিনও তালবড়া, তাল-কীরাদি

হয়। কেন না, ছানার মিষ্টান্ন হইতেও দিদিমার হাতের তাল-মিষ্টান্ন হাসি অধিক তারিফ করিয়া খায়।

সহসা জুতার শব্দ কাণে গেল,—সেই দিকে চাহিয়া দালান-প্রান্তে শ্রামাচরণকে দিদিমা দেখিতে পাইলেন, তিনি দাসীকে তখন রান্নাঘরে যাইতে আদেশ করিয়া তাঁহার অপেক্ষায় দালানেই দাঁড়াইলেন। শ্রামাচরণ নিকটে আসিয়া প্রণাম করিলে—তিনি আশীর্বাদপূর্বক কহিলেন,—

—“এত সকালে যে বাবা!” শ্রামাচরণ হস্তমুখে বলিলেন,—

“একটু কাজে এসেছি মা।” দিদিমা অস্থম্যান করিয়া লইলেন, কি কাজ। তিনিও হস্তমুখে বলিলেন, “এস বাবা, —বসবে এস।”

এই বলিয়া দিদিমা তাঁহাকে সঙ্গে লইয়া পুনরায় নিজের গৃহ-বারান্দায় আসিয়া পৌছিলেন। এই বারান্দা-ঘর বাড়ীর মধ্যে সর্বাপেক্ষা বড় দালান। ভোজপর্বের সময় সর্বত্র এখানে আসন পড়ে। কিন্তু অল্প সময় ইহাই দিদিমার বৈঠকখানা। মুখ্যোবাড়ীর কর্তাপদবাচ্য পরমপূজ্যা মহিলার এই ড্রয়িং রুমের সাজসজ্জা দেখিলে কোন ইংরাজ মহিলা সম্ভবতঃ চমকিয়া উঠিবেন। এই দালানের সর্বপ্রধান আসবাব একখানি মাত্র নাতিবৃহৎ পরীবাহন তক্তাপোষ,—ইহাই দিদিমার রাজ্য এবং অতিথি সিংহাসন। ইহা ছাড়া আরও যে দুইটি গৃহস্ব্য এখানে দেখিতে পাওয়া যায়,—তাহা হইতেছে—হাসির একটি সেতার এবং বহির ক্ষুদ্র সেলুফ্। এ দুইটির কোনটিই মেজিয়া তুলত

নহে, দুইটিই দেয়ালে আন্বিত। হাসি যখন এখানে আসে—
তখন দিদিমার ইচ্ছামত কখনও বা সেতার বাজাইয়া, কখনও
বা কোন বই পড়িয়া তাঁহাকে শুনায়।

দিদিমার পরী-সিংহাসনে বিছাইবার জন্ত নিজের হাতে হাসি
একখানা পশমের গালিচা ও দুইখানা রেশমের কুসন প্রস্তুত
করিয়া দিয়াছে। কিন্তু অধিকাংশ সময়েই এ সকল দ্রব্য পুঞ্জীকৃত
অবস্থাতে তক্তাপ্রান্তের শোভা বর্ধন করে। “ছিঃ, এত বাহারে
জিনিষ ব্যবহার করা তোর বড় দিদিমার কি সাজে না!” হাসি
উপদ্রব করিলে দিদিমা এই শাস্তিবাক্যে তাহাকে প্রবোধ মানা-
ইতে চাহেন।—কিন্তু হাসি ত এ কথা মানিবার পাত্র নহে, সে
যখন এখানে উপস্থিত থাকে তখন গালচে এবং বালিশগুলো
একটু আরামে হাত পা ছড়াইয়া বাঁচে,—কিন্তু সে চলিয়া গেলেই
আবার তাহারা পূর্বাবস্থা প্রাপ্ত হয়।

অতিথি অভ্যাগত কেহ আসিলে যখন দিদিমা তাঁহার
সম্মানার্থে নিজের হাতেই তক্তার উপর গালিচা বিছাইয়া দেন—
তখন সূদর্শার পরিবর্তে তাহাদের দশা সমধিক বিষন্ন হইয়া উঠে।
অতিথিকে গালিচার উপর বসিতে বলিয়া নিজের বসিবার স্থানটা
যখন তিনি গালিচাশূন্য করিতে থাকেন—তখন অতিথিও তাঁহার
দৃষ্টান্ত অনুকরণ করে। উভয় পক্ষের ঠেলাঠেলিতে তখন সেখানা
তক্তার প্রান্তদেশের পরিবর্তে মধ্যদেশে পুঁটুলি বাঁধিতে থাকে।
যদি ইতিমধ্যে হাসি আসিয়া উপস্থিত হয়—তবেই তাহার হাসির
সঙ্গে সঙ্গে এই সব বিশৃঙ্খলা অবিলম্বে শৃঙ্খলায় পরিণত হয়।

সোভাগ্যবশত: আজ তক্তার গালিচা ও কুসন রৌদ্রে দেওয়া হইয়াছিল—সুতরাং তাহাদের আর ঠেলাঠেলির মধ্যে পড়িতে হইল না। দিদিমার ইচ্ছা ছিল—শ্রামাচরণ তক্তার উপর বসেন, আর তিনি পাশে দাঁড়াইয়া তাঁহার বক্তব্য শোনেন,—কিন্তু শ্রামাচরণকে সে আদেশ মানাইতে না পারিয়া অবশেষে তাঁহার অনুরোধই তিনি মানিতে বাধ্য হইলেন। দিদিমা তক্তায় বসিলে পর শ্রামাচরণও বসিয়া—কন্ঠার বিবাহের কথা পাড়িলেন।

দিদিমা শুনিয়া বলিলেন, “হ্যাঁ, তোমার মেয়েটি ত বড় হ’য়ে উঠেছে, অজ্ঞানে বিয়ে হ’লেই ভাল হয় বই কি। তবে কি জ্ঞান বাবা শ্রামাচরণ, হাসির বিয়েটাও সঙ্গে সঙ্গে হ’য়ে গেলেই যেন ঠিক হোত।”

শ্রামাচরণ বলিলেন, “তাতে আর বাধা কি! শুনেছি ত বিজনের সঙ্গে সখ্যক পাকা হয়ে আছে।”

দিদিমা একবার চারিদিকে চাহিয়া দেখিয়া মৃদুকণ্ঠে বলিলেন, “গুজব কথা শ্রাম। দিনকতক বিজনকুমার এখানে যাতায়াত করত—তাই কথাটা উঠেছিল, কিন্তু আজকাল ত তাকে দেখতেই পাইনে। তবে বোমার সেই ইচ্ছে এখনো চার পোয়া।”

শ্রামাচরণ বলিলেন, “মন্দ ইচ্ছা ত নয়; হলে ত ভালই হয়।”

“হ্যাঁ, আমার এই ইটের বারাণ্ডা যদি সোণার হ’য়ে যায়—তা হলে কি আমি মন্দ বলব। কিন্তু সম্ভব অসম্ভব ত একটা

আছে। রাজা-রাজড়াকে মনে পোষা কি আমাদের গত লোকের সাজে! বৌমার যদি এতটুকু বুদ্ধি আছে। অমন সোণার ছেলে শরৎ, তাকে কি না অগ্রাহ্য করলে! সেই পাপেই এখন এত নিগ্রহ।”

বলিতে বলিতে দিদিমার যেন কণ্ঠরোধ হইয়া আসিল।

শ্রামাচরণ মাথা চুলকাইতে লাগিলেন,—মনে মনে কথাটার সত্যতা অনুভব করিলেন,—কিন্তু নিজের ভাগনের প্রশংসার কথায় ত আর নিজে সায় দিতে পারেন না!

দিদিমা আবার কাতর অশ্রু-ভরা কণ্ঠে কহিলেন, “এখনো কি তা হয় না বাবা? তুমি যদি বল ত তোমার ভাগনে কি সে কথা ঠেলতে পারে?”

শ্রামাচরণ বলিলেন, “আমি বতদূর বুঝতে পারছি, তা হবে না মা। সম্ভবতঃ রাজবাড়ীতেই তার বিয়ে হবে! আর সেই-টেই তার পক্ষে মঙ্গল,—আমি ত তাতে নারাজ হতে পারিনে মা!” • দিদিমার সদাপ্রফুল্ল মুখকান্তি নৈরাশ্যম্মান হইয়া পড়িল। মনের কোণে তিনি শরৎকেই নাতজামাইরূপে প্রতিষ্ঠা করিয়া-ছিলেন,—এই কথায় আশাহত হইয়া তাঁহার অন্তঃকরণ হইতে বেদনার দীর্ঘনিশ্বাস উঠিল। কিন্তু সে নিশ্বাস-হাস্তাকার সবলে চাপিয়া ধরিয়া তিনি প্রশান্ত ভাবেই বলিলেন, “তাই হোক তবে,—আশীর্ব্বাদ করি শরৎ সুখী হোক। আহা পিতৃমাতৃহীন বালক,—ভগবান তার মঙ্গল করুন। চিরদিনই আমি মনে জানি—একদিন সে বড়লোক হবে,—বাছার যেমন বুদ্ধি, তেমনি

তেজ। এমন হীরের টুকরো ছেলে হাসির অদৃষ্টে হোল না।
হায়রে ?”

অনিচ্ছা সত্ত্বেও এইরূপ দুঃখের উক্তি দিদিমার মুখ হইতে
বাহির হইয়া পড়িল। শ্যামাচরণ সাস্তনা বাক্যে কহিলেন,
“ভাবছেন কেন মা ; হাসির ভাগ্যে ভাল বরই মিলবে।
সংসারে যোগ্যতর বরও ত ঢের আছে ;—দেখবেন একটি
মিলে যাবে।”

“সেই আশীর্বাদই কর বাছা। তোমার উপরই এ ভার
রইলো, একটি ভাল ঘর বর দেখে দু’হাত এক করে দাও। এই
কাজটি তোমার ক’রতেই হবে।” বলিতে বলিতে আগ্রহে নিকটে
আসিয়া দুই হাতে শ্যামাচরণের হাত ধরিলেন। শ্যামাচরণ
ধীরে ধীরে আক্রান্ত হাতখানি ছাড়াইয়া লইয়া যুক্তকরে শিরস্পর্শ
করিয়া কহিলেন, “গুরুজনের হাত ছুঁয়ে পপথ ক’রতে ভয় পাই
মা, কিন্তু আপনার আদেশ মাথায় রাখলুম।”

শ্যামাচরণ দিদিমার নিকট হইতে বিদায় লইয়া গৃহিণীকে মহলে
গেলেন। গৃহিণীর তরকারী কোটা তখন শেষ হইয়া গিয়াছে।
তিনি বারান্দায় বঁটির উপর বসিয়া ঠাকুরকে খালায় রক্ষিত
বিভিন্ন ব্যঞ্জন-বিভাগ বুঝাইয়া দিতেছেন, আর অদূরে তোলা
উহুনে ঝি রাবড়ি করিতেছে ; তাহারই দিকে বারবার দৃষ্টি
নিষ্কেপ করিতেছেন। শ্যামাচরণ দূর হইতেই হুঙ্কার ছাড়িলেন,
“বলি বোঁঠাকরণ—ঘয়ে আছেন ত ?”

কৃষ্ণলাল সম্পর্কে শ্যামাচরণের শ্যালকশ্রেণীভুক্ত, তাই তিনি

গৃহিণীকে বোঁঠাকরণ বলিয়াই ডাকেন। বামুনকে খালা উঠাইয়া লইয়া যাইতে ইঙ্গিত করিয়া গৃহিণী তাড়াতাড়ী মাথাষ কাপড় টানিয়া দিয়া উঠিয়া দাঁড়াইয়া যখন বলিলেন—“এস ভাই” তখন শ্যামাচরণের মস্তক তাঁহার পায়ের দিকে অবনত হইয়াছে। গৃহিণীকে প্রণাম করিয়া উঠিয়া দাসীর দিকে দৃষ্টিপাত করিয়া তিনি বলিলেন, “ঘরে আসবেন বোঁঠান, কথা আছে একটু।”

পাশেই অস্ত্রপুরের বসিবার ঘর, ঘরের এক ধারে নীচে গালচে পাতা, অন্যধারে দুইচারি-খানা চৌকি-কোচের ব্যবস্থা। গৃহিণী শ্যামাচরণকে ঘরে আনিয়া একখানি গদি-আঁটা বড় চৌকিতে বসিতে অল্পরোধ করিলেন। শ্যামাচরণ না বসিয়া চৌকির পিঠে একখানা হাত রাখিয়া বলিলেন, “আর ব’সব না বোঁঠান, দাঁড়িয়েই কথাটা সেরে নিই, বেলা হয়ে গেছে; এখনি যেতে হবে।”

“কথাটা কি শুনি?”

“আপনার হুকুম নিতে এসেছি বোঁঠান; হুকুম পেলেই আগামী অজ্ঞানেই বিয়ের একটা দিন স্থির করে ফেলতে পারি।” গৃহিণী একহাতে আলম্বিত অঞ্চলের খুঁটটা ধরিয়া অন্যহাতে তাহা পাকাইতে পাকাইতে নতদৃষ্টি হইয়াই কহিলেন, “আর একটু দেরী কর না ভাই, হাসির বিয়েটা হয়ে যাক না আগে।”

শ্যামাচরণ কহিলেন, “পাত্র কি ঠিক আছে?”

গৃহিণী মুখ তুলিয়া তাঁহার দিকে দৃষ্টিপাত করিলেন; সে দৃষ্টি ক্রোধপূর্ণ। তিনি ক্রুদ্ধ স্বরে কহিলেন,—

অপরাধী

“কি ক’রে ঠিক হবে? কতদিন থেকে কতাকে বলছি বিজনকুমারের বাপের কাছে একটি বার যাও, গিয়ে বিয়েটা ঠিক করে এস; তা ঠেকে কি বাগাতে পারছি? তুমি ভাই যদি এ ভারটি গ্রহণ কর।” শ্যামাচরণ সর্পভীতের ন্যায় সহসা সবেগে দুইহাত তফাতে সরিয়া পাঁড়াইয়া কহিলেন, “বাস্ রে! তাঁর কাছে কি আমি এগোতে পারি? সে ক্ষমতা আমার নেই, মাপ করবেন বোঠান, আর যা বলবেন—তা বরঞ্চ আমি ঘাড় পেতে মেনে নেব।”

গৃহিণী নিরাশ হইয়া বলিলেন, “কি বলব আর ঠাকুরজামাই তবে,—হাসির অদৃষ্টে যা আছে হবে। তবুও বলে রাখছি একটি ভাল পাত্রের চেষ্টায় থেকো ভাই।”

“সে কথা আর আমাকে অধিক বলতে হবেনা বোঠান, হাসিকে নিজের মেয়ের তুল্যই দেখি।”

এই কথা এইরূপে শেষ করিয়া শ্যামাচরণ নিজের মেয়ের বিবাহ-প্রসঙ্গ তুলিলেন। বলিলেন, “অজ্ঞানে বিয়ে দিওঁতেই হবে বোঠান; আপনারা পাঞ্জি-পুথি দেখে দিনটা স্থির করে আমাকে বলে পাঠালেই আমি প্রস্তুত হয়ে নেব! নরেন্দ্র আশ্বিন মাসে এখানে ত আসছে,—সেই সময় আমি একদিন এসে আশীর্বাদ করে যাব। এই কথা রইল, কেমন?”

এতদিন বিবাহের সম্বন্ধ হইয়া আছে কিন্তু এ-পর্যন্ত আশীর্বাদ পানপত্রাদিও হয় নাই। যথাসময়ে হইবে এইরূপ মনে করিয়া উভয়পক্ষই নীরব ছিলেন।

গৃহিণীর সম্মতি আদায় করিয়া লইয়া শ্যামাচরণ আর একবার গেলেন কর্তার নিকট। এ বাড়ীতে আসিয়া প্রথমে যখন তিনি কর্তার ঘরে যান, তখন তিনি ছিলেন স্নানের ঘরে। শ্যামাচরণ কাজের লোক, তাঁহার অপেক্ষায় বসিয়া না থাকিয়া ইতিমধ্যে অন্তঃপুরটা ঘুরিয়া আসিলেন।

এখানে আসিয়া দেখিলেন, কর্তা তাঁহার লেখার টেবিলের নিকট বসিয়া ঐ শব্দ চিত্রিত একখানি কাগজ হস্তে ধরিয়া পাশ্বে উপবিষ্ট হাসিকে দর্শন তত্ত্ব বুঝাইতে ব্যস্ত আছেন।

শ্যামাচরণকে দেখিয়া তিনি অস্বস্তি বোধ করিলেন, তাঁহার নমস্কারটা পর্য্যন্ত ফিরাইয়া দিতে তুলিয়া গিয়া অধীর ভাবে বলিলেন,

“একটু কাজে আছি ভাই, বাড়ীর ভিতরটা একবার বেড়িয়ে এস না।”

শ্যামাচরণ হাসিয়া বলিলেন, “বাড়ীর ভিতর থেকেই আসছি। অজ্ঞানেই অনুভার বিয়ে।”

কর্তা কাগজের দিকেই দৃষ্টি রাখিয়া বলিলেন, “বিয়ে! নিমন্ত্রণ ক’রতে এসেছ বুঝি! তা বিয়েতে কিন্তু অর্থও আছে অনর্থও আছে।”

বাবার কথায় হাসি হাসিয়া অস্থির হইল; তখন কল্লোল মুখ তুলিয়া নিজেই হা হা করিয়া হাসিয়া উঠিলেন। শ্যামাচরণ হাসিয়া বলিলেন, “শুধু নিমন্ত্রণ ক’রতে নয়, নিমন্ত্রণ নিতেও এসেছি। অজ্ঞানে তোমার ছেলের সহিত আমার স্নেহের বিয়ে ঠিক হ’য়ে গেল—বুঝলে ত?”

অশ্রুবাণী

কৃষ্ণলাল বলিলেন, “এত শীগগির ! তা গিরি কি বলেন !”

“তার মত না নিয়ে কি তোমার কাছে এসেছি ?”

কর্তা অধীর অঙ্গুনয়ে কহিলেন, “গিরি মত দিয়েছেন, তাহ’লেই হোল। আজ একটু ব্যস্ত আছি বুঝলে ভাই, আর একদিন এস, এ-কথা হবে এখন। বোস্ হাসি !”

হাসি ইতিমধ্যে উঠিয়া শ্যামাচরণকে প্রণাম করিয়া পাড়াইয়া ছিল। শ্যামাচরণ বলিলেন, “বোস্ হাসি—তোমার বাবার শাপের পাত্র ক’রোনা আমাকে। আমি চলুম—আচ্ছা আর একদিন আসব।”

বলিয়া শ্যামাচরণ দ্রুতপদে চলিয়া গেলেন, কৃষ্ণলাল নিশ্চিন্ত-চিত্তে হাসিকে তাঁহার দর্শন-তত্ত্ব বুঝাইতে লাগিলেন।

কৃষ্ণলাল যতই ভাবিতেছেন, যতই শাস্ত্রালোচনা করিতেছেন ততই ওঙ্কার শব্দের মাহাত্ম্য তাহার মনে বদ্ধমূল হইয়া বসিতেছে। ঋষিদের এই ওঙ্কার প্রতিপাদ্য লুপ্ত জ্ঞান যদি তিনি জন-সমাজে পুনঃ প্রচার করিতে পারেন—তবেই তাঁহার জীবন জগৎ সার্থক। কিন্তু তাঁহার এই মহতুদ্দেশ্য সিদ্ধির পথে বাধা বিঘ্ন বিস্তর। প্রথম বাধা—বিষয় কার্যের জঞ্জাল, কিছু না করিলেও কাগজ পত্রগুলোও ত সহ্য করিতে হয়। দ্বিতীয় এবং চূড়ান্ত বাধা—স্বয়ং তাঁহার গৃহিণী। কর্তা যখনই বেশ সংযত চিত্তে তাঁহার প্রতিপাদ্য বিষয় সম্বন্ধে কোন একটি জটিল সমস্যা পূরণ করিতে বসেন—আশ্চর্য্য ! তখনই কি গৃহিণীর মাথায় টনক নড়ে ! ভূষণ-স্বাকারে অবিলম্বে তাহার আগমন বার্তা ঘোষিত হইয়া উঠে,

আর কঠোর আয়ু চিন্তা—বিকারগ্রস্ত, বিপর্যস্ত, বিশৃঙ্খল হইয়া পড়ে।

একদিন বড় দুঃখে তাঁহাকে বলিতে শুনিয়াছিলাম, “এমন কার্য্য জীবনে যদি আর কক্ষণো করি ত আমার নামই মিথ্যা।”

আমি সভয়ে সঙ্কোচে জিজ্ঞাসা করিলাম—“কি কার্য্য করবেন না আর মুকুয়োম’শায় ? এবার কি তবে লেখনী ছাড়বেন ?”

মুকুয়ো-ম’শায় রাগিয়া আগুন হইয়া উঠিলেন। তাঁহার এমন রাগ আমি জীবনে কখনো দেখি নাই;—মুখ লাল করিয়া কহিলেন, “আরে মুখ ? তা নয় ! লেখা ছাড়লে বাঁচব কি নিয়ে ?”

“তবে ?”—

“তবে কি একটুকু বুকিস-নে রে নির্ভুক্তি, জীবনে আর কখনো দার পরিগ্রহ করব না।”

উত্তরে বলিলাম, “ধন্ত—ধন্ত ! সাধু—সাধু ! এতদিনের পর একটা কথার মত কথা শোনা গেল !”

কিন্তু মনের ভিতরকার সংশয় তবু মিটিলনা। অবস্থান্তরে সর্বদাই ত লোকের মতান্তর ঘটিয়া থাকে। এই ত সেদিন পত্নী-প্রেমগদগদচিত্ত আমাদের সদাই ভক্ত—নাতির জন্ত ক’নে খুঁজিতে গিয়া নিজেই—যাক সে কথা !

সকাল বেলাটা কঠো একরূপ নিরাপদ। কাজ ক’র্ম ফেলিয়া গিল্লি বড় একটা এদিকে ঘেসেন না—তাই এ-সময়টা তাঁহার দর্শনতত্ত্বের মীমাংসায় বুদ্ধিটা বেশ খেলিতে থাকে। কিন্তু এই সময়ে তিনি একজন শ্রোতার বড় অভাব অনুভব করেন।

কিছুদিন হইতে হাসি তাঁহার এই অঙ্গীৰ দূর করিয়াছে। তাহাকে বেশ একটি সমজদার সহিষ্ণু প্রোক্তরূপে তিনি পাইয়াছেন। ইহার নিকট ব্যাখ্যা করিতে করিতে তাঁহার জটিল তত্ত্বসূত্রও সহজে উন্মুক্ত হইয়া আসে। তাই প্রাতঃকালটা এ-কার্য্যে বাধা পড়িলে—তিনি বড়ই উদ্ভ্রান্ত হইয়া উঠেন।

আপাততঃ কাগজে লিখিত ও শব্দটি লেখনীর অগ্রভাগ-নির্দিষ্ট করিয়া হাসিকে বলিতেছিলেন, “বুঝলে ত হাসি?”

হাসি অক্ষরের দিকে দৃষ্টি নিবদ্ধ রাখিয়াই কহিল, “কতক কতক।”

“আচ্ছা, তাহ’লে গোড়া থেকে ব’লছি, ভাল করে বোঝ মা। শাস্ত্রমতে পরমাত্মার হৃদয়-আকাশ হইতে উৎপন্ন অ, উ, ঈ এই ত্রিবর্ণের সন্ধিত্বাত ব্রহ্মা, বিষ্ণু মহেশ্বর এই ত্রিগুণাত্মক ব্রহ্মবোধক ওম্ শব্দ, বেদের সনাতন বীজমন্ত্র এবং জীবাত্মার হৃদয়ে স্বতঃ বিরাজমান ও স্বতঃ প্রকাশমান। এখন বিচার করে দেখ, অ উ এই শব্দ দু’টি কি? স্বরবর্ণ, কেমন?”

“হ্যাঁ।”

“আর ঈ?”

“ব্যঞ্জনবর্ণ।”

“আচ্ছা বেশ,—ব্যঞ্জনের কি স্বরবর্ণ ছাড়া পৃথক অস্তিত্ব আছে?”

“না, তাদের আলাদা উচ্চারণ হয় না।”

“সেইজন্ত পরমাত্মা স্বর—এবং জীবাত্মা ব্যঞ্জনবাচক এবং

পৃথক হইয়াও পরস্পর সংযুক্ত। অন্য ভাষায়,—বিন্দুর সমষ্টিতেই যেমন এই বিশাল পরিদৃশ্যমান জগৎ, সেইরূপ পরমাত্মারূপ বিশ্ব-কোষে অবস্থিত সৃজনশক্তির বশবর্তী এই জীবাঙ্গা-বিন্দু মানব-দেহে স্বাতন্ত্র্য লাভ করিবামাত্র ওম্ শব্দের উচ্চারণে ভগবানের সহিত আপনার একাত্মতা প্রতিপাদন দ্বারা তাঁহার বশ্যতা স্বীকার করে। বুঝলে ত হাসি ?”

হাসি হাসিয়া বলিল, “মনে ত হচ্ছে এইবার বুঝছি !”

কৃষ্ণলাল সন্তুষ্ট হইয়া কহিলেন, “ওম্ অক্ষরের প্রথম গ্রন্থি-বিন্দু পরমাত্মাবাচক চিহ্ন, মধ্যবিন্দু পরমাত্মা ও জীবাঙ্গার মিলনগ্রন্থি চিহ্ন। আর যদি ওকার শব্দের আটোপাস্ত এইরূপে মিলিত কর তখন ইহা চক্ররূপ ধারণ করে। এই চক্রাস্তের মধ্যে নিখিল বিশ্ব স্থিত, রক্ষিত ঘূর্ণ্যমান। বুঝলে হাসি ?”

“ই্যা বাবা ! আমার বড় ভাল লাগছে।”

“আর ও শব্দের মাথার উপর এই যে চন্দ্রবিন্দু, এর অর্থ কি জান ? জীবাঙ্গা-আমরা যখন পরমাত্মাকে আপনাতে অন্তর্ভব করি—তখন তিনি ওকার পুরুষ—আর যখন তা করিনে তখন আমরা তাঁহার অর্ধরূপই দেখতে পাই। তখন তিনি চন্দ্রবিন্দু আকারে সাক্ষীস্বরূপ রূপে আমাদের উর্দে বিরাজিত থাকেন। বুঝলে মা ?”

“কিন্তু জীবাঙ্গা ও পরমাত্মার এই একাত্মতা অনুভব করব কিরূপে ?”

এই প্রশ্নে কৃষ্ণনাথ অত্যন্ত সন্তুষ্ট হইলেন,—কহিলেন,

১১৪নং আহিরীটোলা স্ট্রীট, কলিকাতা।

“আঃ সেই ত কথা ! গার্গীও ঠিক তোমারই মত এইরূপ প্রস্ত
করেছিলেন ! আমার ইচ্ছা কি জান—হাসি ? তুমি যদি
গার্গীর মত—”

ঠিক এই সময় কি গৃহিণী সম্মুখে আসিয়া দাঁড়াইবেন ! তাঁহার
অঙ্ককার মুখ দেখিয়া কর্তার বাকরোধ হইয়া গেল। হাতের
কলমটা টেবিলে ফেলিয়া শোচনীয় দৃষ্টিতে পত্নীর দিকে চাহিয়া
রহিলেন। কিন্তু এ দৃষ্টিতে গিল্লির পাষণ হিয়া গলিলনা। তিনি
হাসিকে চলিয়া যাইতে অতুল্য করিয়া দৃঢ় গভীরস্বরে স্বামীকে
কহিলেন, “অজ্ঞাণেই নরেন্দ্রের বিয়ে ঠিক হ’য়ে গেল—কিন্তু তার
আগে হাসির একটি পাত্র ঠিক করা চাই-ই চাই। স্বজন রায়ের
ওখানে আজ তোমাকে যেতেই হবে।”

কর্তা মুখটি চুন করিয়া বলিলেন, “সে কথা কি আমার মনে
নেই ? আমি সেজন্ত দিনের মধ্যে পঞ্চাশবারের জায়গায়
একশবার হেমকে তাগিদ দিচ্ছি।”

গৃহিণী চড়াস্বরে কহিলেন, “হেমটোম আমি জানিনে—
তোমাকেই নিজে আজ সেখানে যেতে হবে।”

যেন কর্তার স্বজন রায়ের বাড়ী না যাওয়াতেই বিবাহটা বন্ধ
আছে !

“আচ্ছা বেশ, তাই যাব—কিন্তু একটু সময় দাও, লম্বীটি,—
একলা ত যেতে পারিনে,—হেম আসুক।”

“আবার বলছি হেম আসবে কি না আসবে—আমি জানিনে
—আমি শুধু জানতে চাই—তুমি আজ সেখানে যাবে

কিনা? বিকাল পর্য্যন্ত আমি সময় দিচ্ছি,—আর যদি না যাও ত—”

কর্তা ব্যতিব্যস্ত হইয়া উঠিয়া বলিলেন, “আর বলতে হবে না—আমি ঠিকই যাব, আজই যাব, নিশ্চয়ই যাব।—শশী—শশে—শশধর, শশাঙ্কলাহন—কোথায় তুমি!”

কর্তাবাবুর ডাক হাঁকে তাঁহার ভৃত্য শশী আসিয়া উপস্থিত হইল—ক্রুদ্ধ গৃহিণী কষ্টে হাশ্বাসঘরণ করিয়া এই সময় সরিয়া পড়িলেন।—শশীর প্রিয় মুখ দর্শনে ক্রুদ্ধালার রুদ্ধ আলামুখী উচ্ছ্বাস হৃদয়ে উথলিয়া উঠিল; তিনি চীৎকার করিয়া কহিলেন, “কোথায় ছিলি এতক্ষণ অজবুজি গজানন?”

“এজ্ঞে এইখানেই ত আছি।”

“এইখানেই ত আছিস্, তবে ডাকলে সাড়া পাওয়া যায় না কেন? হেমকে ডেকে নিয়ে আয়!”

“এজ্ঞে, তিনি এখনো আইসেন নি।”

“এখনো আসেনি! আজকাল ত দেখছি তার বড় গাফেলি হয়েছে। তুই তবে যা—”

“এজ্ঞে চল্লাম—”

“অমনি চল্লাম! কি বলছি আগে শোন।”

“বলতে আজ্ঞে হোক—”

“এখনি গিয়ে তাকে ধরে নিয়ে আয়,—বুঝি ত? খবরদার দেরি করিসনে।”

যে আজ্ঞে বলিয়া সে ক্ষুণ্ণপদে অদৃশ্য হইয়া গেল, এবং ইহার

পর—বার বার—কর্তাবাবুর উচ্চ কণ্ঠনিস্রব্দ আদরের এবং অনা-
দরের ডাক হাঁকেও তাহার সাড়া শব্দ পাওয়া গেল না,—তিনি
হতাশচিত্তে দ্রুত নিশ্বাস ফেলিতে ফেলিতে চৌকিতে বসিয়া চক্ষু
মুদ্রিত পূর্বক ধ্যানমগ্ন হইলেন ।

অষ্টম পরিচ্ছেদ ।

হেম কৃষ্ণলাল বাবুর প্রথম পক্ষের স্ত্রীর ভ্রাতা—অতএব স্বতি
এবং সম্পর্কের বন্ধনীরূপ । এক সময় কর্তাবাবু ইহার অভিভা-
বক ছিলেন—এখন কর্তারই ইনি সর্ব্বেসর্ব্বা দক্ষিণ হস্ত । হেম
নহিলে ত তাঁহার বিষয়কর্ম্ম চলেই না,—তাহা ছাড়া অল্প অনেক
কাজেই হেম তাঁহার নির্ভরস্থল,—এক কথায় হেম তাঁহার সর্ব্ব-
বিষয়ের ম্যানেজার ।

লোকটি যেমন কশ্মিঠ তেমনি খাঁটি, হিসাব নিকাশে এক
আধলার গরমিল হইলে সেদিন তাঁহার আহার নিদ্রা বন্ধ হয় ।
এইরূপ কাজের লোককে কাজে পাইয়া কৃষ্ণলাল কিন্তু একেবারেই
অকেজো হইয়া পড়িয়াছেন । চেকের করম্ পধ্যস্ত তিনি নিজে
লেখেন না, সই করিয়া দিয়াই নিশ্চিন্ত হন ।

বাবুকে বিষয়-কর্মে ‘ওয়াকিভ’ করিতে হেমের পক্ষ হইতে
কিছুমাত্র ক্রটি নাই । কিন্তু তাঁহার দর্শন-চিন্তার নিগড়বাধা
মনের মধ্যে বৈষয়িক চিন্তাকে ঠেলিয়া প্রবেশ করান একরূপ
দুঃসাধ্য ব্যাপার । ব্যাকে কত টাকা আছে না আছে,—ভাড়াটে

স্বপ্নবাণী

বাড়ীর কোন্টার ভাড়া আছে কোন্টা বা খালি, ধার দেওয়া টাকার মধ্যে কোন্স্থলে কত স্বদ বাকী পড়িল—কখন বা কোন্টার নালিসের সময় আসিল,—এই সকল খবর জানাইয়া নানা কার্য সম্বন্ধে আদেশ ও উপদেশ লইবার জন্ত খাতা পত্র এবং চিঠি পত্রাদি সহ যথাসময়ে হেম প্রতিদিন দ্বিপ্রহরের পর তাঁহার নিকট আসিয়া হাজির হয়—কিন্তু কোনদিনই প্রায় পুঙ্খানুপুঙ্খরূপে কোন বিষয় শুনিয়া কিংকর্তব্য ঠিক করিবার অবকাশ তাঁহার ঘটে না। কোন বিষয়ের আধখানা পর্য্যন্ত না শুনিয়াই—অধীর চিত্তে ক্লকলাল বলিয়া—উঠেন, “বুঝেছি বুঝেছি, আর বলতে হবে না,—আমার আদেশ এবং উপদেশ এই যে—এ সম্বন্ধে তোমার বুদ্ধিতে যা ভাল মনে হয় তাই করো।” হেম হতাশভাবে গোঁপে তা দিতে দিতে,—খাতাপত্রের তাড়াগুলা বহিয়া দপ্তরখানায় পুনঃ প্রবেশ করে। গোঁপে তা দেওয়াটাই হেমের জীবনের মধ্যে একটা বদ অভ্যাস—ইহাই তাহাকে সুখে উত্তেজিত এবং দুঃখে সান্ত্বনা প্রদান করে। কারণ মন্তপান বা তামাক সেবনে পর্য্যন্ত সে অনভ্যস্ত।—

কখনো কোন দুর্দিনে বা দুঃসময়ে সহসা যখন কর্তব্যাবুর স্থিতি ভাঙ্গিয়া যায় তখন হেমের আরও বিপদ। এই চেতনারূপ আধিভৌতিক ঘটনাকে দুঃস্বপ্ন বোধে, ইহা হইতে নিকৃতি লাভের জন্ত তখন সমধিক ব্যাকুলভাবে তিনি হেমের শরণাপন্ন হন। যেন হেমই সেই ঘটনার সংঘটক,—এবং ইহার প্রতিবিধানও তাহার হস্তে। আজও গৃহিণীর নিকট কর্তব্য-

ভজের অপরাধে অভিযুক্ত হইয়া তিনি দায়ী করিলেন—
হেমকে !

হেম আসিবামাত্র চীৎকার-ভৎসনায় তাহাকে কহিলেন, “কি
রকম এ কাণ্ড কারখানা তোমার হে ? কতদিন থেকে বলছি, বিজন
কুমারের সঙ্গে হাসির বিবাহটা ঠিক করে ফেলো,—তা করছ
না কেন বলত ? সেদিকে ত তোমার এক বিন্দু চেষ্টাও দেখতে
পাইনে।”

হেম হাসিতে লাগিল। বাবুর ভৎসনায় কেহ রাগ করে না,—
তাহা নির্বিষ ; বরঞ্চ তাহার মধুটুকুই লোকে উপভোগ করে।
কৃষ্ণলাল বলিলেন, “তুমি ত হেসে নিশ্চিন্ত—আর এদিকে যে
আমার প্রাণ ওষ্ঠাগত।” হেম আবার হাসিয়া কহিল, “আমি
ইতিমধ্যে দুই তিন দিন সেখানে গিয়েছিলুম,—কিন্তু রায়ম’শায়ের
দেখা পাইনি—শুনলুম তিনি বাড়ী নেই। আবার না হয় আজ
খবর নেব।”

“ও সব ওজরে আমি ভুলিনে, তোমার উপর এতটুকুও বিশ্বাস
আর আমার নেই ! খবর নিলেই বুঝি কার্য্যসিদ্ধি হোয়ে গেল !
শরীরটো দিন দিন যেমন সূক্ষ্ম হচ্ছে বুজ্জিটাও তেমনি সূক্ষ্মতর
দাঁড়াচ্ছে। আজই চল,—এই মুহূর্ত্তে,—আমার সঙ্গে তোমায়
এখনি সেখানে যেতে হবে—বুঝলে ত ?”

“আজ্ঞে তাই যাব। কিন্তু এখন ত সকলের আহ্বারের সময়
হয়ে এল—এখন ১১টা বেলা,—এখন সেখানে গিয়ে হয়ত শুনবেন
—বাবু খেতে বসেছেন,—এখন দেখাই হবে না।”

“তা নাই হোল দেখা ! সে জন্ত ত তোমাকে ভাবতে বলিনি ?

“তবে চলুন,— আমি প্রস্তুত আছি।”

কৃষ্ণলাল গাড়ি প্রস্তুত করিতে বলিয়া শুনিলেন,—কোচম্যান হাজির নাই, সে বাসায় থাইতে গিয়াছে !

এ সংবাদে একটু আরামও বোধ করিলেন ; এখনি যাইবেন বলিয়া ফেলিয়া পরমুহূর্তেই অল্পতপ্ত হইয়া উঠিয়াছিলেন ।

কিন্তু এ যাত্রা তবুও রক্ষা পাইলেন না, অস্তঃপুরে আহারে যাইবামাত্র আবার এক দফায় গৃহিণীর তাড়া খাইয়া বিকালবেলা অগত্যা কোমর বাঁধিয়া সেনাপতিরূপে রণযাত্রায় নির্গত হইয়া পড়িলেন । তাহা ছাড়া আর গত্যন্তর কি ?

গাড়ীতে বসিয়া সারাপথটা মনে মনে প্রার্থনা করিতে লাগিলেন—আজও যেন স্নজ্জন রায় বাড়ী না থাকেন । গৃহিণীর নিকট কৈফিয়ৎ দিতে পারিলেই ত তাঁহার কর্তব্যের শেষ ।—কিন্তু হায়রে ! এমনি অদৃষ্ট ! খোলা ল্যাণ্ডোখানা রায়-ভবনের কম-পাউণ্ডে প্রবেশ করিতে না করিতে রায় মহাশয়ের জীর্ণ দেহ জীর্ণ মুখ তাঁহার নেত্রগোচর হইল । স্নজ্জন রায় তখন ছাতে রাস্তা-অভিমুখী হইয়া দাঁড়াইয়াছিলেন, যেন কাহারও আগমন প্রতীক্ষা করিতেছিলেন । কৃষ্ণলালকে দেখিয়া তিনি তাড়াতাড়ি নীচে নামিয়া আসিলেন । “এই যে দাদা, আসতে আজ্ঞা হোক, আসতে আজ্ঞা হোক”—বলিতে বলিতে নমস্কার অভিবাদন সহকারে গাড়ী হইতে নামাইয়া ড্রয়িং রুমে আমিয়া বসাইয়া বলিলেন, “আজ আমার পরম সৌভাগ্য ! দাদার পদমূলিতে গৃহ

পবিত্র হ'য়ে গেল। বাড়ীর মঙ্গল ত? হেম ভাল আছে ত?"

কর্তার এইরূপ সৌজন্ত-সমাদরে কৃষ্ণলাল এরূপ মুগ্ধ অভিভূত হইয়া পড়িলেন যে, ইহার প্রতিব্যবহারে তাঁহার মুখ হইতে যেরূপ ভদ্রতার কথা শোভনীয় হইত,—সেরূপ কিছুই এস্থলে বলা হইল না। তবে তিনি এখানে আসিয়া সঙ্কোচের পরিবর্তে ক্রমশঃ বেশ ক্ষুণ্ণির ভাবই বোধ করিতে লাগিলেন এবং মাতুলিক শেষ করিয়া সূজন রায় যখন অল্প কথা পাড়িলেন, তখন ক্রমশঃ তাঁহার কথাও যোগাইতে লাগিল।

সূজন রায় কহিলেন, “নরেশ্বর ত বোম্বাই গিয়েছে শুনেছি—শচীন কি করছে এখন।” কৃষ্ণলাল বুঝিলেন—বিজন কুমারের নিকট হইতে সূজন রায় তাঁহার ঘরের অনেক খবর পান।

তাঁহার প্রশ্নের উত্তরে তিনি কহিলেন, “শচীন এখন বি-এ পাশ দিয়াছে।”—

“বি-এ পাশ দিয়েছে! তা বেশ বেশ! শুনেও আহ্লাদ হয়। আমার ছেলেটাত একেবারেই অকালকুমাণ্ড! আমি তাই গিরিকে বলি—তোমার ছেলের বৌ মিলবে না।”

হেম এই অবসরটা বুথা বাইতে দিল না—বলিল, “তার পাশের কি দরকার বলুন? বাপের জমিদারীই তার পাশ। বিজন ত আমাদের বাড়ীতে প্রায়ই যাওয়া আসা করে—বৌঠাকরুণ ত তার রূপেপুণে মুগ্ধ—তাঁর ভারী ইচ্ছা তাকে জামাই করেন।”

সূজন রায় বুঝিয়া লইয়াছিলেন—ইহাদের আগমনের উদ্দেশ্য

কি, স্বতরাং তিনি এজন্য প্রস্তুত ছিলেন। হেমের কথার উত্তরে বিনয় সহকারে বলিলেন, “আমার ছেলে দাদার,—তাঁর মেয়ে আমার আপনার হবে, এর চেয়ে আর কি সৌভাগ্য হতে পারে বল? তবে ছেলোটাকে কোন একটা কাজে ঢুকিয়ে দিয়ে তবে এ কাজ ক’রব ভাবছি।” স্বজন রায়ে মনোনয়নে তখন জ্যোতিষ্ময়ীর জ্যোতিঃ জাগিতেছিল।

দাদা ইহাতে সায় দেওয়া ছাড়া আর কি বলিতে পারেন? হেম এই সময় কি একটা কথা বলিতে যাইতেছিল, তৎপক্ষেই স্বজন রায় আবার বলিলেন,

“আগে ইচ্ছা ছিল ওকে বিলাত পাঠাব—কিন্তু এখন মনে হয় দেশে থেকেও কাজ করা যায়। দেশের industryর দিকে লক্ষ্য দেওয়াই আপাততঃ আমাদের প্রধান কর্তব্য। একটা দেশলাইএর কাটিও আমাদের বিদেশ থেকে আসছে। বস্ত্রবিভাগ নিয়ে দেশের লোক ক্ষেপে উঠেছে,—কিন্তু এসব কার্য নিয়ে ক্ষেপছে কজন বলত দাদা? অথচ এই পথই আমাদের দেশের প্রকৃত মুক্তির পথ।”

রুক্ষলাল প্রশংসাপূর্ণ দৃষ্টি তাঁহার মুখের উপর স্থাপিত করিয়া কহিলেন, “সে ত ঠিক কথা।”

“তুমি ত দাদা বলে ঠিক কথা; আমাদের জমিদার ভায়ারা এদিকে মোটেই ঘেসতে চান না। তাঁরা পলিটিকস্ নিয়েই ব্যস্ত।

অতুলেশ্বরকে লক্ষ্য করিয়াই তিনি এই কথা বলিলেন।

হেম বলিল, “হ্যাঁ, আপনি শুনেছি—পলিটিক্সের ভেতর যেতে চান না।”

“আমি মনে করি,—ওসবের মধ্যে যাওয়াটা নিতান্ত নির্কৃ-
তিতা,—লাভ কিছু নেই, লোকসান সমূহ।”

কৃষ্ণলাল বলিলেন, “কথাটা আমি সঙ্গত বিবেচনা করি।
আজকালকার ছেলেরা পলিটিক্স নিয়ে কেন যে এত মাথা ব্যথা
করে বুঝতেই পারিনে। আমরা বল্লোই কি ইংরাজরা ভারতবর্ষ
আমাদের ছেড়ে দিয়ে চলে যাবে?”

হেম বলিল, “না, তা কেউ ত চায় না। আমরা ত ইচ্ছা
করিনে যে ইংরাজেরা থাক ;—রাজ্য শাসনে সমক্ষমতা আমরা
পেতে চাই,—যে সব অগ্রায় রাজনৈতিক নিয়ম দেখতে
পাই—তার প্রতিবিধান চাই,—এই মাত্র।”

কৃষ্ণলাল বলিলেন, “হ্যাঁ, সে ত হওয়া উচিতই,—তাতে ত
ইংরাজদেরও আপত্তি হবার কোন কারণ দেখিনে।”

সুজ্ঞন বলিলেন, “তোমার মত সরল মন তাদের কি দাদা !
তারা ভাবে বেশী ক্ষমতা আমাদের হাতে দিলে ক্রমশঃ একেবারেই
তাদের ক্ষমতা চলে যাবে—তাদের দিকটাও বুঝে দেখ।”

হেম বলিল, “তাদের দিক ত তারা খুব বেশী ক’রেই দেখছে,
আমাদের দিক যে একটুও দেখতে চায় না।”

“কিন্তু ভায়া আমরা বল্লোই কি তারা দেখবে ?

“সে কথা পলিটিসিয়ানরাই বলতে পারেন, তবে আমাদের মত
আনাড়িরা এইটুকু বোঝে যে, বলাতেও ত স্থখ একটা আছে।”

“আমি বলি ওতে সুখবোধ না হ’য়ে দুঃখবোধ হওয়াই উচিত। বেশী কথার দরকার কি—কাজেই যোগ্যতা দেখাও না?”

হেম একথার সত্যতাটা মনে মনে বুঝিয়া গোঁপে তা দিতে প্রবৃত্ত হইল। স্বজন বলিলেন, “আমি ত আগেই বলেছি, যাতে ব্যবসা বাণিজ্য ও শ্রম-শিল্পের বৃদ্ধি হয় এই সব দিকে দৃষ্টি দেওয়াই আমাদের এখন প্রধান কর্তব্য। আর আমার সাধ্যমত শক্তি আমি এইদিকে অর্পণ করেছি। একটি চা-বাগানে আমি সহস্র সহস্র মূত্রা ঢালছি—তবুও আশাহুরূপ শ্রীবৃদ্ধি করতে পারছি। এ সব কার্য ব্যাক্তের সাহায্য ব্যতীত চলতে পারে না। কিন্তু বলব কি দুঃখের কথা, একজন একবস্ত্র ইংরাজকেও তারা ঘেরূপ সাহায্য করে, আমাদের মত লোককে তার শতাংশের একাংশও করে না। আমার চা ব্যাক্তের নাম শুনেছ বোধ হয়? দাদা, বড় দুঃখে আমি ঐ ব্যাক্তের প্রতিষ্ঠা করেছি। কিন্তু দেশের লোকই বা কজন এ সম্বন্ধে আমাকে সাহায্য ক’রছেন?”

হেম বলিল, “কয়েকবার দেশী ব্যাক্ত ফেল হয়েছে কিনা, তাই প্রথমটা সবাই ভয় পায়। দিন কতক চালিয়ে যদি স্থানীয় রক্ষা করতে পারেন—তখন আপনা হতেই কত লোক যেতে এসে আপনার ব্যাক্তে টাকা রাখবে। বাস্তবিক এরকম ব্যাক্ত একটার বড়ই অভাব আমাদের দেশে। এ সম্বন্ধে আমিও ভুক্তভোগী। রাঙ্গিগঞ্জে কর্তা মহাশয়ের একটা সম্পত্তি আছে—জানেন ত? তাতে মাঝে মাঝে কয়লার টুকরাও পাওয়া যাচ্ছে। লাখ চার টাকা হলেও আমরা কাজ আরম্ভ করতে পারি, কিন্তু অনেক

চেষ্ঠাতেও কোন ব্যাকারকে হাত করতে পারছিলেন। তার সকলেই একবাক্যে জ্যেষ্ঠ ষ্টক কোম্পানি খুলে কাজ আরম্ভ করতে বলে।—আসল কথা, কৃতকার্য হ'লে তখন এরা টাকা দিবে।”

স্বজন রায়ের লোভ-রসনা লালায়িত হইয়া উঠিল। রাজা অতুলেশ্বরের রাণিগঞ্জে সম্পত্তি আছে আর তাঁহার নাই, এ হীনতাটা তাঁহাকে বড়ই আঘাত দেয়। এই অভাব দূর করিবার জন্য রাণিগঞ্জে দু' একবার জমী দেখিতেও তিনি গিয়াছিলেন। কৃষ্ণলালের জমীটা তাঁহার বড়ই পছন্দ হইয়াছিল। কিন্তু সন্ধান লইয়া জানিয়াছিলেন—ও জমী বিক্রয় হইবে না। হেমের কথার উত্তরে তিনি কহিলেন, “এস্থলে কোম্পানী খোলার আমি ত সার্থকতা বিশেষ কিছু দেখিনে। জমী তোমাদের, অথচ লাভ বা হবে—তা পঞ্চ ভূতে মিলে থাকে। তার চেয়ে আমাকে যদি lease দাও ত আমি খনন ব্যয়ভার সব বহন করব—তারপর লাভ যখন হবে, তখন খরচটা উঠিয়ে নিয়ে আধা আধি আমরা ভাগ নেব।”

কৃষ্ণলাল বলিলেন, “বা: সে ত বেশ কথা—জমীটাত এখন বলতে গেলে পড়েই আছে, তার আয় অতি সামান্য। এ রকম সর্ব্বো দিতে আমি এখনি প্রস্তুত ; কি বলহে হেম ?”

হেম বলিল, “এসব কথায় ত এক মুহূর্ত্তে উত্তর দেওয়া যায় না ; ভেবে চিন্তে পরে উত্তর দেওয়াই ঠিক।”

স্বজনরায় আর অধিক গরজ দেখান বিবেচনাসম্মত জান

করিলেন না—কহিলেন, “হ্যাঁ, হেম ঠিক কথাই ব’লছেন। তবে আমার বলা হইল—জমীটা যদি বিক্রয় করতে চান বা lease দিতে প্রস্তুত থাকেন ত আমাকে জানাবেন; আপনার সুবিধামত সৰ্বেই আমি বন্দোবস্ত করে নেব।”

কৃষ্ণলাল আবার হেমের দিকে চাহিলেন। স্বজনরায় হাসিয়া বলিলেন, “হেমই বুঝি দাদার হঠাৎ কর্তা বিধাতা!”

কৃষ্ণলাল বলিলেন, “ভাগ্যিস ওকে পেয়েছি ভাই, ধড়ে প্রাণ আছে, নইলে যে আমার কি দশা হোত; মনে করতেও আতঙ্ক উপস্থিত হয়।”

স্বজন রায় মনে মনে বলিলেন, “তবেই বিষয় রেখেছ তুমি।” আত্মবৎ মন্ত্ৰতে জগৎ! স্বয়ং ধর্মরাজ আসিয়া তাঁহার কণ্ঠচরী হইলেও স্বজন তাঁহাকে পরিপূর্ণ বিশ্বাস করিতে পারিতেন না।

হেম খলিল, “দর্শনতত্ত্ব চিন্তাতেই উনি সমগ্র আপনাকে ঢেলে দিয়েছেন; আমরা যদি তা থেকে এক মুহূর্ত্তও ওঁকে এদিকে টানি তাহলেও উনি বিরক্ত বোধ করেন।”

স্বজন রায় হাসিয়া বলিলেন, “হাঁ শুনেছি বটে দাদা কি একটা বই লিখছেন,—এখনো শেষ হয় নি?”

কৃষ্ণলাল বলিলেন, “জটিল তত্ত্ব ভাই, সাধারণের বোধগম্য করে লিখতে একটু সময় চাই। জীবাত্মা ও পরমাত্মার একাত্মবাদই আমার প্রতিপাদ্য বিষয়। ঋষিগণ ও শব্দকে বীজমন্ত্র করে যে ইহাই স্বীকার করে গেছেন এইটে আমি বোঝাতে চাই।”

স্বজন রায় নেত্র বিস্ফারিত করিয়া বলিলেন, “দাদা—তুমি এই

মরজগতে অমর কীর্তি রেখে যাবে দেখছি ! শ্রাবীদের আধ্যাত্মিকতা যদি তুমি আবার জাগিয়ে তুলতে পার,—সত্যযুগ ফিরে আসবে !”

কৃষ্ণলাল উৎসাহিত হইয়া কহিলেন, “তোমার এ বিষয়ে এমন interest তা আমি জানতুমনা—এত আহ্লাদ হচ্ছে আমার ! আমি তোমাকে দু’কথায় এর মূলতত্ত্বটা এখনি বুঝিয়ে দিতে পারি—একটা কাগজ পেন্সিল যদি আনতে বল ।”

সুজন রায়ের প্রশংসার পরিণাম এতদূর গড়াইবে তাহা তিনি বুঝেন নাই । এখন কিরূপে ইহা হইতে নিষ্কৃতি লাভ করিবেন ভাবিতেছেন এমন সময় তাঁহাকে রক্ষা করিলেন—তাঁহার ম্যানেজার । তিনি এই সময় আসিয়া উপস্থিত হইলেন । সুজন রায় অনেকক্ষণ হইতে ইঁহারই আগমন প্রতীক্ষা করিতেছিলেন ।

সুজন রায় বলিলেন, “দেখ দাদা পুণ্য কার্যে কত বাধা । এস ডিক্রুজ সাহেব, এঁদের সঙ্গে আলাপ করিয়ে দিই ।”

এই ডিক্রুজ সাহেব আর কেহ নহেন, শরৎকুমার ও অনাদির ট্রেনের বন্ধু । ডিক্রুজ বেশ বাঙলা বলেন—তিনি বাঙলাতেই ইহাদের সহিত কথা বার্তা কহিতে লাগিলেন । হেমের নিকট ইনি অপরিচিত নহেন, অনেকবার ট্রেনে দেখা শুনা হইয়াছে । সুজন রায় কথা-প্রসঙ্গে বলিলেন, “দেখ দাদা, ইনি একজন মস্ত ফিলজফার লোক । প্রাচ্য ও পশ্চাত্য সব ফিলজফিই এঁর কণ্ঠস্থ । তোমার দর্শনতত্ত্ব যদি এঁকে দিয়ে ইংরাজিতে অনুবাদ করিয়ে নিতে পার ত মস্ত একটা কাজ হয় ।”

এই বাসনা কৃষ্ণলালের মনেও মাঝে মাঝে উদয় হইয়াছে। সহসা তাহা পূর্ণ হইবার মুষ্টিমন্ত উপায় সম্মুখে উদিত দেখিয়া তিনি আপনাকে ধন্ত জ্ঞান করিলেন।

ভিক্রুজ বলিলেন, “আপনারা দুজনেই দেখছি born patriot ! একজন দেশে ধনাগমের চেষ্টা করছেন—আর—একজন জ্ঞান বিস্তারের চেষ্টা করছেন। দেশের পক্ষে দুই-ই দরকার। আমার সৌভাগ্য যে আজ আপনার সঙ্গে পরিচিত হলেম।”

আরও দুই একটা এইরূপ মিষ্ট সম্ভাষণ করিবার পর স্বজন রায়কে তিনি বলিলেন, “আপনার সঙ্গে একটু কথা আছে, আমায় এখনি আবার একবার ব্যাঙ্কে যেতে হবে।” হেম এই ইঙ্গিত গ্রহণ করিয়া কহিল, “তবে আজ ওঠা যাক মুখ্যোমশায়; সন্ধ্যা ত হয়ে এল।”

মুখ্যোমশায় আসিবার সময় যেরূপ অনিচ্ছার সহিত গাড়ীতে উঠিয়াছিলেন; যাইবার সময়ও সেইরূপ অনিচ্ছাতে চৌকি হইতে উঠিলেন। স্বজন বলিলেন, “বসুন না আর একটু; এখনি যাবেন?”

মুখ্যো মশায়ের ইচ্ছামত কাজ হইলে তিনি এই নিমন্ত্রণ গ্রহণ করিতেন; কিন্তু এই কথা বলিতে বলিতে গৃহস্থায়ী স্বয়ং উঠিয়া দাঁড়াইলেন; হেম, ভিক্রুজ সবাই উঠিয়া দাঁড়াইল, —স্বতরাং কৃষ্ণলালের মনের ইচ্ছা মনেই রহিয়া গেল। উঠিয়া দাঁড়াইয়া স্বজন রায় কহিলেন, “তুমি তা হলে ব্যাঙ্কের ডিরেক্টর হচ্ছ দাদা? এতে ক্ষতি, কিছুই নেই—শুধু নামটা দেওয়া মাত্র। তাহ’লেই লোকে ব্যাঙ্কের উপর বিশ্বাস স্থাপন করতে পারবে।”

কৃষ্ণলাল উত্তর করিলেন, “অবশ্য অবশ্য, আমার ত সেটা কর্তব্য কাজ।”

সুজন কৃষ্ণলালকে গাড়ীতে পৌঁছিয়া দিবার সময় নীচে আসিয়া আবার বলিলেন, “ব্যাকের কথাটা ভুলো না দাদা। টাকাকড়ি এই ব্যাকে রেখে তুমি বেশ নিশ্চিন্ত থাকতে পারবে। রাণিগঞ্জের সম্পত্তি সম্বন্ধে যে প্রস্তাব করেছি সে বিষয়েও ভেবে-চিন্তে একবার দেখো। ছেলেটাকে এই রকম কাজে লাগিয়ে দিয়ে তখন ঘরে বৌ আনব এই মনে করে আছি।”

আশাতীত সফলতা! হাসিকে বৌ করিবেন বলিয়াই তাহা হইলে সুজন রায় কথা দিলেন। ইহা হইতে স্পষ্ট উক্তি আর কি হইতে পারে! কর্তা বলিলেন, “কবে আসবে ভায়া! তুমি বুঝি হাসিকে দেখনি?”

“একদিন অবিলম্বে যাব; তোমার দর্শনতত্ত্বও সেইদিন শুনব, আজ ত আর ভাগ্যে সে আনন্দলাভ ঘটলো না।”

কৃষ্ণলাল আনন্দে গলিয়া গেলেন—তঁাহাদের গাড়ীতে বসাইয়া সুজন শেষে জিজ্ঞাসা করিলেন, “কখন গেলে কথাবার্তার সুবিধা হবে দাদা?”

কর্তা বলিলেন, “সকালেই আমি লেখা পড়া করি, দর্শনতত্ত্ব শুনতে চাও ত সেই সময়ই এস।”

“আর যদি কাজের জন্ত যাই?”

“তাহলে বিকালের দিকে আসাই ভাল। হেম আহা়ারান্তে

আমার ওখানে আসেন, আজ তোমার কাছে সকালেই আসব ভেবে ধরা পাকড়া করে ১১টার মধ্যেই ওঁকে আনিয়েছিলুম—শেষে কিন্তু সকালে আর এখানে আসাই হোলনা।”

শেষ কথা শেষ হইতে না হইতে কোচমান গাড়ী হাঁকাইয়া দিল।

কর্তা বাড়ী ফিরিয়া আসিয়া গৃহিণীকে স্তম্ভবাদ দান করিলেন;—গৃহিণী আহলাদিত হইয়া বলিলেন, “দেখলে,—আমি ত বলেছিলুম, তুমি গেলেই কার্য্যসিদ্ধি হবে। কথা শোননা—এই বড় দুঃখ।”

হাসি ছাড়া আর সকলেই জানিল; বিজনকুমারের সহিত তাহার শীঘ্রই বিবাহ হইবে।

* * * *

কৃষ্ণলালের সৌভাগ্যের সীমা নাই। ২৩ ঘণ্টাও অতিবাহিত হয় নাই, কেবল রাত্রিটা মাত্র কাটিয়াছে অমনি প্রাতঃকালে ম্যানেজার ডিক্রুজ সাহেব কৃষ্ণলালের নিকট আসিয়া উপস্থিত হইলেন! অভিপ্রায় কি? না, তাঁহার দর্শনতত্ত্ব শুদ্ধিবেদ। কৃষ্ণলালের বুঝি এত আনন্দ জীবনে কখনো হয় নাই। তিনি ওঙ্কার শব্দনিখিত কাগজখানি সাহেবের চোখের উপর খুলিয়া রাখিয়া প্রথমে ওঙ্কার শব্দের অর্থ এবং মাহাত্ম্য ব্যাখ্যায় প্রবৃত্ত হইলেন। সাহেব তাঁহার প্রতি ব্যাখ্যায় বার বার মুগ্ধতাবাচক শব্দের ব্যবহার করিতে লাগিলেন—এবং তর্জমা করিবার অভিপ্রায়ে নোট লইতে লাগিলেন।

অপবাসী

কিছুক্ষণ পরে সহসা ঘড়ি দেখিয়া ব্যস্তভাবে উঠিয়া দাঁড়াইয়া বলিলেন, “আজ আর সময় নাই, অগ্ন কাঞ্জে যেতে হবে এখনি। এমন interesting কথা ছেড়ে যেতে ইচ্ছাও করে না—কিন্তু কি করি? আবার কাল আসব।”

পরে পরম্পরের ধন্যবাদ বিনিময় শেষ হইয়া গেলে বলিলেন, “ব্যাঙ্কে কি টাকা রাখা হবে? মিষ্টার রায় জানতে চেয়েছেন।”

রুক্ষলাল বলিলেন, “অবশ্যই হবে, আজই হতে পারত, কিন্তু হেম ত এখন নেই।”

হেম আসিলে ব্যাঙ্কে যে টাকা দেওয়া হইবেনা তাহা সাহেব বিলক্ষণ জানিত, জানিয়াই সকালে আসিয়াছিল। সে বলিল— “হেম না এলে কি কোন কাজ হয় না—টাকা ব্যাঙ্কে দেওয়া ত কঠিন কথা কিছু নয়। আমাদের যদি একটা চেক সই করে দেন ত—”

“তা দিতে পারি—দিতে পারি; কিন্তু চেক বই যে হেমের কাছে—সে এলে চেক পাঠিয়ে দেব—”

ডিক্জ বুলিল, এ আশাটা ত্যাগ করিতে হইবে। সে বলিল, “বেশ, হেমকে দিয়েই পরে ব্যাঙ্কে চেক পাঠালে চলবে; কিন্তু আপনি ত ব্যাঙ্কের ডিরেক্টর হবেন বলেছেন—তাহলে এই কাগজটা যদি সই করে দেন।” কাগজখানা পকেট হইতে বাহির করিয়া সে তাঁহাকে দিল—তিনি টেবিলের উপর রাখিয়া নাম সই করিলেন,—ডিক্জ বলিল, “পড়ে দেখবেন না?”

কৃষ্ণলাল বলিলেন, “পড়ে আর দেখব কি ? তোমরা কি আর আমাকে ঠকাবে ?”

সাহেবের কঠিন হৃদয়ও সহসা একটু খানি করুণাত্মক হইয়া উঠিল। এই চিন্তাবিকারে মনে মনে একটু হাসিয়া তাড়াতাড়ি কাগজখানা লইয়া সে চলিয়া গেল।

হেম পরে আসিয়া এই সংবাদে মাথায় হাত দিয়া বসিয়া পড়িল। ইহার পর ম্যানেজার বা সূজন রায়ের টিকিও আর দেখা গেল না। পনেরো দিন না যাইতেই খবর পাওয়া গেল, সূজন রায়ের ব্যাঙ্ক ফেল হইয়াছে।

নবম পরিচ্ছেদ।

কৃষ্ণলাল প্রত্যহ সকালে একবার দু-চার মিনিটের জন্য খবরের কাগজে চোখ বুলাইয়া লন। আজ বেঙ্গলিখানা খুলিতেই প্রথমে নজরে পড়িল—“রায়-ব্যাঙ্ক ফেল হইয়াছে।”

একটা মুক্তির দীর্ঘ নিশ্বাস ফেলিয়া তিনি ভাবিলেন, “ভাগ্যিস ও ব্যাঙ্কে টাকা রাখা হয় নাই।” এই সময় হাসি আসায় তিনি সে চিন্তা ভুলিয়া গেলেন। কাগজখানা ফেলিয়া দিয়া হাসিকে দর্শন-তত্ত্ব বুঝাইতে বসিলেন। সবে মাত্র ও শব্দের প্রথম গ্রন্থির সহিত মধ্য গ্রন্থির যোগাযোগ ব্যাখ্যা আরম্ভ করিয়াছেন,—ভৃত্য আসিয়া খবর দিল—“রায়-মশায় এসেছেন।”

বলিতে বলিতে সে ভূপতিত শবরের খাগজখানা কুড়াইয়া ভাঁজ করিতে প্রবৃত্ত হইল। কৰ্ত্তা জিজ্ঞাসা করিলেন, “রায় মশায়! রায় মশায় কে? কোন্ রায় মশায়?”

ভৃত্য কোনও উত্তর দিবার পূর্বেই স্বয়ং স্বজন রায় মূর্তিমন্ত রূপে আবির্ভূত হইয়া তাঁহার সমস্তা পূরণ করিয়া দিলেন। ভৃত্য তখন কাগজখানা পাশের টেবিলে রাখিয়া নীরবে সরিয়া পড়িল।

“একি, তুমি ভায়া!” আনন্দ-বিস্ময়-গদগদ চিত্তে কৃষ্ণলাল উঠিয়া দাঁড়াইলেন, হাসি আগেই উঠিয়া দাঁড়াইয়াছিল। কর্মদনে স্বজন রায়কে সাদৃত করিয়া কৃষ্ণলাল কহিলেন, “এই আমার কণ্ঠা হাসি! প্রণাম কর মা।”

স্বজন রায় যে হাসিকে দেখিবার অভিপ্রায়েই এখানে আসিয়াছেন, কৰ্ত্তার মনে তাহাতে সন্দেহ মাত্র ছিল না। হাসি প্রণাম করিয়া উঠিয়া দাঁড়াইলে—স্বজন রায় কহিলেন,—

“বেশ বেশ! বেশ মেয়েটি! তা মা তোমার বাবার সঙ্গে একটু কাজের কথা আছে।” হাসি একটু সলজ্জ হাসি হাসিয়া চলিয়া গেল। হাসির প্রতি এইরূপ সম্বন্ধনা কৰ্ত্তার কিন্তু ভাল লাগিল না! যদিও তিনি জানিতেন বিবাহের দিন ক্ষণ ঠিক করিবার জগ্গই স্বজন রায় এইরূপ ব্যস্ত ভাবে হাসিকে বিদায় করিলেন, তবুও অরসিকের প্রতি রহস্ত নিবেদনের স্থায়—এই ঘটনায় তিনি ক্ষুব্ধ হইয়া পড়িলেন। বেশ একটু উত্তেজিত ভাবেই কহিলেন, “এত ব্যস্ত হচ্ছে কেন? জান ত ভায়া,—আমার ঐ

একটা মেয়ে, ছাড়তে মন চায় না। তা—একটু দেবী তোমাকে করতেই হবে?”

সুজ্ঞন রায়ের গুপ্তাধরে আগত বিদ্রূপহাস্তকুণ্ডন সরলরেখায় মিলাইয়া পড়িল—তিনি গম্ভীর স্বরে কহিলেন, “হ্যাঁ, দেবী ত হয়েই পড়লো।—শুনেছ ত দাদা, আমার ব্যাক ফেল হয়েছে।”

“এইমাত্র কাগজে দেখলুম।”

সুজ্ঞনরায় দীর্ঘনিশ্বাস ফেলিয়া বলিলেন, “বেশী বিশ্বাস কাউকে করতে নাই দাদা, তাহ’লেই ঠকতে হয়। তোমার যেমন হেম, আমার সেইরূপ ছিল ডিক্রুজ সাহেব। আমার আহাম্মকিরই এই কলভোগ!”

কৃষ্ণলাল বিস্ফারিতনেত্রে কহিলেন, “সত্যি!”

হ্যাঁ ঠিক কথাই বলছি দাদা। যাহ’ক তুমি ভয় পেয়ো না,—আমি থাকতে তোমার কোন ক্ষতি হবে না,—সেই কথাই তোমাকে বলতে এসেছি—”

কৃষ্ণলাল বলিলেন, “আমার টাকা ত ব্যাঙ্কে দেওয়া হয়নি,—সে কথা বুঝি ডিক্রুজ তোমাকে বলেনি? আমার ত ক্ষতির কোনই সম্ভাবনা নেই?”

“কিন্তু তুমি যে একজন ডিরেক্টর,—তারও এক দায়িত্বটা আছে ত?”

কৃষ্ণলালের বুকটা ধড়াস করিয়া উঠিল—তিনি ভীতচিন্তে কহিলেন, “তোমার কথায় তখন ত বুঝেছিলাম—টাকা কড়ি সম্বন্ধে আমার দায়িত্ব কিছু থাকবে না।”

“ঠিকই বুঝেছিলে দাদা। নাম থাকবে তোমার আর দায়িত্ব বহন করব আমি—বরাবরই আমি এই মনে করে আছি।”

কৃষ্ণলাল তাহার সৌজন্ত সাধুতায় মুগ্ধ হইয়া কহিলেন, “তোমার কি খুবই ক্ষতি হলো ভায়া?”

“ক্ষতি সবই। ব্যাঙ্কে যে টাকা রেখেছিলুম সে সবই গেল,—তা ছাড়া অন্য লোকের গচ্ছিত টাকার জন্তেও আমাকে দায়ী হতে হচ্ছে।”

কৃষ্ণলাল ইহা শুনিয়া আশ্চর্যভাবে কহিলেন, “তা বাইরের লোকের টাকা ত এখানে বেশী নেই শুনেছি! হেম ত বলছিল ব্যাঙ্ক তোমার টাকাতেই চলছে।”

স্বজনরায় খনখনে হাসি হাসিয়া কহিলেন, “ব্যাঙ্কিং বিজ্ঞানেস্ যে হেম কত বোঝে—এ কথায় তা বোঝা যাচ্ছে। বাইরের লোকের টাকা বেশী নেই এটা ঠিক, তাড়াতাড়ি টাকা অনেকেই তুলে নিয়েছে—তবুও যে টাকার জন্তে দায়ী আমি—সেও ত নিতান্ত কম নয়।”

কৃষ্ণলালের দৃষ্টিতে সহানুভূতি প্রকাশিত হইল। স্বজন আবার কহিলেন, “এদানি বেমন ব্যাঙ্কটি জমে আসছিল, অমনি ভিতরে ভিতরে লুটও চলছিল। আহান্মকি দাদা! চার পো আহান্মকি আমার! আমি স্বজনরায় কিনা—একটা ফিরিজি বাচ্চার হাতের লাড্ডু হলুম! তবে আমি কারো টাকা রাখব না—চিরদিনই ধর্মের পথ ধরে চলেছি—এখনো চলব।”

কৃষ্ণলাল তাহার সাধুতায় মুগ্ধ হইয়া বলিলেন, “ধন্য!”

“কিন্তু সাধুতার কি একালে আদর আছে ভাই? আজকাল জিনিষ বিকোর চটকে,—চকচকে ঝুটোর দরই বেশী। একটি কথা শুনে বড় আশ্চর্য্য হয়েছি; আমাকে কথা দিয়ে তুমিও নাকি অতুলের কাছে রাণীগঞ্জের সম্পত্তি বিক্রী করছ—তুমিও দাদা কথা ভাঙলে?”

কৃষ্ণলাল আকাশ হইতে পড়িলেন, বলিলেন, “কই আমি ত এর বিন্দু-বিসর্গ কিছুই জানিনে? এ দেখছি হেমের কাণ্ড।”

অবিশ্বাসের হাসি হাসিয়া স্বজনরায় কহিলেন, “হেম যদি তোমার অমতে একাজ করে থাকে ত কাজটা বন্ধ কল্পিতে কতক্ষণ? তুমি না সই করলে ত কাজ হবে না।”

কৃষ্ণলাল মুস্থিলে পড়িলেন। হেমের কর্তৃত্বের উপর যে তিনি হস্তক্ষেপ করিতে অক্ষম একথা বিশ্বাস করিবে কে? আর বলিবার কথাও ত নয়! তবুও বলিলেন, “আচ্ছা ভায়া, হেমকে জিজ্ঞাসা করে আমি এ বিষয়ে উত্তর দেব। হেমের অমতে ত আমি বিষয় কন্ম কিছুই করতে পারিনে। আর সে আমার আমমোক্তার নামার বলে সব কাজই করতে পারে।”

স্বজন রায় অহুনয়ের স্বরে কহিলেন, “দেখ ভাই, তোমাকে স্পষ্ট করে বলি—যদি তোমার এই সম্পত্তিটা পাই তবেই আমার উদ্ধার, নচেৎ আমাকে সর্বস্বান্ত হতে হবে। তোমার দায়িত্ব নিজে গ্রহণ করার শক্তিও আমার থাকবে না, এটাও বুঝো।”

এতক্ষণ স্বজন রায়ের বাক্যে প্রকাশিত সাধুতার পরিচয়ে

কৃষ্ণলালের মন ভক্তি-আত্ম হইয়া উঠিয়াছিল কিন্তু এই কথায় রায় বাহাদুরের মনের আসল রূপ যেন ধরা পড়িল ; কৃষ্ণলালের বিশ্বাসে সহসা সন্দেহ ছিদ্ৰ প্রবেশ করিবারাত্র স্বজনের অমুরোধ অতুণ আর তাঁহার হৃদয় স্পর্শ করিল না, তিনি অটল ভাবেই কহিলেন, “আমিত বল্লম ভাই, হেম যা করেন তার বিরুদ্ধে আমি কিছুই করতে পারি নে।”

স্বজন জানিতেন হেম ইহাতে আপত্তি করিবেন ; যদি এখনি কাজ বাগাইতে পারেন ত ভাল, নচেৎ আশা নাই। এই ভাবিয়া তিনি বায়নানামা লিখিয়া পর্য্যন্ত সঙ্গে আনিয়া-ছিলেন। কিন্তু কৃষ্ণলালের অটল ব্যবহারে তাঁহার ধৈর্য্যচ্যুতি ঘটিল ; তাঁহার ভিতরের সর্প ফণা বাহির করিয়া কহিল, “আচ্ছা বেশ ! স্বজন রায় স্বজনের সঙ্গে স্বজন বোলে যে দুর্জনের সঙ্গে দুর্জন হ’তে জানে না তা মনে করো না। তোমার দুর্ভুক্তিতার ফলে দেখো তোমার ঘরের কড়িকাঠখানাও থাকবে না।”

স্বজন রায় চলিয়া গেলেন, তাঁহার ক্রোধ উদ্দীপিত গরলে কৃষ্ণলালের শাদা মন স্বণায় কালো হইয়া উঠিল। উঃ, এই কাল সপ্তকে তিনি কিনা দেবতা মনে করিতেছিলেন ! মোহমুক্ত হইয়া মনে মনে তিনি ভগবানকে ধন্যবাদ প্রদান করিলেন। হেম থাকিতে স্বজন তাঁহার সর্বনাশ করিতে পারিবেন না, ইহাতে তিনি বেশ আশ্বস্ত রহিলেন ! হেমের প্রতি এইরূপ বিশ্বাস তাঁহার বুথা হইল না !

ব্যাক যে ফেল হইবে, বিশ্বস্তস্বত্রে আগেই হেম সে খবর

পাইয়াছিলেন এবং এজন্য যাহাতে কৃষ্ণলালকে কোন ক্ষতি
সহ্য করিতে না হয়, শ্রামাচরণ গাঙ্গুলির সহিত পরামর্শ করিয়া
তাহারই উপায় অবলম্বনে তিনি সচেষ্ট ছিলেন। রাণীগঞ্জের
সম্পত্তি অতুলেশ্বরকে lease দিবার পরামর্শ তিনিই দান করেন।
এই জন্যই শ্রামাচরণ রাজাকে কলিকাতা আসিতে লেখেন।
ব্যাকের কোন দায়িত্ব কৃষ্ণলালের উপর আসিবার পূর্বেই তাঁহার
এ সম্পত্তি হস্তান্তর করা উচিত বলিয়া তিনি মনে করিলেন।
বাড়ী-ঘর প্রভৃতি অগ্ৰাণ্য সম্পত্তি কৃষ্ণলালের পিতা পৌত্রদ্বিগ্নের
নামে রাখিয়া গিয়াছিলেন। সুতরাং কৃষ্ণলালকে ডিরেক্টরের
দায়িত্বে লিপ্ত করিয়া মকদ্দমায় আনিলেও যে স্বজন রায়
তাঁহার বিশেষ ক্ষতি করিতে পারিবেন না,—বরঞ্চ একরূপ
মকদ্দমায় তাঁহার নিজের প্রতারণাজাল প্রকাশিত হইয়া পড়িবে,
উকীল ব্যারিষ্টারগণ একবাক্যে কৃষ্ণলালকে এইরূপ আশ্বাস প্রদান
করিলেন।

দশম পরিচ্ছেদ ।

রাজা অতুলেশ্বরের কলিকাতা নিবাস মাণিকতলায়। ইহা
একটি বিচিত্র উদ্যান ভবন। বাড়ীর চারিদিকেই সবুজ ঘাসের
ময়দান ; আশেপাশে ফুলের কেয়ারি ; স্থানে স্থানে প্রস্তর-মূর্তির
বিচিত্র শোভা, ফোয়ারার উৎস এবং যত্রতত্র বসিবার আসন।

উদ্যানের পশ্চিম প্রান্তে স্বচ্ছসলিল সুবিশাল একটি হ্রদ ; জ্যোতি-
র্ময়ী ইহায় নামকরণ করিয়াছেন ‘কিন্নরহ্রদ’ । এইনামানুযায়ী এ
হ্রদে কিন্নরবাহন জলিবোট একখানি স্থানলাভ করিয়াছে ।

উদ্যানের মধ্যস্থলে রাজপ্রাসাদ ; আর উদ্যানপ্রান্তে একটি
ছোট দ্বিতল ভবনে বাস করেন ম্যানেজার । এতদ্-সংলগ্ন একটি
স্বতন্ত্র একতল গৃহ ম্যানেজারের আফিস । রাজা আসিয়াছেন ;
দ্বিপ্রহরের পর হইতে আজ আফিসে লোক সমাগম চলিতেছে ।
কৃষ্ণলালের রাণীগঞ্জের সম্পত্তির লেখাপড়া হইয়া গেল । কার্য-
সমাপ্তিতে হেম নিশ্চিন্ত মনে কাগজের তাড়া লইয়া উকিলের
সহিত গাড়িতে উঠিলেন, রাজা ও শ্রামাচরণ প্রাসাদ অভিমুখে
যাত্রা করিলেন ।

অপরাহ্নকাল—আশ্বিনের দিবসান্তে কনক রৌদ্র তরুশীর্ষ
হইতে শীর্ষান্তরে লুকাচুরি খেলিতে খেলিতে কিন্নরহ্রদে
ঝাঁপাইয়া পড়িতেছিল । ইচ্ছা—ডুব-সাঁতারে হ্রদপারে যাইবে ।
কিন্তু কিন্নরনৌকার দাঁড়াহত বারিকণিকাপুঞ্জ পশ্চিমদেহে সহসা
তাহাকে গ্রেপ্তার করিয়া ফেলিয়া সকৌতুকে তাহার কনক
কাস্তি রজত উচ্ছাসে ভাসাইয়া তুলিতেছিল । নৌকা বাহিত
হইতেছিল আজি কাহার হস্তে ? কে উহারা, মানবী বা
কিন্নরী ?

অগুভা ধরিয়াছিল হাল আর দাঁড় বাহিতেছিল হাসি ।

হাসি প্রায়ই এই উদ্যান-ভবনে বেড়াইতে আসে । কিন্তু
তাহাকে এখানে টানিবার পক্ষে কাহার আকর্ষণ-বল অধিক—

অণুভার বা এই কিরণ-নৌকার তাহা ঠিক বলা যায় না। অণুভা যখন অভিমানভরে সখীকে এইরূপ অহুযোগ প্রসন্ন করে তখন হাসি উত্তর না দিয়া—কখনো বা মৃদুমধুর হাসিতে কখনো বা চুল টানিয়া কখনো বা চুশনে তাহার মুখ বন্ধ করে।

নাবিকতায় উভয়েই সুদক্ষ। প্রথম প্রথম একজন মাঝি তাহাদের সঙ্গে থাকিত—আজকাল মাঝিকে তাহারা নৌকায় লয় না;—বেলা শেষে নৌকা কূলে ভিড়িলে মাঝি নৌকা টানিয়া যথাস্থানে লাগায়।

হাসি দাঁড় টানিতে টানিতে গান ধরিয়াছিল;—

আহা মরি মরি আজি জোয়ারে লেগেছে ঢল !

ওরে শ্রোত তরী মোর চল বেগে ছুটে চল !

এ কি রঙ্গ কি কোতুক ক্ষুদ্র আমি বারিটুক
ধরেছি তরঙ্গ রূপ—যৌবনে টলমল !

চল শ্রোত তরী মোর, বেগে চল ছুটে চল !

নভ আজ রঙে ভরা—কি সুন্দর বহুধরা !

কনক ভাদরে কণে—চমকে বাদল জল !

চল শ্রোত তরী মোর চল বেগে ছুটে চল !

ঐ যে মেঘের নীচে, ঘাটের সীমানা পিছে—

কদম্ব কি কুম্বতরু ? কিবা ওর নাম বল ?

শাখা-ঢাকা ফুলে ফুলে, ডাকে রোজ ছলে ছলে

জানে না কি বন্দী আমি ? বলহীন কণা-জল !

আজি মুক্ত প্রাণ দেহ, রাখিতে কি পারে কেহ !

১১৪ নং আহিরীটোলা স্ট্রীট, কলিকাতা।

এখনি উচ্ছ্বাসনীয়ে নুটিব চরণ-তল— !

শ্রোত গুরে তরী মোর চল্ বেগে ছুটে চল্ ।

রাজা তখন শ্রামাচরণের সহিত এই পথে প্রাসাদে যাইতে ছিলেন ; গান শুনিয়া তীরে দাঁড়াইয়া শ্রামাচরণকে বলিলেন—

“বেশ ত মিষ্টি গলা ! তোমার মেয়ে গাচ্ছে বুঝি ? আমি ত জানতাম না অণুভা গাইতে পারে ?”

শ্রামাচরণ বলিলেন, “না অণুভা নয়, গান করছে হাসি—কৃষ্ণ-লালের মেয়ে—ও গান বাজনা বেশ শিখেছে ।” এই সময় বোটের মুখ ফিরিল,—হাসির চোখ পড়িল তীরদেশে রাজার দিকে,—সহসা তাহার গান থামিয়া গেল ।—রাজা তাহার লজ্জা বুঝিয়া সেখান হইতে চলিয়া গেলেন । অণুভার চোখ ছিল তীরের বিপরীত দিকে, সে কহিল, “গান বন্ধ করলে যে ?” হাসি এ প্রশ্নের উত্তর না করিয়া কহিল, “কে ভাই উনি ?” অণুভা তখন ঘাড় ফিরাইয়া তীরের দিকে দৃষ্টিপাত করিয়া কহিল, “কই, কাউকে ত দেখছিনে ?”

“চলে গেলেন যে,—তোমার বাবাও সঙ্গে ছিলেন । কে উনি ভাই ?”

“হতে পারেন রাজা—জান না ? প্রসাদপুরের রাজা—এসেছেন যে ।”

“রাজকুমারীর বাবা ? তিনি হতেই পারেন না,—এ একজন পুরুষ মানুষ ।”

অণুভা হাসিয়া কহিল, “রাজা কি জীলোক হয় নাকি ?”

হাসি এ-কথায় খুব খানিকটা হাসিল; তারপর কহিল,
“না গো না, তা নয়, আমি বলছি ইনি একজন যুবাণুরুষ।”

“রাজা হলেই বুঝি বুড়ো হতে হয়?”

“আঃ, তা কে বলছে—! তবে রাজকুমারীর বাবা নন ইনি নিশ্চয়ই, দেখতে একে অনেক ছোট।”

“তবে বোধ হয় কুমার অনাদি-দা, রাজার সঙ্গে প্রতিবারই ত উনি আসেন, এবারেও বোধ হয় এসেছেন। এঁর সঙ্গে তোর বিয়ে হলে ভাই বেশ হয়। রাজকুমারী এখনো বিয়ে করলেন না, রাজা বোধ হয় অনাদি-দাকেই পুত্রি নেবেন,—এইরূপ ত শুভব। বিয়ে করবি ভাই তাঁকে?” এবার যে অনাদি রাজার সঙ্গে কলিকাতায় আসেন নাই—সে খবরটা অণুভা রাখে নাই।

হাসি সে কথায় মন না দিয়া কহিল, “কি রং ভাই?” অণুভা কহিল, “রাজবাড়ীর সকলেই সুন্দর! রাজার রংও চমৎকার! তুই অনাদি-দাকে বিয়ে কর ভাই, আমরা সধক্ক করি। রাণী হবি তুই, আমরা বলব রাণী দিদি।”

অণুভা দূরে বসিয়াছিল—তাহার গাল টিপিতে পারিল না হাসি;—কিন্তু হঠসির চূলে অণুভা যে ফুলগুচ্ছ পরাইয়া দিয়াছিল, তাহা খুলিয়া সে ছুঁড়িয়া মারিল। অণুভা আবার সেই ফুলে তাহাকে বিধিবার চেষ্টা করিল। এইরূপ ফুল সন্ধানে তাহারা বেশ যখন মাতিয়া উঠিয়াছে—তখন তীর হইতে স্ত্রীস্বচরণ ডাকিলেন, “অণু? সন্ধ্যা হয়ে আসছে—ফের এবার।”—

মুহূর্ত্তে তাহাদের হাসি-কোটুক বন্ধ হইল এবং নৌকাও

অম্পবাণী

কুলের দিকে ফিরিল। অল্পক্ষণের মধ্যে সংযত শিষ্ট শাস্ত মেয়ে-দুইটি ঘাসের উপর শ্রামাচরণের কাছে আসিয়া দাঁড়াইল। শ্রামাচরণ কহিলেন, “রাজা বাইরে যাচ্ছেন—আমায়ও সঙ্গে যেতে হবে,—একটা কথা বলতে এলুম হাসি। তোমার মাকে বলো-মা; পরশু আমি নরেনকে আশীর্বাদ করতে যাব।” হাসি বলিল, “আচ্ছা বলব।” আপনি তাহলে বোধহয় শীঘ্র ফিরবেন না; প্রণাম করে নিই।” হাসি প্রণাম করিল।

শ্রামাচরণ আর একবার বলিলেন, „হাসি, তাহলে বলো মা তোমার মাকে যে, পরশু বিকালের দিকে আমরা যাব। বেশী আয়োজন যেন না করেন। আশীর্বাদে সমারোহ পূর্ব কিছু থাকবে না,—বড় জোর দু-একটি বন্ধুকে মাত্র সঙ্গে নিতে পারি—।”

হাসি যথাসময়ে বাড়ি আসিয়া সকলকে এই খবর দিল।

একাদশ পরিচ্ছেদ।

শ্রামাচরণ আজ নরেনকে আশীর্বাদ করিতে আসিবেন, অন্তঃপুরে রন্ধনের ধূম লাগিয়াছে। যদিও শ্রামাচরণ বলিয়াছেন সঙ্গে বেশী লোকজন আনিবেন না, তবুও গোণাগুস্তি গোটাকতক করিয়া বাজারে জলধাবারেই ত আর পাত সাজান যায় না।—আর শ্রামাচরণকে বিশ্বাসই বা কি? শেষ প্রহরে যদি মত

পরিবর্তন করিয়া স-বন্ধুবান্ধবেই আসিয়া হাজির হন? তখন মুখ্যে বাড়ীর সুনাম রক্ষা হইবে কিরূপে? বিশেষতঃ রন্ধনকলার পরিচয় প্রদানের এই ত উত্তম অবসর—এ বাড়ীর মেয়েরা এমন নির্বুদ্ধি কেহ নহেন যে শ্রামাচরণের কথায় এই সুযোগটি খোয়াইবেন!

দ্বিপ্রহরের পর হইতে মুখ্যে-ঘরণী পোলাও কালিয়া কোণ্ডা প্রভৃতির আয়োজনে ব্যস্ত—আর মিষ্টান্ন প্রস্তুতের ভার গ্রহণ করিয়া ছিলেন হাসি ও হাসির দিদিমা। দুজনে মিলিয়া রসগোল্লা, খাজা, পাস্তুরা, সন্দেশ, সরভাজা, মালাইভোগ, এ সকল প্রস্তুত করিয়া ফেলিয়াছেন, বাকি কেবল বাদসাহী মিঠাই। বেশনের বড় বড় দানা তপ্তকড়া হইতে ঝাঁঝরিযোগে উঠাইয়া সবে মাত্র এখন দিদিমা তাহা রসে ফেলিতেছেন। পরে ইহার সহিত সর ক্ষীর প্রভৃতি নানা মসলা মিশাইয়া রন্ধন-কাৰ্য্য সমাধা করিবেন। এই মিষ্ট ভোগ-মুখ্যে বাড়ীর নিজস্ব কলা। এই বিজ্ঞালাভ পিপাসায় অনেক ঘরণী ইহাদের শিষ্যত্ব গ্রহণ করিয়াছেন বটে, কিন্তু কেহই এ পর্য্যন্ত গুরুমৰ্য্যাদা রক্ষা করিতে পারেন নাই।

এক এক রকম মিষ্টান্ন যেমন প্রস্তুত হইতেছে অমনি নাতনীর রসনারূপ কষ্টিপাথর যোগে দিদিমা তাহার ভাল মন্দ যাঁচাই করিয়া লইতেছেন। মিষ্ট চাকিতে চাকিতে বেচারী হাসির আকষ্ট পূর্ণ হইয়া উঠিয়াছে। বিজ্রোহী হইয়াও ফল নাই, অহুযোগ অহুরোধের দায়ে তাহাকে শেষে বশ মানিতেই হইবে। তবে

এই ঝগড়া ঝাটির মধ্যে পড়িয়া তাঁহাদের হাতের মিষ্টাঙলা কিন্তু অধিকতর মিষ্টতা লাভ করিয়াছে।

বেলা যখন প্রায় ছয়টা তখন শচীন রন্ধন শালায় গিয়া মাকে বলিল, “গাভুলি মহাশয় এসেছেন।”

মুখ্যেঘরনী জিজ্ঞাসা করিলেন, “কজন তাঁরা?”

শচীন উত্তর করিল, “তা আমি দেখিনি। তোমার কথামত তাঁর গাড়ীখানা বাড়ী ঢুকতেই আমি খবর দিতে এলুম। মোট দেখলুম একখানা গাড়ী; তাহলে চারজনের বেশী লোক ত নয়ই।”

মা বলিলেন, “তুই যা শচীন, দৌড়ে তোর দাদাকে পাশের বাড়ী থেকে ডেকে নিয়ে আয়, লক্ষ্মীছেলে। অমলের সঙ্গে সে দেখা করতে গেছে। ডাকলেই আসবে বলেছে।”

রান্না ঘরের ঠিক পাশেই মিষ্টান্নের ঘর। শচীনের গলা শুনিয়া দিদিমা ডাকিলেন, “শচীন এসেছি? আয়, আয়, মিষ্টি গোটা-কতক চেকে যা।”

হাসির মা শান্তদীর উদ্দেশে একটু উচ্চ গলায় কহিলেন, “ঠাকুর জামাই এসেছেন মা, শচীন যাক—নরেনকে ওবাড়ী থেকে ডেকে আনুক। ফিরে এসে মিষ্টি চাকবে এখন।”

কিন্তু শচীন লোভ সম্বরণে কর্তব্য পালন করিবার ছেলে নয়। সে তাড়াতাড়ি দিদিমার কাছে হাজির হইল। তখন চুলা হইতে মিঠাইএর খোলা নামিয়াছে, তিনি বন্ধনের ভার হাসিকে অর্পণ করিয়া সরভাঙ্গা রসগোল্লা ও পান্ডুরা এক একটা শচীনের হাতে দিয়া বলিলেন, “শ্রামাচরণ এসে পড়লো, এখনও নরেনের দেখা

নেই ! আচ্ছা ছেলে যাহোক ! খেয়ে নিয়ে শীঘ্র যা, ডেকে নিয়ে আয় তাকে ।”

শচীন বলিল, “যাচ্ছি যাচ্ছি—এত তাড়াতাড়ি কি ! বাবা ত ঘরে আছেন ; জলে ত পড়েননি তাঁরা । আমাকে আর দুখানা সরভাজা আর দুট পাস্তা দাও ।”

দিদিমা তাহার প্রার্থনা পূর্ণ করিয়া বলিলেন, “এইবার যা ডেকে নিয়ে আয় দাদাকে ! একখানা রেশমী কাপড়, একটু ফোঁটা চন্দনও ত তার পরতে হবে ।”

শচীন অবশিষ্ট পাস্তাটা মুখে পুরিয়া দিয়া বলিল, “দাদা কক্ষণে ও সব পরবে না ।”

“না পরবেনা ! তুমি সবজান্তা ! দাদা না পরে তোমাকে পরিয়ে ছাড়ব ! এখন যাও তাকে ধরে নিয়ে এস ।”

শচীন গাম্ভীর্যে হাতটা তাড়াতাড়ি চুবাইয়া চলিয়া যাইতে যাইতে দিদিমার কথার উত্তরে বলিল, “আমি বাড়ী থাকলে ত ! আমি” যাচ্ছি এখনি বায়স্কোপ দেখতে, দাদাকে ডেকে দিয়েই চলে যাব ।”

বলিয়া স্বেচ্ছত পদে প্রস্থান করিল ।

দিদিমা রুষ্ট স্বরে আপন মনেই বলিলেন, “আজকালকার ছেলেরা যে সব কি রকম হয়েছে ! স্বস্তর এসে বসে রইল—আশীর্বাদ নেবেন যিনি, তিনি যে কোথায়, তার ঠিক নেই ! আর ভাইটিও তেমনি ! ঘরে যাহোক একটা ক্রিয়া-কর্ম—অতিথি অভ্যাগতকে আদর অভ্যর্থনা করতে হবে—তা না, চম্ভেন তিনি

—বায়ুস্কোপ দেখতে ! বেশ সব শিক্ষা হচ্ছে ! যা হাসি দিদি, মিঠাই গুলো বেঁধে কাপড় ছেড়ে নে। তোকেই পরিবেষণ করতে হবে—জানিস্ ত। উৎসবের দিনে আজ লাল কাপড় একখানা পরিস্।”

হাসি উঠিয়া দাঁড়াইল, দাসী এক থালা ফুলের মালা আনিয়া বলিল, “মালী দিয়ে গেল গো।”

দিদিমা বলিলেন, “বাইরে আলাদা একখালা দিয়েছে ত ? আশীর্বাদে সময় দরকার হবে যে।”

দাসী বলিল, “তা দিয়েছে !”

“দেখ্ দেখি তবে কছড়া গোড়ে ওতে আছে ?”

দাসী মালাগুলো একে একে হাতে উঠাইতে লাগিল। “দিদিমা দেখিয়া বলিলেন, “মোট একটি ছড়া গড়ে দেখছি—আর সবই সুরু মালা। স্বস্তরের গলায় ঐ ছড়াটা খাবার পরে তুই পরিয়ে দিস্ হাসি।”

এই সময় হাসির মা পলায়ের জ্ঞাত পেন্তা বাদাম মইতে এই ঘরে আসিয়া কহিলেন, “হাসি কেন দেবে—আমিই বুড়োর গলায় মালা পরিয়ে দেব মা ?”

দাসী কি শুনিতে কি বুঝিয়া বলিয়া উঠিল, “বুড়োর গলায় কেন মালা দেবে ? দিদিমণি আমাদের রাজরাণী হবে গো, দেখে নিও !”

দিদিমা বলিলেন, “তোরা সেই আশীর্বাদই করু সবাই। যা, মালার থালাটা উপরে নিয়ে গিয়ে ছোট কুটরীতে রেখে দে এখন।”

দাসী চলিয়া গেল—দিদিমাও উঠিয়া দাঁড়াইয়া হাসির হাসিমুখ চুখন করিয়া বলিলেন, “কোন্ রাজা তপস্তা করছে আমার নাতনীর জন্য, কে জানে !”

হাসির মনে পড়িয়া গেল ;—হৃদের ধারের সেই যুবক মৃষ্টি,—যাহাকে অণুভা রাজকুমার বলিয়া পরিচয় দিয়াছিল।

সে প্রফুল্লভাবে কহিল, “আমাকে তবে তোমরা বনে পাঠাও দিদিমা,—তবে ত রাজপুত্র আমাকে উদ্ধার করতে আসবে।”

দিদিমা তাঁর মিষ্টহাতেই মিষ্টভাবে নাতনীর গাল টিপিয়া কহিলেন, “ছি রূপসীমণি, ও কথা কি বলে? এই কমল সরোবরে নেমেই তোমার রাজা তোমাকে বুকে তুলে নেবে।”

হাসি হাসিয়া চলিয়া গেল ; দিদিমা মিষ্টগুলি খালায় সাজা-ইতে বসিলেন। কাজ করিতে করিতে দীর্ঘনিশ্বাস ফেলিয়া আবার সেই কথাই ভাবিলেন, “বৌমার যদি একটুও বুদ্ধি আছে ! অমন সোনার ছেলে শরৎ তাকে কি না হাত ছাড়া করলে ! বিজ্ঞানের সঙ্গেও ত আর বিয়ের আশা নেই। সে কিন্তু ভালই হোয়েছে ; বাপটা যে ভয়ানক লোক।”

দিদিমার কাজ শেষ হইবার পূর্বেই হাসি যখন একখানি লাল বারাণসী সাড়ি পরিয়া তাঁহার সম্মুখে আসিয়া দাঁড়াইল, তখন তাঁহার মনে হইল, যেন মৃষ্টিমতী লক্ষ্মীদেবী স্বয়ং তাঁহাকে আসিয়া দেখা দিলেন।

বহির্বাটিতে বিনাড়ির নরেন্দ্রের আশীর্বাদ-পর্ব সমাধা হইল। সন্ধ্যার সময় বিদায় গ্রহণ করিয়া নরেন্দ্র পূর্ব বন্দোবস্ত-

অল্পসারে তাহার একটি বন্ধুর বাড়ী নিমন্ত্রণ রক্ষা করিতে গেল ; আর অতিথি দুইজনকে সঙ্গে লইয়া কৃষ্ণলাল অন্তঃপুরে আগমন করিলেন ।

দিদিমার দালানের আজ বাহার দেখে কে ? একটি চন্দন-কাঠ-যবনিকায় বিভক্ত দালানের এক অংশ আজ ভোজন-স্থান—অপর অংশ বসিবার স্থান রূপে নির্দিষ্ট হইয়াছে । ড্রয়িংরুম বিভাগে দিদিমার তক্তাপোষখানির উপর গালিচা কুশনের সজ্জা, আশে পাশে কয়েকখানি কোচ চৌকি এবং মাঝে মাঝে এক একটি ক্ষুদ্র টেবিল । টেবিলগুলি ফুলভরা ফুলদানিতে ক্রেম-আঁটা ছবিতে সাজান ;—একটি টেবিলে রূপার থালায় কয়েকগাছি ফুলমালা অতিথিগণের সন্মানার্থে রক্ষিত । থামের মাথায় মাথায় কুঞ্চিত রঙিন রেশমী পরদা ঝুলিতেছে, দেয়ালে দেয়ালে সেতার এসরাজ প্রভৃতি যন্ত্রাদির মাঝে মাঝে নানারূপ চিত্রলেখ্য, অধিকাংশই হাসির হস্তাক্রিত । কৃষ্ণলালের অল্পবস্তুী অতিথি দুইজন মধ্যদ্বার-পথে উপবেশন গৃহে সমাগত হইলেন । এই সরল সুন্দর অথচ অনাড়ম্বর গৃহ-সজ্জা দেখিয়া নবাগত অতিথি রাজ্য, অতুলেশ্বর মনে মনে গৃহকর্ত্তীর রুচির প্রশংসা না করিয়া থাকিতে পারিলেন না ।

শ্রামাচরণ এখানে আসিয়াই অন্তঃপুরিকাগণের সহিত প্রথমে দেখা করিতে গেলেন এবং সেখানে প্রণাম সম্ভাষণাদি শেষ করিয়া দিদিমা ও হাসিকে লইয়া পুনরায় দালানে প্রবেশ করিলেন । অন্তঃপুরের ভোজে পরিবেষণ করা দিদিমার একটি

কর্তব্য কাজ ছিল। গৃহিণী ষারাস্তরালে আসিয়া উকি দিতে লাগিলেন।

রাজা তখন চিত্রলেখ্য দেখিতেছিলেন, ফিরিয়া দাঁড়াইবামাত্র শ্রামাচরণ দিদিমার দিকে দৃষ্টিনির্দেশ করিয়া তাঁহাকে কহিলেন, “ইনি কুশলালের মাতা, আর এই আমাদের হাসি-ওরফে সুগুণা। প্রণাম কর মা একে,”—

হাসি তৎক্ষণাৎ মুখভরা হাসি হাসিয়া ভূ-নত হইল। রাজা ব্যতিব্যস্ত ভাবে বলিয়া উঠিলেন, “করেন কি,—করেন কি?” কিন্তু তাঁহার মুখের কথা মুখে শেষ হইতে না হইতে হাসি পদধূলি গ্রহণ পূর্বক উঠিয়া দাঁড়াইল।

আজ পুরাতন ক্যাসানের ঝাড় লঠন এবং দেয়ালগিরির মধ্যে বিজুলী বাতি জ্বলিতেছিল। হাসি প্রণামান্তে উঠিয়া চকিত দৃষ্টিদানে স্নিগ্ধ জ্যোৎস্নার গায় উজ্জল সেই আলোকে রাজাকে নিরীক্ষণ করিয়া দেখিয়া লইল। “এ কি, রাজকুমার অনাদি-দা নাকি?” সেইদিন হইতে হাসি ইহাকে এই নামেই স্মরণ করে। সেদিন দূর হইতে যাহার প্রতিবিম্ব মাত্র দেখিয়াছিল, আজ তাঁহার প্রকৃত রূপ দেখিয়া স্তম্ভিত হইল! এ ত অল্পবয়স্ক যুবকের মূর্তি নহে! ইনি যে মহামহিম জ্যোতির্শ্রয় পুরুষ! কি সৌম্য স্মন্দর! হাসির কল্পনা প্রকৃতির নিকট পরাজয় মানিল।

বস্তুতঃই রাজা আদর্শ সুপুরুষ;—চিত্রাকন তুল্য এমন সর্বাঙ্গ-সুন্দর মূর্তি কদাচিৎ নয়নে পড়ে। তাঁহার বর্ণ ইরানীর

শ্রী শ্রী শ্রী, কুরধারমুণ্ডিত অশ্রুহীন পরিষ্কার মুখশ্রী রমণীর
শ্রী কমনীয়, দেহ সুগঠিত, অঙ্গুলিগুলি পর্যন্ত চম্পককোরক
তুল্য স্থায়—এমন কি কেশরাশিও রেশম কোমল লালিত্য-
পূর্ণ। তাঁহার ললাট বুদ্ধিবৃহৎ, নয়ন ভাবজ্যোতিঃপূর্ণ এবং
ওষ্ঠাধর কারুণ্যরেখা-গঠিত। এই ত্রিভাবের সম্মিলনে তাঁহার
রাজজ্ঞানোচিত গাভীর্ষ্য কবি-জ্ঞানোচিত সরল মাধুর্য্যে এমন
শিথিল করিয়া তুলিয়া ছিল যে বয়সে তিনি চল্লিশের কাছাকাছি
হইলেও তাঁহাকে দেখিতে পয়ত্রিশের অধিক দেখাইত না।

রাজাকে একবার দেখিলে নয়ন পুনঃ পুনঃ সেই দিকে
আকৃষ্ট হইত। বলা বাহুল্য দিদিমাও তাঁহার রূপে মুগ্ধ হই-
লেন। রাজা তাঁহাকে প্রণাম করিবার পর প্রসন্নচিত্তে তিনি
কহিলেন, “মঙ্গল-হোক্”। তাহার পর শ্রামাচরণের দিকে দৃষ্টি-
পাত করিয়া জিজ্ঞাসা করিলেন, “তোমার কে হন ইনি শ্রামা-
চরণ ? পূর্বে ত এঁকে দেখিনি।”

আত্ম-পরিচয়-দানে ইহাদের ব্যতিব্যস্ত করিয়া তুলিতে
রাজার ইচ্ছা ছিলনা, তাই আগে হইতেই এসম্বন্ধে শ্রামা-
চরণকে তিনি সাবধান করিয়া দিয়াছিলেন। দিদিমার
প্রশ্নের উত্তরে শ্রামাচরণ কহিলেন, “ইনি দূর সম্পর্কে আমার
একরূপ ভাই হন,—নাম অতুল রায়, বিদেশেই বাস করেন,
কার্য্যোপলক্ষে কলকাতায় এসে আমার ওখানেই উঠেছেন।”

“অতুল রায় ?” দিদিমা একটু ভাবিয়া বলিলেন, “নিখিল
রায়ের কেউ হন কি ইনি ? তিনি সম্পর্কে আমার ভাই-পো হন।”

রাজা একটু হাসিয়া কহিলেন, “রায়ে রায়ে একটা সম্পর্ক খুঁজে পাওয়া অসম্ভব নয়। আমাকেও না হয় ভ্রাতৃপুত্র বলেই মনে করবেন।” কথাটি দিদিমার বড় মিষ্ট লাগিল। কৃষ্ণলাল মাতার কথার প্রতিবাদ পূর্বক কহিলেন, “নিখিল রায় তোমার ভাই পো—না আমার ভাই পো? তার ছেলে আমাকে ত দাদা দাদা করে।”

দিদিমা বলিয়া উঠিলেন, “হ্যাঁ তাইত ঠিক। আর বাবা, বুড়ো হয়ে যাচ্ছি—অত শত মনে রাখতে পারিনে।” রাজা হাসিয়া কহিলেন, “তাহলে আপনারা সকলেই আমাকে স্নেহ-চক্ষে দেখবেন।” তাঁহার মধুর সোজায়ে মাতা পুত্র উভয়েই আপ্যায়িত হইলেন। ব্রাহ্মণ ভৃত্য প্রায় তখনি যবনিকান্তরাল হইতে জানাইয়া দিল যে—আহার্য্য প্রস্তুত। দিদিমার অনুবর্তিতায় সকলে ভোজন-গৃহে উপনীত হইলেন।

দ্বাদশ পরিচ্ছেদ।

আজ-কাল বাঙ্গালী ধনী-গৃহে বিবাহ ভোজ অপেক্ষা আশীর্বাদ-ভোজে খাত্তোপকরণের অধিক বাহুল্য দেখা যায়। কারণ, স্বল্পতর অতিথির তুষ্টিসাধন পক্ষে বহুভাণ্ডস্বর লঘু আয়াস-সাধ্য। এক্ষেত্রেও অন্তঃপুরিকাগণ শ্রামাচরণের নিষেধ সত্ত্বেও ভূরি আয়োজনের কিছুমাত্র ক্রটি করেন নাই। রৌপ্যখালের তিনদিকব্যাপী

স্ববিস্তৃত ব্যঞ্জন ও মিষ্টায় পাত্রেব সকল স্তরে নাগাল পাওয়া দীর্ঘ-
হস্ত রাজার পক্ষেও দুঃসাধ্য হইয়া উঠিয়াছিল। দিদিমা কাছে
বসিয়া দূরের বাটিগুলি তাঁহার হাতের নিকটে ধন্বিয়া দিতে দিতে
সকল ব্যঞ্জনই একটু একটু চাকিবার জন্ত মৃদুস্বরে অহুরোধ
করিতেছিলেন। রাজা যেটি খাইয়া বিশেষ পরিতোষ প্রকাশ
করিতেছিলেন সেটি যে হাসিরই প্রস্তুত, ইহাও অসকোচে রাজাকে
জানাইয়া দিতেছিলেন; আর হাসি দিদিমার প্রতি ক্রুদ্ধ কটাক্ষ
নিক্ষেপ করিয়াও রাজার প্রশংসা বেশ হাস্য মুখেই আত্মসাৎ
করিতেছিল। এবাড়ীর এই দম্ভর, ভাল রান্নাগুলি মা দিদিমা
দুজনেই হাসির নামে চালাইয়া অধিকতর পরিতৃপ্তি লাভ করেন।

কথোপকথন স্থখে বঞ্চিত হাসির মাতা দূরে বসিয়া মুক-
বধিরের জায় অতিথি দর্শন স্থখেই আপনাকে ধন্য জ্ঞান করিতে-
ছিলেন। রাজা দক্ষিণ হস্তে সমাসকর্দা বহুমূল্য দুইটি হীরক
অঙ্গুরী ধারণ করিতেন। তিনি যখন পাত্র হইতে পাত্রান্তরে
হস্ত-চালনা করিয়া ব্যঞ্জন গ্রহণ করিতেছিলেন, তখন সেই অঙ্গুরী
দুইটির জ্যোতি তারকাজ্যোতির জায় ঝলমল করিয়া উঠিতেছিল।

গৃহিণী একবার রাজার মুখের দিকে একবার তাঁহার হাতের
দিকে দৃষ্টি নিক্ষেপ করিতে করিতে ভাবিতেছিলেন, “ ঠিক
যেন কোন ছদ্মবেশী রাজপুত্রুর! হাসির যদি এই রকম একটি
বর হয়! ঠাকুরজামাই এঁকে কি গোপনে ক’নে দেখাইতেই
এনেছেন নাকি? তাই যেন হয় বিধাতাপুরুষ।”

গৃহিণী যখন এইরূপ তপস্বা করিতেছিলেন, তখন হাসি

নিবিষ্ট চিত্তে অতিথির আহার-সৌষ্ঠব দেখিতেছিল। কিরূপ ধীরে ধীরে স্বল্পমাত্রায় তিনি আহাৰ্য্য মুখে গ্রহণ করিতেছেন! মুখে হাত উঠাইবার কি সূচক ভঙ্গী! আহাৰ্য্য মুখে লইবার পর গুণ্ঠাধর নিমীলিত হইয়া পড়িতেছে, চৰ্কনে শব্দ নাই; হস্তলেহনের বিকৃত দৃশ্য নাই! আহার-ক্রিয়ার মধ্যে এতটা সৌন্দর্য্য যে লুপ্তায়িত আছে—ইতিপূর্বে ইহা তাহার নজরে কখনো পড়ে নাই ত!

অন্ন-ব্যঞ্জন ত্যাগ করিয়া রাজা যখন মিষ্টান্নে হস্ত দান করিলেন তখন শ্রামাচরণ বলিলেন, “জানেন—রা—রা রায়মশায়, এ বাড়ীর মিষ্টি খেলে আর কখনও ভুলতে পারবেন না; চিরদিনই মুখে সে মিষ্টতা লেগে থাকবে।”

রাজা বলিলেন, “সেত উত্তম কথা। এত রকম মিষ্টান্ন রয়েছে এখানে, কোন্টি আগে নেব বলে দিন ত, আমি এ সবকে বড়ই অজ্ঞ।”

শ্রামাচরণ বলিলেন, “আমিত খাচ্ছি সরভাজা।” দিদিমা অল্পনয় করিয়া কহিলেন, “সবই একটু করে চেকে দেখাচ্ছা,—নইলে আমাদের দুঃখ হবে!”

কৃষ্ণলাল বলিলেন, “মালাইভোগটা মা ঠুকে আন্নে দাও। তোমার এত মিষ্টান্ন কি একসঙ্গে লোকে খেতে পারে! পরে বরঞ্চ সঙ্গে ওঁদের কিছু দিও।”

রাজা কহিলেন, “হ্যাঁ, তাহলে বিদায় দক্ষিণাটাও বাকী থাকে না।” ইতিমধ্যে হাসি মালাইভোগের বাটিগুলি তিনজননের

পাতের কাছে ধরিয়াদিল। শ্রামাচরণ খাইতে খাইতে বলিলেন,
“বড়ই উপাদেয় হয়েছে—তুমি তৈরি করেছ বুঝি মা?”

হাসি একটু হাসিল, দিদিমা তাড়াতাড়ি বলিলেন, “হ্যাঁ,
হাসিই করেছে ওটা।”

এবার দিদিমা সত্য কথাই বলিলেন; এ জিনিষটা সম্পূর্ণ
ভাবেই হাসির হাতের প্রস্তুত। কারণ ইহাতে রন্ধন-কার্য
কিছুই ছিল না, মালাই, ক্ষীর, ছানা, রস প্রভৃতি সংযোগে ইহা
একটা কেমিকেল উপাদান মাত্র। রাজা খাইয়া বলিলেন,
“যিনি এ'র স্রষ্টা নাম দিয়েছিলেন, তিনি নিশ্চয়ই দিব্য দর্শক
ছিলেন।”

এইরূপ বিনাভ্রমর সহজ হাসি-গল্প আদর-আপ্যায়নে অতিথি
এবং আতিথ্যকারী উভয়পক্ষই যথোচিত আনন্দ লাভ
করিলেন। আহারের পর দিদিমা হাসিকে লইয়া বিদায় গ্রহণ
করিতে উদ্ভূত হইলে শ্রামাচরণ তাহাতে আপত্তি প্রকাশ
করিলেন; কৃষ্ণলাল সেই আপত্তি গ্রাহ্য করিয়া মাতাকে টানিয়া
আনিয়া বড় চৌকিখানার উপর বসাইয়া দিলেন। হাসি পাশে
বসিল।

শ্রামাচরণ তাঁহাদিগকে লইয়া বিদেশী পণ্য বয়কট সম্বন্ধে গল্প
কাঁদিয়া বসিলেন আর রাজা কৃষ্ণলালের সঙ্গে পুনরায় দেয়ালের
চিত্রলেখ্যগুলি দেখিতে লাগিলেন। বড় দরজার মাথার স্মৃতি-
কার্য-রচিত ও শব্দটি প্রথমেই কৃষ্ণলাল তাঁহাকে দেখাইলেন,—
রাজার প্রশংসা শুনিতে পাইলে পর তিনি ইহার অর্থ ব্যাখ্যায়

প্রবৃত্ত হইতে পারেন। কিন্তু তাঁহাকে নিরাশ করিয়া অতিথি আর একখানি ছবি মনোনিবেশ সহকারে দেখিতে দেখিতে কহিলেন, “এই ছবিখানি দেখিতে বড় সুন্দর, কিন্তু ইহার পরিকল্পনা ঠিক বুঝতে পারছি নে।” কৃষ্ণলাল ডাকিলেন, “হাসি, তোমার ছবিখানির অর্থ রায়ম’শায়কে বুঝিয়ে দাও ত মা।” হাসি নিকটে আসিয়া দাঁড়াইল। কৃষ্ণলাল ও শব্দের দিকে চাহিয়া রহিলেন। রাজা কহিলেন, “আপনি ত খুব সুন্দর ছবি আঁকেন? ছবিখানি ঠিক স্বপ্ন-দৃশ্যের মত দেখাচ্ছে।” হাসি বিস্ময় প্রকাশ করিয়া কহিল, “ঠিক ত ধরেছেন আপনি! সত্যি ওখানি আমার স্বপ্নচিত্র। আমি স্বপ্ন দেখেছিলুম— যেন ছোট একখানি নৌকা ক’রে সমুদ্রে ভেসে চলেছি;— হঠাৎ সমুদ্রটা আকাশ হয়ে গেল, আর নৌকাখানা আকাশ-পথে উড়ে চলতে লাগলো। চলেছি ত চলেছি, উড়ন্ত নৌকায় ছুটে ছুটে চলেছি,—আর থামার সাধ্য নেই,— নামার সাধ্য নেই,—আকাশের তারাগুলো সব আমাকে ঘিরে দাঁড়িয়েছে;—আমার মাথা ঘুরে উঠলো, নিশ্বাস বন্ধ হয়ে এল,— প্রাণ আকুলি ব্যাকুলি করতে লাগলো, হঠাৎ একখানা কাল মেঘের ভিতর থেকে কার বাশি বেজে উঠলো, আর আমার ঘুমও ভেঙ্গে গেল!”

রাজা স্বপ্ন-কথা নিবিষ্ট-চিত্তে শুনিতে লাগিলেন, হাসির কাহিনী শেষ হইলে, রাজা সহাস্তে কহিলেন,—

“স্বপ্নটি যেমন বিচিত্র, তার-জগতের মধ্যে স্বপ্ন-দেবীর এই

মৃতিটিও সেইরূপ চমৎকার ! আপনি বুঝি সেই সন্ধ্যায় কিম্বদন্তি-হ্রদে বেড়াচ্ছিলেন ?” হাসির মনে পড়িল গত পূর্ব-অপরাহ্নের কথা, সে সন্ধ্যাে কহিল, “ঠিক মনে পড়ছে না।” রাজা কহিলেন, “আপনার ছবিখানি দেখে আমার একটি গান মনে পড়ছে। ছবিটির সঙ্গে গানটির যে বিশেষ মিল আছে তা নয়, কিন্তু ছবিখানি দেখছি আর সেই গানটি আমার মনে আসছে।”

হাসি অন্তর্নয়ের স্বরে কহিল, “আপনি গাবেন সেই গানটি ?”

এমন মধুর দৃষ্টিতে চাহিয়া তাঁহাকে হাসি এই অনুরোধ করিল যে, সেই দৃষ্টিতে দৃষ্টিনিবন্ধ করিয়া সহসা রাজা আত্মহারা হইয়া পড়িলেন, তাঁহার সর্বাঙ্গে বহুদিনের বিশ্বৃত পুলক-শিহরণ উঠিল। রাজা কোন উত্তর করিবার পূর্বেই স্তম্ভাচরণ কহিলেন, “রা-রা রায়বাহাদুর বেশ গাইতে পারেন। ছেড়োনা মা শুঁকে, ধরে পড়।” আজ সহসা স্তম্ভাচরণ তোতলা হইয়া পড়িয়াছেন, রায়মহাশয়ের নামটি ক্রমাগতই তাঁহার মুখে বাধিয়া যাইতেছে। স্তম্ভাচরণ কাজের মানুষ, এই কথা বলিতে বলিতে দেওয়ালের বড় তানপূরাটা খুলিয়া তক্তার উপর রাখিয়া দিলেন। হাসি আবার বলিল, “গান না আপনার মনের গানটি ?” রাজা কহিলেন, আমারও কিন্তু অনুরোধ আছে, তারপর আপনাকেও গাইতে হবে !” এই সময় স্তম্ভাচরণ শু শব্দের দিক হইতে মুখ ফিরাইয়া একবার বলিয়া উঠিলেন, “আপনি হাসিকে আপনি আপনি করছেন—বড় বেনামান গোনাচ্ছে, তুমিই বলবেন শুকে।”

রাজা এ কথার কোন উত্তর না করিয়া তক্তায় আসিয়া বসিয়া
তানপুরাটা হাতে তুলিয়া লইলেন। কিছুক্ষণ তাহার কাণ
টেপাটুপি করিয়া স্বর মিলাইয়া গান ধরিলেন—

কে আমারে বারেবারে করুণ স্বরে

ডাকে শুদূরে ?

ভবনবাসী মন আমার ভুবন পানে উড়ে ।

চিনেছিগো বাঁশিটি কার,

স্বরে শুনি হাসিটি তার,

পারে বেতে বারেক শুধু দেখেছি ঈধুরে,

সেই বিদেশী ঈধুরে ;

সে যে স্মৃতির খেয়া বেয়ে চলে

স্বপ্ন-নদীর পুরে !

ওগো কেমন করে মিলবে তারে হায় ?

যেমন করে সন্ধ্যা-তারা,

পূব-গগনে দিশাহারা,

ভোরের বেলা অরুণ-ধারায়

মিলাইয়া যায়,

তেমনি করেই মিলবে, তাহার—

লুটবে পায়ে ঘুরে ।

সে যে স্মৃতির খেয়া বেয়ে চলে

স্বপ্ন নদীর পুরে ।

মিলবে তারে কবে ওগো, কখন ?

তখন ওগো তখন—
ফাগুন হাওয়া আগুন হ'য়ে,
কাল-ব'শেখের দোলা ব'য়ে
চলবে যখন ঝড়ের আগে আগে,
ঘন ঘটা আঁধার মেঘে—
ইন্দ্রধনু চুপে চুপে,
প্রকাশ হয়ে মোহন রূপে
লুকিয়ে পড়বে যখন পুনঃ
নিবিড় অমরাগে,—

তখন ওগো তখন,—
রক্ততালে বন্ধু তোমার নাচবে মধুরে —
বেজে উঠবে তুমি তাহার চরণ নুপুরে;—
সে যে স্মৃতির খেয়া বেয়ে চলে
স্বপ্ন-নদীর পুরে ।

রাজা তালমান দিয়া চক্ষু বুজিয়া গানটি গাহিতে লাগিলেন,
হাসি তন্নয় হইয়া শুনিতে লাগিল । রাজা যখন থামিয়া পড়িলেন
তখনও সেই গীততান তাহার কর্ণে বাজিতেছিল !

ত্রয়োদশ পরিচ্ছেদ ।

গৃহের কুহকবন্ধ নীরবতা ভঙ্গ করিয়া শ্রামাচরণ প্রথমে কহিলেন, “এইবার তোমার পালা মা, অতিথি-সম্বৰ্দ্ধনা কর ।” হাসি একেবারেই ঝাঁকিয়া বসিল, এত ভাল গানের পর আর কি সে গায়িতে পারে ! সে বলিয়া উঠিল, “আমি আজ মোটেই গাইতে পারব না । রাত্রে ঠাণ্ডা লেগে গলাটা একেবারেই ধরে গেছে ।”

কিন্তু দিদিমা, কৃষ্ণলাল, শ্রামাচরণ ইহাদের সকলেরই ইচ্ছা হাসি গান গায় ; গান শিখিয়া হাসি যদি গান শুনাইবার এমন অবসর ছাড়িবে তবে শিখিয়াই বা লাভ কি !

পিতা বলিয়া উঠিলেন, “গাও হাসি, বলছেন উনি গাও ।” হাসি দিদিমার পাশে আসিয়া বসিয়াছিল, তিনি অলক্ষ্যে, তাহাকে বেশ একটু টিপনি দিয়া মৃদু স্বরে কহিলেন, “গাইতে আরম্ভ করলেই গলা খুলবে, দেমাক রাখ ।” কিন্তু তথাপি হাসি চুপ করিয়া রহিল, তাঁহাদের আজ্ঞা পালনের কোন লক্ষণই প্রকাশ পাইল না । তখন অতিথি অমুনয় কণ্ঠে কহিলেন,—

“আপনি না গাইলে কিন্তু বড় দুঃখিত হব ।” হাসি মত মুখ উন্নত করিয়া তাঁহার দিকে চাহিল । রাজা আবার বলিলেন, “নিশ্চয়ই আপনাকে গাইতে হবে, এত অনুরোধ অগ্রাহ্য করবেন আপনি ?” এই দৃঢ়তাপূর্ণ অনুনয়-বাক্য রাজাদেশের ত্রায় তাহার

অপবাসী

কর্ণে শ্রবিত হইল। রাজা তত্ত্ব হইতে উঠিয়া বলিলেন,
“আপনি এই আসন গ্রহণ করুন।”

হাসি বলিল, “ও তানপূরাটা ত আমার নয়, গুস্তাদের।
ছোট তানপূরাতেই আমি গাই।”

রাজা নিজেই তখন দেয়াল হইতে ছোট তানপূরাটি খুলিয়া
তক্তার এক ধারে রাখিলেন। হাসি বিনাবাকাব্যায়ে ধীরে ধীরে
তক্তার উপর আসিয়া বসিল, বসিয়া অনবরত তানপূরাটার কাণ
টিপিতে লাগিল। কিছুতেই যে আজ তাহা স্বরে মিলিতে চায়
না! রাজা হাসিয়া নিজেই তখন তানপূরাটার স্বর বাধিয়া
দিলেন। হাসির হস্তে কিন্তু তবুও তাহার স্বর খুলিল না;
মাও মাও করিয়া সেটা কাঁদিতে লাগিল। এ কি জ্বালা!
কোনও গান ত মনে আসিতেছে না আজ! দিদিমাকে জিজ্ঞাসা
করিল, “বল না দিদিমা— কোনটি গাব।” দিদিমা তাহার ধরণ
ধারণ দেখিয়া মনে মনে জ্বলিতেছিলেন, কিন্তু সংযত ভাবেই
কহিলেন, “সেই আগমনীটা গাও?”

“কোন আগমনীটা? মনে পড়ছে না ত?” শ্রামাচরণ
হাসিয়া বলিলেন, “তবে আগমনী থাক, একটা বিসর্জনী গাও।”

কোনও বিসর্জনী গীতও আজ তাহার মনে পড়িল না। কৃষ্ণ-
লাল বলিলেন, “একটা ব্রহ্মসঙ্গীত গাও তবে। ‘প্রথম নাম ওঙ্কার’
গানটি জান ত? হাসি ঘাড় নাড়িয়া জানাইয়া দিল যে
‘জানি না’।

রাজা বলিলেন, “আপনি কি কোন জাতীয় সঙ্গীত জানেন?”

হাসি হাঁহার উত্তর না দিয়া হঠাৎ বলিয়া উঠিল, “আচ্ছা গাণ্ঠি, আমার মনে পড়েছে একটা গান।”

বলিয়া গায়িতে আরম্ভ করিল,—

আমার বীণা তোমার হাতে

মধুর অতি সাজিছে !

আমার বাণী তোমার

গানে মধুর কিবা বাজিছে—

তুই ছত্র গাইয়াই হাসি গান বন্ধ করিল ; কথাও আর মনে পড়িল না, স্মরণটাও একেবারেই ভুলিয়া গেল, বিরস লজ্জিত ভাবে সে তানপূরা হইতে হাতটা সরাইয়া লইল। রাজা ক্রুপাশ্রবণ হইয়া বলিলেন, “থাক ; তবে আজ দেখছি দেবী সর্বস্বতী আমাদের প্রতি বিমুখ।” বলিয়া রাজা গিলাকুক্ষিত শুভ্র পিরাণের ক্ষুদ্র পকেট হইতে তাঁহার ঘড়ি বাহির করিয়া দেখিয়া বলিয়া উঠিলেন, “এক দশটা বেজে গেছে ! আমাকে ত আজ রাত ১১টার ট্রেন ধরতে হবে। আর আপনারাও নিশ্চয়ই এখনো খাননি ; সে কথা ভুলে গিয়ে আত্মস্বখেই বিহ্বল হয়ে আছি।”

রাজা দিদিমার দিকে চাহিয়া এই কথা বলিলেন। দিদিমা শশব্যস্তে বলিয়া উঠিলেন, “সে কি কথা, বোসো বোসো, আমরা দেবীতেই খাই।” রাজা দাঁড়াইয়া কহিলেন, “মাপ করবেন, উঠুন শ্রামাচরণ বাবু, বড় দেবী হয়ে গেছে।”

তখন সকলেই উঠিয়া দাঁড়াইলেন। হঠাৎ পাশের টেবিলের দিকে দিদিমার দৃষ্টি পড়িল। এতক্ষণ কুলের মালার কথাটা

একেবারেই তাঁহারা ভুলিয়া গিয়াছিলেন। শ্রামাচরণের দিকে চাহিয়া বলিলেন, “আজকের দিনে যে বরের স্বস্তুরকে মালা পরাতে হয়—দে না হাসি মালা পরিয়ে!”

হাসি এক গাছি গ’ড়ে মালা উঠাইয়া শ্রামাচরণের দিকে অগ্রসর হইবামাত্র তিনি এক পা দূরে সরিয়া গিয়া কহিলেন, “মোটে ত তোমার পুঁজি দেখছি ঐ এক গাছি মালা, আমি ত ঘরের লোক, অতিথিকে ত সৰ্ব্বাঙ্গে সম্মানিত করা উচিত, ওঁকেই দাও মালাগাছি।”

হাসি কিংকর্তব্য ভাবে মালা হস্তে তাঁহার দিকে দৃষ্টিপাত করিল। রাজা নিঃসঙ্কোচে বেশ সহজ ভাবেই স্বয়ং অগ্রসর হইয়া আসিয়া কঠ বাড়াইয়া দিয়া কহিলেন, “তোমার হাতে ভ্রাতৃবরণ মাল্য সাদরে গ্রহণ করি। পরিবর্তে কি আর দিব, আর কিছুই ত সঙ্গে নাই—এই আংটিটি আমার স্নেহাশীর্ষাদ রূপে গ্রহণ কর।”

রাজা আংটি খুলিয়া তাহাকে পরাইয়া দিলেন। শ্রামাচরণ তাহা দেখিয়া মুখ টিপিয়া হাসিলেন। রাজাকে এখানে আনিবার উদ্দেশ্যে তাঁহার নিফল হয় নাই। কৃষ্ণলাল সহসা ওঁ শব্দ ছাড়িয়া এদিকে দৃষ্টিপাত করিলেন, বরকন্ঠার শ্রায় উভয়কে মাল্যাস্তুরি-বিনিময় করিতে দেখিয়া স্তম্ভিত হইয়া রহিলেন, এ ঘটনা তাঁহার মনঃপুত হইল কি না বুঝা গেল না। দিদিমাও হাসিবেন বা কাঁদিবেন, বুঝিতে না পারিয়া নীরব হইয়া রহিলেন। দ্বারাস্তরালে পাড়াইয়া গৃহিণীই কেবল আনন্দচিত্তে

ভগবানকে স্মরণ করিলেন। মাতার ত্রায় দিব্যদর্শক সংসারে কে আছে !

রাজা যখন বিদায় গ্রহণ করিয়া চলিয়া গেলেন, দালান শূন্য হইয়া পড়িল, তখন দিদিমার মুখ ফুটিল। তিনি হাসিয়া বলিলেন,—

“অজানা অচেনা কার গলায় মালা দিলি লো রূপসি নাতনি !
তোমার রাজা এল নাকি ?”

আজ আর হাসির হাসি-ঠাট্টা ভাল লাগিল না—গম্ভীর মুখে বলিল, “দিদিমার সব তাতে ঠাট্টা !”

এই সময় গৃহিণী দালানে আসিয়া দাঁড়াইলেন, আর শচীনও বায়স্কোপ রঙ্গালয়ের রঙ্গ দর্শনান্তে এখানে আসিয়া হাজির হইল। দিদিমা তাহাকে জিজ্ঞাসা করিলেন, “তোমার সঙ্গে ওদের দেখা হোল ?”

“হ্যাঁ দেখলুম, তাঁরা গাড়ীতে উঠছেন।”

“কে উনি জানিস্ ?”

শচীন বুঝিল, কাহার সম্বন্ধে এ প্রশ্ন,—আশ্চর্য্য হইয়া বলিল ;
“জাননা নাকি? রাজা যে ?”

শচীন প্রসাদপুরে গিয়াছিল তাহা পাঠক জানেন। দিদিমা সবিস্ময়ে প্রশ্ন করিলেন, “রাজা ! কোথাকার রাজা রে ?”

উত্তর হইল, “প্রসাদপুরের।”

চতুর্দশ পরিচ্ছেদ ।

রাজা অতুলেশ্বর কলিকাতায় গিয়া ভাগ্যবলে স্বপ্ন ও সমৃদ্ধি এই দ্বিবিধ প্রসাদই লাভ করিলেন ।

অনেকদিন হইতে তিনি লোকালয় সংস্পর্শরহিত ভাবে প্রসাদপুরের নির্জন নীড়ে বাস করিতেছিলেন । দেশের রাজনৈতিক বিপ্লব-বারতা সংবাদপত্র হইতে তিনি পাইয়া থাকেন ; কিন্তু সঙ্কে সঙ্কে সমাজনাযুও যে কিরূপ ঘূর্ণিত-বেগে আলোড়িত হইয়া উঠিয়াছে, দূর হইতে এতদিন তাহার সম্পর্ক স্পর্শ লাভ করেন নাই । হাসিকে দেখিয়া বুঝিলেন যে, তিনি একা নহেন, দেশের ঘরেঘরেই সম্ভবতঃ নারী গঠনের একটা প্রয়াস চলিতেছে । তাঁহার জীবনব্যাপী উদ্দেশ্যের সফলতা যেন হাসিতে তিনি প্রত্যক্ষ করিলেন । কলিকাতা প্রবাসের এই ক্ষণস্থায়ী ক্ষুদ্র দিনগুলি স্বপ্ন স্মৃতিতে তাঁহার মনে স্থায়ীভূত লাভ করিল !

কিন্তু জ্যোতিষ্ময়ীর ভাগ্যান্বিতিতে বিধাতাপুত্রের অন্তরূপ লিখিয়াছিলেন । এ সময়টা রীতিমত কষ্টের ভাবেই তাঁহার কাটিল ।

ট্রেনে ডিক্রুজ সাহেবের কুকড়িতে শরৎকুমারের হাতে যে আঘাত লাগিয়াছিল ;—তাহার কত শুকাইবার পরও মাঝে মাঝে সেই স্থানে তিনি বেদনা অনুভব করিতেন ।

সম্প্রতি রাধিবন্ধনদিনে হাসপাতালে অস্ত্রচিকিৎসা করিবার সময় দৈবক্রমে ছুরির সামান্য স্পর্শ লাগিবা মাত্র উক্তস্থান ঈষৎ উন্মুক্ত হইয়া পড়িল। কিন্তু রাজকুমারী তাঁহার অপেক্ষায় থাকিবেন বলিয়াছেন, যথারীতি ঔষধাদি লাগাইতে গেলে বিলম্ব হইয়া পড়িবে, তিনি হাসপাতালের কার্য্যশেখে তাড়াতাড়ি সামান্য জলপটিতে মাত্র ক্ষত বান্ধিয়া লইয়া চলিয়া গেলেন। বাগানে আসিয়া দেখিলেন যে কেহই সেখানে নাই। রাজকুমারী গৃহে যাইবার সময় যে গ্রহটির দিকে ফিরিয়া ফিরিয়া দৃষ্টিপাত করিয়াছিলেন, শরৎকুমার না জানিয়াও তাহারি দিকে চাহিয়া একটা চাপা দীর্ঘনিশ্বাস ফেলিলেন, সঙ্গে সঙ্গে আত্ম-তিরস্বারের ক্রীণ হস্তরেখা তাঁহার ওষ্ঠাধরে ফুটিয়া উঠিল;—“এত রাত্রি পর্য্যন্ত রাজকুমারী এখানে থাকিবেন, এমন ভুল করিলেন তিনি কি করিয়া?”

সেই রাত্রেই তাঁহার সামান্য একটু জ্বর ভাব হইল কিন্তু পরদিন সকালে ক্ষতস্থানে যথাবিধি ঔষধাদি লেপনের পর শরীর এতদূর সচ্ছন্দ বোধ করিলেন যে, সন্ধ্যাকালে রাজা বাহাদুরকে টেনে পর্য্যন্ত উঠাইয়া দিয়া আসিলেন।

বাড়ী ফিরিয়া কিন্তু অবসন্ন হইয়া পড়িলেন। রাত্রিকালে জ্বরও বেশ প্রবল হইয়া উঠিল। তখন নিজের চিকিৎসা আর নিজের হাতে রাখা যুক্তিযুক্ত জ্ঞান না করিয়া অন্ত ডাক্তারের আশ্রয় গ্রহণ করিলেন। সৌভাগ্যক্রমে রাজ্যের একজন প্রবীন ডাক্তার আশ্রয় এই সময় বায়ু পরিবর্তন—

উপলক্ষে প্রসাদপুরে আসিয়া প্রাসাদেই বাস করিতে ছিলেন। তিনি দেখিয়া শুনিয়া শরৎকুমারের সহিত একমত হইলেন। বিষাক্ত কুকড়ির আঘাত হইতেই যে ক্ষতের উৎপত্তি তিনিও এইরূপ অনুমান করিয়া আশ্বাস প্রদানে কহিলেন, “ক্ষতের লক্ষণে বুঝা যায় উহা সাংঘাতিক বিষ নহে। সম্ভবতঃ পশুবধের পর কুকড়িখানা ভাররূপ পরিকৃত হয় নাই—প্রধানতঃ এই কারণে, তাহা ছাড়া রোগী স্তম্ভ সবল বলিয়াও এই বিষের কার্যকল প্রকাশে বিলম্ব হইয়া পড়িয়াছে। যাহাহউক ভয়ের কোন কারণ নাই। সামান্য অস্ত্র চিকিৎসা দ্বারাই রোগী সম্ভবতঃ আরোগ্য লাভ করিবেন।

অস্ত্রোপচার হইবার পর শরতের অবস্থা প্রথম দিন খুব খারাপ ছিল; দ্বিতীয় দিন অপেক্ষাকৃত ভাল, কিন্তু এখনো আশাহুরূপ ভাল নয়। সেবার ক্রটি নাই,—অনাদির সহিত আরও দুই একটি বালক তাহার শুশ্রুষায় নিযুক্ত। কিন্তু অনাদি যেরূপ প্রাণপণে সেবা করিতেছে, মাতা ভগিনী স্ত্রী তদপেক্ষা অধিক যত্নে সেবা করিতে পারে না। দ্বিতীয় রাত্রিও কোনরূপে কাটিয়া গেল। তৃতীয় সন্ধ্যায় ডাক্তার প্রফুল্ল মুখে ভরসা দিয়া গেলেন।

জ্যোতিষ্ময়ী অগ্নিদিনের ত্রায় দেদিনো সেই সময়ে ধীরে ধীরে বারাণ্ডায় আসিয়া দাঁড়াইলেন। গৃহে তখন অনাদি ছাড়া আর কেহ ছিল না। সে নিকটে আসিয়া বলিল, “আসবে দিদিমণি ঘরে? কেউ নেই এখন,—এস।”

বালিকা বলিল, “একটু ভাল দেখছ, অনাদি?”

“নিশ্চয়। আজ আর তেমন ছটফট করছে না,—তেমন অচেতন-ভাবও নেই, সহজভাবে ঘেন ঘুমছেন।—এস না রাণি-দিদি ঘরে—আজ দেখে খুসী হবে।”

জ্যোতিষ্ময়ী শিয়রে আসিয়া দাঁড়াইলেন। রোগীর মুখ প্রশান্ত, তিনি ঘেন কি স্বপ্ন দেখিতেছিলেন,—তন্মধ্যে বসিলেন। “হাসি তুমি? আর ঐ তারাটি, ঐ উজ্জল,—তোমার চেয়েও উজ্জল বড় তারাটি—কে ও? চেন না, হাসি? জ্যোতিষ্ময়ী উনি রাজকুমারী।” জ্যোতিষ্ময়ীর অশ্রুজল সম্বরণ দুঃসাধ্য হইয়া উঠিল। তিনি আত্মবিস্মৃত হইয়া রোগীর কপালে স্নেহহস্ত বুলাইলেন। সে স্পর্শে শরৎ চক্ষু উন্মীলিত করিলেন, রাজকুমারীর দিকে দৃষ্টিপাত করিয়া মুহূর্ত্তকাল কিন্তু স্বাভাবিক স্বরে কহিলেন, “তুমি রাজকুমারি?” রাজকুমারি আহ্লাদগদগদ-কণ্ঠে কহিলেন, “চিনিয়াছেন?” একটু বিস্ময় প্রকাশ করিয়া শরৎ কহিলেন, “চিন্বে না কেন? আমার কি হয়েছে?”

তিনি শয্যায় উঠিয়া বসিবার চেষ্টা করায় রাজকুমারী তাঁহাকে নিবৃত্ত করিয়া কহিলেন, “কিছু হয় নাই, কিন্তু উঠবেন না, আপনি ঘুমোন, আমি বাই।”

“যাবেন না রাজকুমারী, বসুন আপনি।” তাহার রুগ্ন কণ্ঠ একান্ত অনুরোধপূর্ণ।

অন্যান্য নিকটে একখানা চৌকি আনিয়া দিল, জ্যোতিষ্ময়ী বসিলেন। শরৎ বলিলেন, “রাজকুমারি?”—বলিয়া চক্ষু মুদ্রিত করিয়া নিশ্চয় হইয়া রহিলেন। জ্যোতিষ্ময়ী ভীতস্বরে কহিলেন,—

“ভাস্কর-দা ?” শরৎ আবার কথা कहিলেন, বলিলেন, “রাজ-কুমারি—বড় দুর্বল, বড় একলা মনে হচ্ছে, আপনার হাতখানি দিন।” রাজকুমারী তাহার হাতখানি ধরিলেন, অশ্রুতে সে হাত সিক্ত হইয়া উঠিল; অনাদিও বালকের স্তায় মুখ ঢাকিয়া কাঁদিতে লাগিল। জ্যোতিষ্ময়ীর হাতখানি হাতের মধ্যে ধরিয়া রোগী আবার ঘুমাইয়া পড়িল। কিছুক্ষণ পরে হাতখানি আশে আশে টানিয়া লইয়া জ্যোতিষ্ময়ী বীরপদে গৃহত্যাগ করিলেন।

পরদিন শরৎকুমারের জ্বর ত্যাগ হইল;—বিপদ-মেঘ কাটিয়া গেল।

রাজা আসিয়া দেখিলেন, শরৎকুমার সারিয়া উঠিতেছেন। তিনি খবর দিলেন যে, প্রসাদপুরে কন্‌ফারেন্স বসিতে প্রায় মাস খানেক বিলম্ব হইয়া পড়িল। তৎপূর্বে বাঙ্কলার প্রধান প্রধান পলিটি-কাল নেতাগণ সকলে এখানে সম্মিলিত হইতে পারিবে না। শুনিয়া জ্যোতিষ্ময়ী খুসীই হইলেন, তাঁহার মনে হইল ততদিন শরৎকুমার বেশ সবল হইয়া উঠিতে পারিবে।

পঞ্চদশ পরিচ্ছেদ ।

জ্যোতিষ্ময়ী এইবার আপনার দিকে দৃষ্টিপাত করিবেন।
পাইলেন।—কি দুশ্চিন্তা, কি ঔৎসুক্যের মধ্যে সপ্তাহ কাল কাটিয়া
গিয়াছে! এমন কি, ব্যায়ামসমিতি কনফারেন্স কিছুই এ কয়দিন
তাহার মনে পড়ে নাই। এ কিরূপ তন্ময়তা! কই পিতার
অনুধের সময় ত জ্যোতিষ্ময়ী এত কাতর হইয়া পড়েন নাই!
তাহার লক্ষ্যসঙ্কুচিত মন উত্তর স্বরূপ কহিল, “কোন কারণ ছিল
না ত তাহার, পিতার ত জীবনসংশয় হয় নাই।—তবুও”—

ইহার অর্থ,—তবুও একজন আত্মীয়, পরের জন্ত এত কেন
ভাবনা! প্রতিদিন ত রোগে তাপে পৃথিবীর কত লোক মৃত্যু
গ্রাসে পড়িতেছে; কে কার জন্ত এত ভাবে? এস্থলে মৃত্যুর
কথাটা মনে আসিবামাত্র বালিকার মনের মধ্যে একটা কষ্টের
শিহরণ উঠিল!

তখন দ্বিপ্রহর অতীত হইয়া গিয়াছে। আহারাদির পর
সোফায় শুইয়া জ্যোতিষ্ময়ী বিশ্রাম করিতেছিলেন। পাশেই
হাতের কাছে একটি টেবিলে, ফুলভরা ফুলদানী একটির চারি-
দিকে নানারকম কাগজ পত্র, বহি সাজান। জ্যোতিষ্ময়ী তাহার
মধ্য হইতে একখানি থিয়সফিষ্ট পত্র টানিয়া লইয়া পড়িতে আরম্ভ
করিলেন। একটা প্রবন্ধ আগাগোড়া শেষ করিয়া তখন তাহার
হঁস হইল,—এক অক্ষরও মস্তিষ্কে প্রবেশ করে নাই। পাঠিকার

অপবাসী

স্থল অন্ধি বহির পাতায় নিবদ্ধ ছিল বটে—কিন্তু সূক্ষ্ম আঁখি ঘুরিতেছিল অগ্ন ঘরে। আজ ইচ্ছা করিয়াই প্রাতঃকালে শরৎ-কুমারকে রাজকুমারী দেখিতে যান নাই,—ভাল আছেন ত তিনি! তিনি কি জ্যোতিষ্ময়ীর প্রতীক্ষা করিতেছিলেন, তাঁহাকে দেখিতে চাহিতেছিলেন?

এ কিরূপ প্রশ্ন? রাজকুমারী তাহাকে দেখিবার জগ্ন ব্যাকুল বলিয়া তিনিও কি ব্যাকুল থাকিবেন? এ কি পিপাসা! এখন ত তিনি আরাম হইয়া উঠিয়াছেন—এখনো তাঁহার চিন্তাতেই জ্যোতিষ্ময়ী মগ্ন কেন? তাঁহার সান্নিধ্য লাভের জগ্ন কেন তিনি এত তৃষাতুর? এ কি সৰ্ব্বগ্রাসী ভাব? ইহাই কি প্রেম?

কৃতি কি? প্রেমদেবতাকে মনে মনে পূজা করিতে কৃতি কি? কিন্তু ইহার পরিণাম? এই আকাঙ্ক্ষা—এই চিন্তা, এই পূজার পরিণাম? লোকে বলে বিবাহ। জ্যোতিষ্ময়ী হাতের বই-খানা ছুঁড়িয়া ফেলিয়া দিলেন।—“না তাহা হইতে পারে না—পারে না,—আমি জ্যোতিষ্ময়ী—চিরকুমারী ব্রত গ্রহণ করিয়াছি—দেশের জন্য জীবনদান করিয়াছি—আমি ব্যক্তি বিশেষের পরিণীতা পত্নী!—অসম্ভব,—অসম্ভব!” একবার তিনি অতি চুপে চুপে—স্বগত উচ্চারণ করিলেন, “মিসেস্ চৌধুরী” “তাঁহার চিন্তা-মলিন মুখে সহসা কোতুক হাসি ফুটিয়া উঠিল। ঘরের বারান্দায় খাঁচায় রক্ষিত পোষা কোকিলটি এই সময় কুহ কুহ করিয়া উঠিল, বাহিরের আম-বাগানে দুই চারিটা কোকিল এক সঙ্গে ইহার উত্তর গাহিল; সহসা—কুহ কুহতানে আকাশ ভরিয়া গেল।—জ্যোতিষ্ময়ী মনে

মনে বলিলেন,—“বনের পাখী তোমরা খাঁচার পাখীকে ধরা দিতে চাও ত দাও, আমি কিন্তু ধরা দিব না।” তিনি প্রতিজ্ঞা করিলেন আজ সন্ধ্যাতেও শরৎকুমারকে দেখিতে যাইবেন না। ভাবিতে ভাবিতে অন্যমনস্কভাবে জ্যোতিষ্ময়ী ফুলদানীর একটি ফুল তুলিয়া লইয়া আত্মাণ করিলেন। ঠিক দুইটার সময় কুন্দ গৃহে আসিয়া হাজির হইল। আজই সকালে সে বাড়ী হইতে ফিরিয়াছে : হাসির চিঠিখানা, রাজকুমারীর হাতে দিয়া কহিল,—

“এই লও রাজকুমারী। চিঠিখানি তোমার হাতে ধরে দিতে আমি প্রতিশ্রুত আছি। আজ দায়মুক্ত হলাম।”

জ্যোতিষ্ময়ী চিঠিখানা গ্রহণ করিলেন, কুন্দ থিয়ফিষ্টখানা কুড়াইয়া যথাস্থানে রাখিয়া, আলমারি খুলিয়া রাজকন্যার বৈকালিক সাজসজ্জার আয়োজনে রত হইল। আজ তাঁহাদের ম্যাজিক-ষ্ট্রেটের বাড়ী চা-পানের নিমন্ত্রণ।—

হাসির চিঠিখানা পড়িয়া জ্যোতিষ্ময়ী বলিলেন,—

“স্বগুণা দেবী—কে কুন্দ দিদি? আমাকে তিনি এত প্রশংসা করে লিখেছেন—লজ্জা করে যে।”

কুন্দ বলিল, “ও আমাদের হাসি। সকলে ওকে হাসি বলেই ডাকে। এমন সুন্দর মেয়েটি, কি বলব! তাকে যদি দেখ রাজকুমারী ত তুমিও ভাল বাসবে।”

শরৎকুমার প্রলাপের ঘোরে যে হাসির নাম উচ্চারণ করিতেন সেই হাসি নয় ত এ? একটা কিরূপ অসুখ চাকল্য রাজকন্যার মন দিয়া বহিয়া গেল।—ইহা কি ঈর্ষার আন্দোলন?

জ্যোতিষ্ময়ী বলিলেন, “বিয়ে হয়নি বোধ হয় তাঁর ?”

“না। কোন বরকেই যে তার বাপমার মনে ধরে না। বা হ'ক, এবার শুনেছি একটি মনের মত পেয়েছেন, সখ্য চলছে তার সঙ্গে।”

“কে সে ভাগ্যবান ?” জ্যোতিষ্ময়ীর বক্ষে শোণিতপ্রবাহ সহসা বন্ধ হইয়া গেল,—এই প্রশ্নের উত্তরে শরৎকুমারের নাম শুনিবার জন্য তিনি অপেক্ষা করিয়া রহিলেন। কুন্দ বলিল, “তিনি আপনাদেরই আত্মীয়, বিজনকুমার রায়।”

বালিকার রুদ্ধনিশ্বাস ধীরে ধীরে মুক্তি লাভ করিল,—সে হাসিয়া কহিল, “তা বেশ, হ'লে মন্দ হয় না ! আমি বরণ করে ক'নেকে ঘরে তুলে নেব। তোমাদের হাসি, ডাক্তারদা'র কে হন কুন্দদিদি ?”

“জানিনে ঠিক, একটা দূর সম্পর্ক থাকতে পারে। কই তার কথা ত হাসির কাছে কখনো শুনিনি। তবে আমার সঙ্গে হাসির দেখা শুনা খুব কমই হয়, বেশী কথা ক'বার অবসরই ঘটে না।”

“সখ্যের কথা কার কাছে শুনলে ?”

কে জানে কেন জ্যোতিষ্ময়ীর মন বলিতেছিল—খবরটা ঠিক নয়।

কুন্দ কয়েকখানা কাপড় ও জ্যাকেটের স্টুট মিলাইতে মিলাইতে বসিল—

“ওকথা অবশ্য হাসির কাছে শুনিনি। বিদায় নিতে যাবার

সময় দিদিমা বলেছিলেন। বিকালের জন্য কোন্ কাপড়খানা রাখব রাজকুমারি ?”

“দেখ কুন্দদিদি, কতবার তোমাকে বলেছি, ও কথা আমাকে জিজ্ঞাসা কোরো না, তোমার খেখানা হচ্ছে,—

“না না বলতে হবে, কোন্‌খানা রাখব।”

“আচ্ছা, শাদা রঙের যা হয় একখানা রাখ।”

“রাজাবাহাদুর কিন্তু রঙিন কাপড়ই পছন্দ করেন।”

“তবে তাই রাখ।”

“ফিকে নীল বা গোলাপী কি দেব ?”

“তোমার সঙ্গে আর পারা যায় না—আচ্ছা, নীলই রাখ। চিঠিখানা পড়েছ কুন্দদিদি ?”

“না। মতির মালা আর—”

“সে হবে এখন ; চিঠিখানা আগে পড় না ! কলকাতায় গিয়ে সন্ধ্যাে এবার তোমার হাসির সঙ্গেই দেখা করুব।”

“তখন সে তোমারও হাসি হয়ে যাবে।”

“মতির মালা ও ব্রেসলেট জোড়াই তাহ’লে বার করে রাখছি। অন্য কিছু ত তুমি পরতে ভাল বাস না।”

একথার কোন উত্তর না দিয়া জ্যোতিষ্ময়ী হাসির চিঠিখানা বাড়াইয়া ধরিয়া বলিলেন, “এই নেও।”

কুন্দ নিকটে আসিয়া পত্রখানা লইয়া তাহাতে নেত্রপাত করিল। জ্যোতিষ্ময়ী বলিলেন, “টেচিয়ে পড় না কুন্দদিদি।” কুন্দ পড়িতে লাগিল—

সম্মানীয়া রাজকুমারি—

আপনার সহিত আমার চাক্ষুষ আলোপ নাই, কিন্তু
আপনার গুণের কথা এত শুনিতে পাই যে না দেখিয়াও
আপনাকে ভাল বাসিয়াছি। আপনাকে বড় দেখিতে
ইচ্ছা করে। যখন কলিকাতায় আসিবেন, একবার
দেখা দেন ত পরমানন্দ লাভ করিব। সত্য কথা বলি-
তেছি, বিশ্বাস করিবেন।

ইচ্ছা করে, আপনার নিকট আমিও দেশব্রতমন্ত্র
গ্রহণ করি, আমার শক্তি অতি সামান্য কিন্তু আপনার
মত গুরু উপদেশে সেই ক্ষুদ্র শক্তিও সার্থক হইয়া
উঠিতে পারে।

আপনি বয়সে ছোট হইয়াও জ্ঞান বুদ্ধিতে আমার
অনেক বড়, তাই পরিপূর্ণ প্রীতিভক্তি ভরে আপনাকে
নমস্কার করিতেছি, আমাকে ছোট বোন বলিয়াই মনে
করিবেন।

আপনার গুণমুগ্ধা ভগিনী—

শ্রী হুগুণা দেবী

পুঃ—

শর-দা যদি এখনো সেখানে থাকেন ত আমার
নমস্কার দিবেন।

চিঠিখানি পড়া হইলে কুল তাহা রাজকন্যাকে ফিরাইয়া

কমলিনী-সাহিত্য-মন্দির,

দিয়া কহিল, “স্বন্দর লিখেছে ; চিঠিখানি পড়ে যেন ঠিক চোখের উপর তাকে দেখতে পাচ্ছি।”

“ভাষার ঘনঘটা নেই এইটে আমার বড় ভাল লেগেছে।”

“কেবল তাই কি ? চিঠিখানি আগাগোড়া আন্তরিক শ্রদ্ধার ভাবে পূর্ণ, সেইটেই আমার বেশী ভাল লাগছে।”

“এই শ্রদ্ধা দিয়ে—তিনিই আমার শ্রদ্ধা আকর্ষণ করেছেন।”

“যেমন গঙ্গাজলে গঙ্গাপূজা সেই রকম আর কি !”

“উপমাটা এখানে ঠিক সঙ্গত হলো না কুন্দদিদি, পণ্ডিত মহাশয় শুনে নিশ্চয়ই প্রতিবাদ করতেন।”

এই সময় একজন দাসী “পণ্ডিত মহাশয় আইছেন গো !” বলিয়া চীৎকার করিতে করিতে গৃহপ্রবেশ করিল। বান্ধালী ঘরে রাজা সম্রাটের আনয়েও দাসী চাকরের আদব কায়দার বড় একটা আড়ম্বর দেখা যায় না।

পণ্ডিত মহাশয়ের নাম শুনিয়া কুন্দ বলিয়া উঠিল, “নাম করতেই হাজির তিনি, লোকটার আয়ু দেখছি অনেক !”

জ্যোতিষ্ময়ী দাসীকে বলিল, “আচ্ছা লক্ষ্মীর মা, তোমাকে কতবার বলেছি অত চেষ্টা কথ্য কবে না, - কিছুতে কি শিক্ষা হবে না তোমার ?”

লক্ষ্মীর মা শিরে করাঘাত করিয়া কহিল, “হায়রে কপাল ! তোমারে ঘরে আইনা শিখাইলাম আমি, আর আমারে শিখাইতে চাও এখন তুমি—সেদিনকার খুঁকী, পলতে দিয়ে যারে কত দুখ খাওয়াইয়াছি ! ঘোর কলিকালই হইছে বটে।”

“বেশ বেশ আর বকতে হবে না, তোমার ও ত্রাকি গান আমার ভাল লাগে না। যাও, পণ্ডিতমহাশয়কে বঙ্গ গিয়ে, আমরা আসছি এখনি।”

লক্ষ্মীর মা তবুও বিড় বিড় করিয়া বকিতে বকিতে সোণার তাগা পরা হাত দুলাইয়া চলিয়া গেল। সঙ্গে সঙ্গে সোণার কণ্ঠ-মালা ও কোমরের রূপার চাবি-শিকলিও হুলিয়া উঠিল।

জ্যোতির্ষদ্বী পণ্ডিত মহাশয়ের নিকটে যাইবার অভিপ্রায়ে কুন্দর সহিত বারান্দায় আসিয়া দাঁড়াইয়াছেন, এই সময় অনাদির আবির্ভাব হইল। তাহাকে দেখিয়া রাজকন্যার বুকটা কাঁপিয়া উঠিল, প্রথমেই মনে হইল,—ভাল আছেন ত তিনি? কিন্তু কোন প্রশ্ন জিজ্ঞাসা করিবার পূর্বেই অনাদি কহিল, “একটা কথা আছে দিদিমণি।”

রাজকন্যা কুন্দকে বলিলেন, “যাও কুন্দদিদি, তুমি পণ্ডিত মহাশয়ের কাছে বসে একটু গল্প কর গে, আমি এখনি আসছি।”

কুন্দ চলিয়া গেলে জ্যোতির্ষদ্বী কণ্ঠাগত ভাষা রসনামুক্ত করিয়া দিয়া কহিলেন, “ডাক্তারদা ভাল আছেন ত অনাদি-দা?”

“হ্যাঁ ভাল আছেন,—কিন্তু তুমি আজ সকালে তাঁকে দেখতে যাওনি—তাই তিনি বড় ব্যাকুল হয়ে পড়েছেন। তিনি ভাবছেন—তোমার বুঝি কোন অস্থখ করেছে—তিনি তোমাকে দেখতে আসতে চান।” জ্যোতির্ষদ্বীর পণ্ডিত হইল—বলিলেন, “না না তাঁর আসতে হবেনা—চল আমিই গিয়ে এখনি তাঁকে একবার দেখে আসি।”

পণ্ডিত-মহাশয় যে তাহার অপেক্ষায় আছেন সেকথা জ্যোতিষ্মতী একেবারেই ভুলিয়া গিয়া অনাদির অগ্রবর্তী হইয়া চলিলেন।

রাজকুমারী গৃহে প্রবেশ করিবারাত্র—তাঁহাকে সম্মান প্রদর্শনার্থে শরৎকুমার শয্যা-তাগ করিয়া উঠিয়া দাঁড়াইলেন। অস্থিতার পর এই প্রথম তাঁহার স্থির হইয়া দাঁড়াইবার প্রয়াস, পা কাঁপিয়া উঠিল; দেহ ঈষৎ টলমল করিতে লাগিল। কিন্তু এই কম্পন কি কেবলই দুর্বলতা-জনিত, কিবা আনন্দের অধীরতাও ইহার মধ্যে অনেকখানি লুক্কায়িত ছিল? রাজকুমারী উদ্বিগ্নভাবে অস্থনের স্বরে বলিলেন, “কি করেন ডাক্তারদা,—বহ্ন বহ্ন—দাঁড়াবেন না?”

“আমি ভাল হয়ে উঠেছি রাজকুমারী।”

“তবুও বহ্ন; এখনো বিছানা থেকে ওঠবার অবস্থা আপনার ঠিক হয়নি,—পা কাঁপছে আপনার।”

“আপনি বহ্ন আগে।” প্রত্যুত্তরে এইরূপ অস্বস্তিক হইয়া রাজকুমারী আর কথা বাড়াইলেন না; শরৎকুমারের শয্যা নিকটেই তাঁহার জন্য অনাদি একখানি চৌকি আগে হইতেই রাখিয়া দিয়াছিল, সেই খানিতে বসিয়া পড়িলেন। শরৎকুমার তখন শয্যা “উপবিষ্ট হইয়া বলিলেন, “আপনি সকালে আসেননি—তাই মনে হচ্ছিল—”

শরৎ হঠাৎ খামিয়া গেলেন, রাজকুমারী বলিলেন, “না, আমার কোন অস্বস্তি করেনি,—ভালই আছি।—আপনিও ভাল হয়ে উঠেছেন—তাই আর—”

অমলবাণী

রাজকুমারীরও কথাটা এইখানে বাধিয়া গেল—কেননা—
যাহা বলিতে যাইতেছিলেন, তাহা সত্য নহে। শরৎকুমার
তাঁহার পালায় রাজকুমারীকে অসম্পূর্ণ কথা সম্পূর্ণ করিয়া দিয়া
কহিলেন,—

“তাই আর আসার দরকার মনে করেন নি?” বলিতে
বলিতে তাঁহার কণ্ঠ মুখ—একটা ব্যথার ভাবে আচ্ছন্ন হইয়া
পড়িল। জ্যোতিষ্ময়ীর হৃদয়-তন্ত্রীতেও সে বেদনার সুর ধ্বনিত
হইল। তিনি কথাটা চাপা দিবার অভিপ্রায়ে হাসির চিঠিখানা
শরৎকুমারের হাতে দিয়া বলিলেন, “দেখুন দেখি চিঠিখানা পড়ে
ডাক্তারদা; আপনার ভাল লাগবে মনে করে এনেছি।”

শরৎকুমার চিঠিখানি গ্রহণ পূর্বক পড়িয়া রাজকুমারী হাতে
প্রত্যর্পণ করিয়া কহিলেন, “বিনি লিখছেন—তিনি দেখছি
গুণগ্রাহী।”

“তিনি আপনাকে নমস্কার জানিয়েছেন—দেখেছেন ত? কি
উত্তর দেব?”

“ফিরিয়ে দেবেন নমস্কারটা।” এমন শুদাসীন্তের সহিত
কথাটা শরৎকুমার বলিলেন যে, জ্যোতিষ্ময়ীর পূর্বগঠিত বিশ্বাস
বেশ একটু টলমল করিয়া উঠিল। বলিলেন, “চিঠি পড়ে ত মনে
হয়—আপনার সঙ্গে তাঁর বিশেষ আত্মীয়তা আছে।”

“ভুল আপনার।—মোটাই না।” বিদায়-দিনে হাসির
প্রত্যাখ্যানের কথা মনে জাগিয়া উঠিল,—কিন্তু আজ আর সে
স্বতিতে তাঁহার দীর্ঘ নিবাস পড়িল না। শরৎকুমার নিজেই

যেন তাহাতে একটু বিস্মিত হইলেন। জ্যোতিষ্ময়ী বলিলেন,
“আপনার আত্মা কিন্তু চূপি চূপি অগ্নি কথাই প্রকাশ করেছে।”

“কি রকম?”

“অশ্রুধের সময় অনেকবারই হাসির নাম আপনার মুখে
গুনেছি।”

শরৎকুমারের রক্তহীন পাংশু মুখে সহসা লজ্জার আভা চমকিয়া
গেল! “সত্যি না কি? প্রলাপের ঘোরে কি কথা না জানি
শরৎকুমার বলিয়াছেন—আর রাজকুমারী তাহা শুনিয়া কি না
জানি মনে করিয়াছেন, ছি—ছিঃ!” সব কথা রাজকন্যাকে খুলিয়া
বলিতে তাঁহার ইচ্ছা হইল। কিন্তু চন্দ্রালোকে বা ম্লান দীপশিখার
নিকট বসিয়া যে সব কাহিনী বলা যায়,—দিনের ফ্যাক্-ফ্যাকে
উজ্জল আলোক তাহার পক্ষে প্রতিকূল।—তাহা ছাড়া অনাদি
ছোকরা ঘরের কোণে বসিয়া আছে, যদিও সে নভেল পাঠে মগ্ন—
তবুও ত একজন তৃতীয় ব্যক্তি ঘরে উপস্থিত।

শরৎকুমার মোন হইয়া রহিলেন—তাঁহার ভাষা এই সঙ্কটের
সময় তাঁহাকে পরিত্যাগ করিল,—ঘড়িটাও কি ছাই এই মুহূর্ত্তে
তাঁহার শত্রুতা করিবে—সশব্দে এই সময় ৪টা বাজিয়া উঠিল।
জ্যোতিষ্ময়ী উঠিয়া দাঁড়াইয়া কহিলেন, “উঠি তবে আজ, ৪টে
বেজে গেল, আমাদের আবার আজ চায়ে যেতে হবে। একটু
সাবধানে থাকবেন, এখনো দুর্বল আছেন।”

উত্তরের অপেক্ষা না করিয়াই বালিকা চলিয়া গেল। শরৎ
চৌধু বুজিয়া শয্যা শুইয়া পড়িলেন। একটা কষ্টের অবসাদে

অপ্সবানী

তাঁহার দুর্বল শরীর একান্ত ক্লান্তিপূর্ণ হইয়া উঠিল। যে সত্য
এতদিন তাঁহার নিকট লুকাইয়া ছিল—আজ তাহাতে তিনি
সচেতন হইয়া উঠিলেন; বুঝিলেন, অস্থখের পূর্বে যে-তিনি
ছিলেন—আজ সে-তিনি নাই। হাসির যে হাসিটুকু তিনি এত-
দিন হৃদয়নিভূতে লুকাইয়া রাখিয়াছিলেন আজ ত আর তাহার
সন্ধান পাইতেছেন না! জ্যোতিষ্ময়ী জ্যোতিঃসাগরে তাহার
শেষ রশ্মিটুকুও যে সহসা মিলাইয়া পড়িয়াছে! কেমন করিয়া
কোন মুহূর্ত্তে এ ঘটনা ঘটিল তাহা তিনি বুঝিলেন না,—
এইটুকু শুধু বুঝিলেন যে, জ্যোতিষ্ময়ী এখন তাঁহার মনে একমাত্র
জাগ্রত দেবতা!

অদৃষ্টের এ কি নিষ্ঠুর উপহাস! তিনি হাসিকে ভুলিতে
চাহিতেছিলেন সত্য, কিন্তু এমন করিয়া তপ্ত হইতে তপ্ততর
অনলদাহের মধ্যে ডুবিয়া কি? হাসিকে যখন তিনি ভাল
বাসিয়াছিলেন, তখন তাহাকে দুঃখাপা মনে করেন নাই, সেইজন্য
তাহাকে অস্বসমর্পণ করিতে কখনও তাঁহার কুণ্ডা বোধ হয় নাই,
কিন্তু জ্যোতিষ্ময়ী যে তাঁহার পক্ষে একান্তই দুঃখভ বস্তু; তাঁহার
কাছে আত্মবেদনা জানাইতেও যে সাহস নাই, জ্যোতিষ্ময়ী
স্বর্গের তারকা—আর শরৎকুমার মর্ত্যের মানব! চিরদিন
এই অনলদাহ নীরবে তাঁহাকে হৃদয় মধ্যে বহন করিতে
হইবে যে!

“ভগবান, এমন নিষ্ঠুর তুমি! অথবা ইহাই তোমার করুণা?
গৃহী হইবার জন্য আমাকে তুমি সৃষ্টি কর নাই। এজীবন

পরার্থে দান করিতেই তুমি ইচ্ছিত করিতেছ। তাহাই হউক, তোমার ইচ্ছাই পূর্ণ হউক, বল দাও প্রভু—বল দাও।”

জ্যোতির্ময়ীও বেশ সচ্ছন্দমনে গৃহে ফিরিলেন না। অন্য-দিন শরৎকুমারের অজ্ঞাতে তাঁহার উচ্ছৃঙ্খলিত আনন্দ-বিকিরণ হইতে তিনি যে কণিকারাশি কুড়াইয়া আনেন সেই আলোকে অনেকক্ষণ ধরিয়া তাহার হৃদয় আলোকিত করিয়া রাখে, কিন্তু আজ তাহার পরিবর্তে একটা অন্ধকার বেদনা ভার লইয়া সেখান হইতে তিনি বিদায় গ্রহণ করিয়াছেন। তাঁহাদের দুজনের মধ্যে এ কি ক্র্যাসার ব্যবধান আজ! তাহার অন্তপ্রাণ “হায় হায়” করিয়া উঠিল, কিন্তু তিনি তাহাকে সবলে কশাঘাত করিয়া—শাসন বাক্যে বারবার করিয়া কহিতে লাগিলেন, “ভালই ত সে ভালই! রে অবোধ মন,—তুমি এতদিন যাহা চাহিয়াছিলে, ভগবান আজ তাহা গ্রাহ্য করিলেন,—এখন দুঃখ করিলে চলিবে কেন? তাঁহার মঙ্গলদান কৃতজ্ঞ হৃদয়ে গ্রহণ করিয়া সুখ অহুভব কর। ব্যক্তি বিশেষের জন্য হা হতাশ করা তোমার জীবনের উদ্দেশ্য নহে। তুমি দেশের কাজে জীবনদান করিয়াছ ইহা ভুলিও না গো—ভুলিও না।”

জ্যোতির্ময়ী গৃহে ফিরিয়া দেখিলেন, কুন্দ উপস্থিত নাই,—যে দাসী তাহার অপেক্ষায় ছিল—সে বলিল, “কুন্দ-দিদি এসে চলে গেলেন,—আপুনি এলে ডাকতে বলেছেন।” জ্যোতির্ময়ী বলিলেন, “না ডাকতে হবে না—” দাসী কাঁকুইখানা লইয়া তাহার চুল আঁচড়াইতে গেল। জ্যোতির্ময়ী তাহাকে নিরস্ত করিয়া

নিজেই তাড়াতাড়ি কোনরূপে দীর্ঘ কেশদাম সংবৃত্ত করিয়া বাধিয়া লইলেন। তাহার পর যথাসাধ্য বিনাক্ষরে—এবং অল্প সময়ের মধ্যে সাজপর্ক সমাধা করিয়া লইয়া পিতার নিকট ছুটি-লেন। যাইবার সময় দাসীকে বলিয়া গেলেন, “পণ্ডিত-মহাশয়কে গিয়ে বল, আজ আর পড়ব না,—তিনি ঘরে যেতে পারেন।”

পিতৃকক্ষে আসিয়া জ্যোতির্ময়ী দেখিলেন, রাজা তখনো প্রস্তুত নহেন, তিনি বেশ মগ্নভাবেই খাতার উপর কলম চালাইতেছেন। তাঁহার জন্য পিতা অপেক্ষা করিয়া নাই দেখিয়া তিনি সন্তুষ্ট হইলেন,—কোন কথা না কহিয়া ধীরপদে আসিয়া তাঁহার স্বকের উপর হাত রাখিয়া দাঁড়াইলেন। রাজা তখন মুখ তুলিয়া ঘড়ির দিকে চকিত দৃষ্টি নিক্ষেপ করিয়া কহিলেন, “তাই ত—৪টে বেজে গেছে যে ! আচ্ছা তুই একটুখানি অপেক্ষা কর রাণী, আমি এখন আসছি।” জ্যোতির্ময়ী দেখিলেন,—টেবিলের উপর খুব দামী ফ্রেমে আঁটা কালীঘাটের দুই পয়সা মূল্যের একখানি কালীর পট। সেই ছবিখানি হাতে লইয়া তিনি মনোনিবেশ পূর্বক দেখিতে লাগিলেন।—

এ কি ভীষণ মূর্তি জগদম্বা প্রকৃতির ! শিবকে পদদলিত করিয়া তিনি এখন ভয়ঙ্করা,—নিষ্ঠুর ! কিন্তু প্রকৃতির “পক্ষে এই নিষ্ঠুর ভাবেরও যে প্রয়োজন। প্রয়োজন সিদ্ধ করিবার জন্যই অন্যান্য দমনকারিণী প্রকৃতি এখন মুণ্ডমালিনী, ভীমা !

দেয়ালে আধুনিক কোন চিত্রকর-অঙ্কিত মাতৃমূর্তির একখানি পট টাঙ্গান ছিল। নয়ন তুলিয়া একবার মুগ্ধ দৃষ্টিতে তিনি তাহার

দিকে নিরীক্ষণ করিলেন। বিশ্বমাতার এই স্নেহ করুণাকপিলী ভাব কি স্মরণ! — তাঁহার এই ভুবনমোহিনী মাধুরীই ত প্রয়োজনে করালী কালীরূপে রূপান্তরিতা হইয়াছে! বালিকার জীবনের মধুর ভাবও প্রয়োজনের পদতলে সম্ভবতঃ এইরূপ বিসর্জন দিতে হইবে,—মাতৃরূপা হইবার সৌভাগ্য লইয়া ত সকলে জন্ম গ্রহণ করে না।”

জ্যোতির্ষ্ময়ীর কোমল মধুর স্বভাবের অংশে একটা দারুণ শিহরণ উঠিল,—তিনি চক্ষু মুদ্রিত করিলেন। রাজা সেই সময় প্রস্তুত হইয়া দ্বারদেশে পদার্পণ করিয়া বলিয়া উঠিলেন, “ঐ পটখানি মা আমাকে বাঁধাবার জন্যে দিয়েছিলেন, বেঁধে এসেছে, তাঁকে পাঠাতে ভুলে গেছি।” জ্যোতির্ষ্ময়ী ছবিখানি টেবিলে রাখিয়া কহিলেন, “এখন এইখানেই থাক। ফিরে এসে আমি ঠাকুরমার কাছে নিজেই এখানি নিয়ে যাব।”

ষোড়শ পরিচ্ছেদ।

পণ্ডিত মহাশয় ও কুন্দবালার গল্পও বেশ জমিয়া উঠিয়াছিল। রাজকুমারী পড়িতে না আসায় দুজনের কেহই ক্ষতি বিবেচনা করেন নাই! ব্যায়াম-উৎসবে কুন্দ উপস্থিত না থাকায় বোল আনা উৎসবই যে শাস্ত্রীমহাশয়ের পক্ষে বৃথা গিয়াছে এই কথাই তিনি পুনঃ পুনঃ বলিতেছিলেন। এই পৌনরুক্তিতে অসহিষ্ণু

স্বভাব কুম্ভবালার যে ধৈর্য্যচ্যুতি হইতেছিল না—ইহাই আশ্চর্য্য !

পণ্ডিত-মহাশয় তুঁতাহার বিলম্বিত দাড়িতে হাত বুলাইতে বুলাইতে শতবারের পর আর একবার বলিলেন, “সত্যি বলছি কুম্ভ, তুমি ছিলে না—আমি দুই চক্ষে অন্ধকার দেখেছি।

কুম্ভ বলিল, “কিন্তু এতে আপনি দুঃখ করছেন কেন ? দুঃখ করবার কথা ত আনারি। এমন মহাসমারোহ আমি চক্ষুচক্ষে দেখতে পেলাম না ! আপনি বরঞ্চ সেদিনের বিবরণ খুঁটিনাটি ক’রে বর্ণনা করুন—আমি কাণে শুনেও তৃপ্তিলাভ করি।”

“তা যদি বল,—এমন নূতন কিছু বলার কথা নেই,—সবই গতানুগতিক অলুপ্তি ; অভিনন্দন,—অভিভাষণ,—ব্যায়াম আর বাহবা প্রদান,—এই চতুর্বিধ বিধানেরই আবর্তন বিবর্তন ;—তবে—”

“থামলেন যে—? বলুন না !”

“একটি মাত্র আকস্মিক অপ্রত্যাশিত ঘটনা ঘটেছিল।”

“বলুন না ! আগ্রহে যে দম ফেটে উঠলো ! দেখবেন শেষে নারীবধের পাতক লাগবে আপনাকে।”

“আহা ! ও কি কথা কুম্ভ ! শোন, আগেই বোধহয় শুনেছ,—রাজকুমারী শরৎ জ্যোত্স্নকে মাল্যদান করেছিলেন—”

“এই কথা ! কিছু ত আশ্চর্য্য হলুম না। যে ক্ষেত্রে, তাকে মাল্যদান করাই ত আমাদের দেশের সনাতন পদ্ধতি।”

“হ্যাঁ, স্বয়ংস্বরা হওয়াও আমাদের দেশের সনাতন পদ্ধতি,—
এস্থলে ফাঁকা মাল্যদানটাই কেমন ফাঁকা ফাঁকা ঠেকছে।”

“সোজা লাঠি গাছটাকেও এমন সহজে আপনারা ঝাঁকিয়ে—
ধম্বক করে তোলেন,— আশ্চর্য্য !

“আরে সংসারটাই এই রকম—লোকের মুখ ভূমি ত চেপে
রাখতে পার না !”

“বেশ,—লোকে যা বলে বলুক,—আপনি আর এ.নিরে নাথা
ব্যথা করেন কেন ?”

“রামঃ ? মোটেই না। আমি কেবল তোমাকে বলছি।—
দেখ কুন্দ, তোমাকে কোন কথা না বলে আমি থাকতে পারিনে,
—তুমি ত কই আমাকে কিছু বল না ?”

“কিছু ত বলার নেই আমার।”

“তা ত সত্যি ! বিশেষ এবার যে রকম গম্ভীর দেখছি তাতে
মনে হয়—যেন মৌনব্রত গ্রহণ করেছ।”

কুন্দ হাসিয়া বলিল, “জীবনটা কি হেসে খেলে কাটাবার
জিনিষ পণ্ডিত-মশায় ?”

“জীবনটা” কাজ করবারই জিনিস,—কিন্তু হেসেখেলেই কাজ
ভাল হয়।”

“ভিন্ন মতও ত থাকতে পারে ?”

“অবজ্ঞাই। পৃথিবী যে বিপুল,—তাতে সন্দেহ নেই।”

পণ্ডিত-মহাশয়ের হস্তে তাঁহার বিপুলশক্তি প্রবল ভাবে
আন্বোলিত হইতে লাগিল।

কুন্দ তাহা দেখিতে দেখিতে হাসিমুখে বসিল, “রাজকুমারী ত এখনো এলেন না,—একবার খোঁজ নিয়ে আসি।”

“দরকার কি কুন্দ ! ‘তাতে তুমি শুদ্ধ অন্তর্ধান হয়ে পড়বার আশঙ্কা আছে—”

কুন্দ সে অতুরোধ অগ্রাহ্য করিয়া চলিয়া গেল,—কিন্তু অল্প-ক্ষণের মধ্যেই ফিরিয়া আসিয়া পণ্ডিত-মহাশয়ের অঙ্ককার মুখ হাশ্বেজ্জ্বল করিয়া কহিল, “রাজকুমারী ঘরে নেই ! বোধ হয় রাজ্যবাহাদুরের কাছে গেছেন।”

“পাশের ঘরও বেশী দূরে নহে কুন্দ।”

“দেখুন পণ্ডিত-মশায়, এ রকম ঠাট্টাঠুটি করলে আমি কিছু চলে যাব।”

“আরে ঠাট্টা কে করছে ? আমি জন্মে কখনও কোন বিদুষকের পাঠ অভিনয় করিনি। কখনো তা পারব বলে কল্পনাও ছিল না। তবে আজ তোমার প্রশংসাবাদে প্রাণের মধ্যে হঠাৎ একটা আশাতীত আশার উদ্বেক হয়ে উঠছে বটে ! কে জানে হয় ত কোন দিন গোপাল ভাঁড়ের আসনও অধিকার করে বসতে পারি।” কিন্তু আপাততঃ যা বলছি, এটা পরিহাস নয়। রাজকুমারীর মনের গতিক বড় ভাল মনে হচ্ছে না—। পড়া-শুনা ত বন্ধ হয়েইছে, সমিতিটা কবে বন্ধ হয় এখন এই ভয় ! ছেলেদের উপর হুকুম জারি হয়েছে যে, তারা যেন বিলিতি জিনিষ ধ্বংস না করে—কেমনা ডাক্তার এটা ভাল বলেন না।”

“রাজকুমারীকে আমি এই কথা বলব।”

“রক্ষা কর—কেপলে কুম্ভ ?”

“না কেপিনি,—আমি তাঁকে বলব—তিনি যে পথে চলেছেন—সেটা প্রকৃত দেশোন্নতির পথ নয়। এ কাজে গুরুর উপদেশ চাই।”

“আঃ তাই বল। তা কুটুমির মত গুরু গেলে মন্দ হয় না বটে। পেয়েছ নাকি ?”

“মনে ত হচ্ছে।”

“সর্বনাশ ! গুরুদেব তেয়ার স্বন্ধে ভর করলে আমরা পাঁড়াই কোথায় ? কিন্তু ব্রাহ্মেরা ত আমি জানি গুরু মানেন না ?”

“কেন মানবেন না ? এতদিন ত আপনাকেই গুরু বলে মেনেছি !”

“তবু ভাল, কিন্তু গুরু ত জীবনে একজনই হয়। তবে তোমাদের রীতি স্বতন্ত্র হতে পারে,—তোমরা একাধিক স্বামীও গ্রহণ করে থাক।”

“দেখুন পণ্ডিত-মশায়, ও-রকম রসিকতা করবেন না—আমার ভাল লাগে না।”

কুম্ভের নয়ন ক্রোধদীপ্ত হইয়া উঠিল—সে চলিয়া যাইতে উদ্ভত হইল। পণ্ডিত মহাশয় কাতর অনুনয় করিয়া কহিলেন, “কমা কর কুম্ভ, এটা যে দোষের কথা তা আমি বুঝতে পারিনি ; স্বামী-গ্রহণে দোষ হয় না, আর বল্লই দোষ হয় ? ব’স, ব’স, কুম্ভ, রাগ কোরো না,—”

কুম্ভ বসিয়া কহিল, “আপনার যে আজ কি হয়েছে—সব কথাই বিকৃত ক’রে বলছেন ;—সত্যি কিন্তু আমার বড় রাগ ধরছে।”

১১৪নং আহিরীটোলা স্ট্রীট, কলিকাতা।

“রাগ কোর’ না কুন্দ—তা হলে মরে যাব।—তোমাদের অভিধানে কোন্ কথা যে স্মীল এবং কোন্ কথাই বা অস্মীল, সমস্ত পাণিনী শাস্ত্র উণ্টে তা আমার কাছে দৃষ্টিয় র’য়ে গেছে। এ সম্বন্ধে আমি একেবারেই গণ্ডমুখ’,—একটা গল্প করব কুন্দ?”

কুন্দ চুপ করিয়া রহিল,—তাহার আজ্ঞার অপেক্ষা না করিয়াই পণ্ডিত মহাশয় বলিলেন, “দেখ, একবার আমি একটি ব্রাহ্ম-বাড়ীতে পুরাণ-ব্যাখ্যা করতে যাই।”

“ঐটেই যা আপনার আসে,—কিন্তু সমিতি হওয়া পর্যন্ত পুরাণ-পাঠও ত আপনি ছেড়ে দিয়েছেন।”

“তবু ভাল,—আমারও একজন মল্লিনাথ আছে; কিন্তু তুমি যাই বল, মেমসাহেব সেদিন আমাকে বড়ই অপদস্থ করেছিলেন।”

কুন্দ তাহার কথার ভঙ্গীতে না হাসিয়া থাকিতে পারিল না, হাসিয়া কহিল, “তঁার কি আর কোন নাম নেই?”

পণ্ডিত-মহাশয় উৎসাহিত হইয়া কহিলেন, “সত্যি কথা যদি বলতে হয়, তাঁর বা তাঁর স্বামীর আসল নাম যে কি তা আমি ঠিক বলতে পারব না। যে বস্তুটি আমাকে তাঁদের কাছে নিয়ে গিয়েছিল, তিনি পরিচয় করিয়ে দেবার সময় মিসেস্ বটবাল বা ঘটকাল এই রকম কি একটা নাম যেন গিন্নিঠাকরুণের বলেছিলেন; কিন্তু সে নামটা আমার মাথা থেকে কর্পূরবৎ একেবারেই উড়ে গেছে। মনে আছে কেবল একটুকু যে, তাঁর বাড়ীর চাকর-বাকররা মেমসাহেব বলে তাঁকে সম্বোধন করছিল।”

“আজ্ঞা বেশ! এখন আসল গল্পে নামুন।”

“সে লজ্জার কথা আর কোন্ মুখে বলি ! অভিমত্যা বধ ব্যাখ্যার ভূমিকায় যেমন বলেছি যে, অভিমত্যা যখন গর্ভে ছিলেন তখন পিতা মাতার আলাপ প্রসঙ্গে তিনি বাহ্যপ্রবেশ নিয়ম শিক্ষা করেছিলেন,—অম্নি মেমসাহেব ত্রস্তভাবে ছোট ছেলেমেয়েদের সেখান থেকে উঠিয়ে দিলেন,—আমার সহসা বাকরোধ হয়ে গেল, কি না জানি অজ্ঞানকৃত মহাপাপে একপটা ঘ’টলো বুঝে উঠতে পারলাম না ! ছেলেরা চলে যেতে মেমসাহেব বলেন, ‘ওরূপ খারাপ কথা ছেলেদের কাছে বলা ঠিক নয় ।’ আমার কণ্ঠতালুকা শুক হয়ে উঠলো,—মনে করতে চেষ্টা করলুম খারাপ কথাটা কি বলেছি । কিন্তু মস্তিষ্ক তখন শূন্য, কিছুতেই তা বোধগম্য হোলনা । পুরাণ পাঠ ঐ-খানেই শেষ ক’রে আমার সেদিন চলে আসতে হোল । তাই তোমাকে বলছি—তোমাদের স্নান ভাবার অভিধানখানা আমাকে তুমি পড়াবে কুন্দ ?”

‘কি যে বলেন পণ্ডিত মশায় ?’

“না, আমি ঠিকই বলছি । আমি তোমার শুক হতে চাইনে ; তুমিই আমার শুক হও ।”

পণ্ডিত-মহাশয়ের অহুয়াগরজিত স্বর কুন্দের খারাপ লাগিলনা ; এই স্বশ্রবহল বিজ্ঞ ব্যক্তিরও যে তাহা হইতে গাভীৰ্য্য নষ্ট হইয়াছে ইহাতে সে বেশ একটু গৰ্ব্ব বোধ করিল । পণ্ডিত মহাশয় তাহার যৌনতায় সাহস পাইয়া আবার বলিলেন, “আমি প্রাণের কথা বলছি কুন্দ, তুমি আমার মনো-আগনে দেবীৰূপে অধিষ্ঠিত হও, নইলে আমার জীবন ব্যর্থ হবে ।”

নিজের এই উচ্ছ্বসিত বাগ্মিতায় পণ্ডিত মহাশয় নিজেই অবাক হইয়া গেলেন, কুম্ভও অসম্বত হইলনা, কিন্তু তুষ্টির ভাব গোপন করিয়া তুষ্টীস্বাব ধারণ করিয়া কহিল, “কি যে বলেন আপনি ?”

“বুঝতে পারছ না কুম্ভ! তুমি বিনা আমার জীবন বৃথা।”

কুম্ভ হাসিয়া ফেলিল, বলিল, “আমি যে ব্রাহ্ম পণ্ডিত-মহাশয়,—আপনার জ্ঞাত যাবে যে ?”

“তোমারি পাদপদ্মে জ্ঞাত ধর্ম অনেকদিন মনে মনে অঙ্গলি দান করেছি কুম্ভ।”

“কিন্তু আমি ত তা করিনি। আমি যে জ্ঞাতে থাকতে চাই।”

হরি হরি! পণ্ডিত-মহাশয় এতক্ষণ নিজের দিকটাই দেখিতে ছিলেন, কুম্ভের তরফ হইতে এ-রকম আপত্তি উঠিতে পারে তাহা মনেও করেন নাই।

ঊঁহার বিস্মিত মনের আবেগ হস্তের সাহায্যে অশ্রুশাশিকৈ ঘন ঘন দোল দিতে লাগিল। কিছু পরে বলিলেন, “ঠাট্টা করছ কুম্ভ ?”

“না ঠাট্টা নয়। দেখুন পণ্ডিতমহাশয়, একরূপ কথা শোনা আমাদের অভ্যাস নাই, লজ্জা করে, অস্ত্র কথা বলুন।”

পণ্ডিতমহাশয় হাঁপ ছাড়িয়া বাঁচিলেন, আপাততঃ দাড়ী-বেচারীও নিষ্কৃতি পাইল। ঊঁহার পুরাতন কথা স্মরণ হইল।

লক্ষ্মী ভাবাইতে অনেকটা সময় লাগিয়াছিল বটে, তার চেয়ে তবু এটা সহজ মনে হইতেছে। তিনি প্রকাশে বলিলেন, “কিন্তু অনভ্যাসকেও অভ্যাসে আনা চাই ত !”

“দরকার দেখি না।”

কিন্তু পণ্ডিত-মহাশয় নাছোড়বান্দা,—বলিলেন, “কিসের দরকার নাই ? প্রেমাত্মরাগের ?”

কুন্দ হাসি চাপিয়া কহিল, “ধরুন তাই ?”

“আরে—বিশ্বসংসার যে প্রেমে চলছে, তোমার আদেশ ত সে মানবে না কুন্দ !”

“কিন্তু নীরব ভালবাসাই শ্রেষ্ঠ ভালবাসা, ‘প্লেটনিক’ প্রেমই পবিত্র প্রেম। প্রকাশে তার মাহাত্ম্য চলে যায়।”

“তুমি কি সৃষ্টিলোপ ক’রতে চাও কুন্দ ? এই বিশ্বসংসারই ত প্রেমের প্রকাশ।”

“কিন্তু, নীরবতায় কি প্রকাশ নেই ?”

“ধাকতে পারে—কিন্তু—কিন্তু স্বল্পবুদ্ধি মানব এখনো সে পাঠ শেখেনি। সেই জগুই ভাব ভাষা চায়,—অহুরাগ মিলন চায়, আর জীবজগতে এই মিলনের পরিণতিই বিবাহ।”

এমন মুক্তকণ্ঠ কোর্টসিপ কুন্দের ভাল লাগিল না। যে সময় বিবাহের নামে বেথুন জ্বলের মেয়েরা খড়াহস্ত হইয়া উঠিত—সেই সময়ে কুন্দ সে দলের মধ্যে একজন প্রধান ছিল। অবস্থাচক্রে, বয়সে, জ্ঞানে, তাহার এই মতের হাস্তকারিতা সে বুঝিতে আরম্ভ করিয়াছে—তবুও সে ভাব তাহার মন হইতে একেবারে মুছিয়া

যায় নাই। পণ্ডিত-মহাশয়ের অহুরাগ প্রকাশে তাহার মন
আপত্তি বোধ করিতেছিল না, কিন্তু প্রকাশের পথটা একটু বাঁকা
হইলেই তাহার মনঃপূত হইত। সে বিরক্তির স্বরে কহিল,
“পণ্ডিত মহাশয়, ও সব কথা বলবেন না, আমি মিনতি করছি।”

“কেন? এতেও কি দোষ আছে?”

“আছে।”

“কিন্তু তোমার বাপ-মাও ত বিবাহ করেছেন; তাঁরা ত দোষ
বিবেচনা করেন নি।”

কুন্দ এ কথায় সত্যসত্য রাগিয়া গেল,—বলিল, “যাঁরা দোষ
মনে করেন না তাঁরা ত বিবাহ করছেনই এবং করবেনই। আমি
দোষ মনে করি,—আমি করব না।”

পণ্ডিত মহাশয় হতাশ ভাবে দীর্ঘনিশ্বাস ফেলিয়া বলিলেন,
“কি ক’রবে তুমি?”

“দেশের কাজ করব।”

“আমিও ত সেই পথের পথিক।”

“কিন্তু আপনারা ভুল পথে চলেছেন,—আমাকে গুরুদেবের
আজ্ঞা মেনে চলতে হবে।”

পণ্ডিত-মহাশয় প্রমাদ গণিলেন। কুন্দের স্বরে—তাহার
ভাবে-ভঙ্গীতে তিনি একটা দৃঢ়তা দেখিলেন। তাঁহার মন
বলিতে লাগিল—কুন্দ কি একটা বিপদচক্রে মধ্য পাদিতে
বসিয়াছে—তিনি কোর্টসিপ ভুলিয়া গিয়া বলিলেন, “তুমি
কি করে জানলে যে তাঁদের পথ ঠিক?”

“ঠিক জানি আমি। সন্তোষ-না বলেছে।”

তিনি বুঝিলেন, কুন্দকে এ পথ হইতে দূরে রাখা এখন তাঁহার সাধ্যাতীত, তাহাদের দলে প্রবেশ করিয়াই তাহাকে রক্ষা করা ছাড়া অন্য উপায় নাই। বলিলেন, “বেশ, আমিও তোমার গুরুর শিষ্য হব। গুরুর দেখা পাব কোথায়? কি করতে হবে?”

কুন্দ আহ্লাদের সহিত বলিল, “গুরু এই স্থানে শীঘ্র আসবেন বলেছেন। তখনই বুঝবেন কি করতে হবে, না হইবে—আমি আর কিছু বেশী বলতে পারব না।”

এই সময় দাসী আসিয়া বলিল, “রাজকুমারী আজ পড়বেন নাই। আপুনি বাড়ী যাও গো।”

পণ্ডিত-মহাশয় উঠিয়া দাঁড়াইয়া দীর্ঘ নিশ্বাস সহকারে কুন্দকে বলিলেন, “চল্লম তবে, গুরুদেব এলে যেন খবর পাই।”

সপ্তদশ পরিচ্ছেদ।

ম্যাজিষ্ট্রেট ভবনে গিয়া আজ প্রথম জ্যোতির্ষয়ী জানিলেন—যে তাঁহার বদলি হইয়া প্রসাদপুর হইতে চলিয়া যাইতেছেন।

রাজকুমারী মর্দাহত হইয়া পড়িলেন। গৃহে ফিরিয়া খানিকক্ষণ ধরিয়া কাঁদিলেন, তাহার পর বৈকালিক বেশভূষা

খুলিয়া ফেলিয়া মন্দিরে যাইবার সাজ পরিয়া লইয়া কালীর পটখানি আনিবার জন্ত রাজার ঘরে গেলেন। তিনি তখন সে ঘরে ছিলেন না, পাশেই শরৎকুমারের ঘর, হয় ত বা এখন তিনি বারান্দাতেই আসিয়া বসিয়াছেন,—একবার বারান্দায় আসিয়া দাঁড়াইবার জন্ত মন চঞ্চল হইয়া উঠিল। কিন্তু হাতের কালী-মূর্তির দিকে চাহিয়া সেই বিষম পিপাসাও সবলে চাপিয়া লইয়া তিনি গৃহ নিজ্জান্ত হইয়া দিদিমার মহলে প্রবেশ করিলেন। দিদিমা মন্দির গমন উদ্দেশ্যে তখন বারান্দায় পদার্পণ করিয়াছেন—জ্যোতিষ্ময়ীকে দেখিয়া, চরণ সংযত করিয়া কহিলেন, “আজ যে আমার রাধারাণীর অসময়ে উদয়?—মন্দিরে যাবি বুঝি? সাজসজ্জা যে সেই রকম?”

“হ্যাঁ ঠাকুর-মা, অনেকদিন দেব দর্শনে যাইনি তাই আজ ইচ্ছে হোল। দেখ দেখি তোমার জন্তে কি এনেছি?”

ঠাকুর-মা ছবিখানি হাতে লইয়া পুনঃ পুনঃ প্রণাম করিয়া আহ্লাদ সহকারে কহিলেন, “ঠিক সময়েই এনেছিল রাগি, —এখনি মন্দিরে গিয়ে টাঙ্গিয়ে দেব। কালী মূর্তি সেখানে এক-খানিও নেই। তাই বুঝি দেবী আমাকে স্বপ্নে দেখা দ্বিগ্নেছিলেন! স্বপ্ন দেখার পরই পটখানি কালীঘাট থেকে আনিয়েছি।”

“আচ্ছা দাও ঠাকুর-মা,—আমি নিয়ে যাচ্ছি।” বলিয়া জ্যোতিষ্ময়ী ছবিখানি তাঁহার হাত হইতে স্বহস্তে পুনর্গ্রহণ করিলেন। ঠাকুর-মা তখন তাহার দিকে ভাল করিয়া চাহিয়া দেখিয়া কহিলেন, “দিন দিন যে শুকিয়ে যাচ্ছিস নাতনি! বিরহজ্বালা

পুষ্টিস য়ে বৃকে তা বেষ বোঝা যাচ্ছে । কিন্তু সবাই যা বোঝে
তোর বাপ ত তা বোঝে না । বাপের তোর ধনুর্ভঙ্গ পণ যে
অর্জুন জামাই করবে । আরে ঐ ত সেই !—যুদ্ধ জিতলে, মালা
নিলে,—ছদ্মবেশী অর্জুনই ত সে,—তোর বাপকে কে তা বোঝার
বল দেখি ?”

জ্যোতির্শ্রমীর মনের বেদনা মুখে রক্ত রাগে ঝাঁপাইয়া উঠিল
—পাছে ঠাকুরমা তাহা লক্ষ্য করেন — তাই তাঁহার গলা জড়াইয়া
ধরিয়া বলিলেন, “না ঠাকুর-মা, আমি বিয়ে করব না ।”

“কেন লো ?”

“সবাই যে বিয়ে করে ।”

দিদিমা খুব হাসিয়া উঠিলেন,—নাতনির পিঠ চাপড়াইয়া
বলিলেন, “ওঃ সেইজন্তে ? যেমন বাপ ঠিক তেমনি মেয়ে !
সবাই যা করে তা করিতে নেই—কেমন ? সেইজন্তে তোর বাপও
ত বিয়ে করলে না ।”

মেয়ে বলিল—“আচ্ছা ঠাকুর-মা, বাবা বিয়ে করেননি বলে
তোমার এত দুঃখ, আমি সে দুঃখ নিবারণ করিতে প্রাণপণে চেষ্টা
করব । আমারও অনেক সময় মনে হয়—বাবার বিয়ে হলে ভাল
হোত । তুমি একটি ভাল মেয়ে দেখ—তারপর এবার আমরা
দুজনে মিলে বাবাকে ধরে পড়ব ।”

ঈর্ষার পরিবর্তে নিজেই যে জ্যোতির্শ্রমী পিতার বিবাহের ইচ্ছা
প্রকাশ করিতেছে ইহাতে ঠাকুর-মা অত্যন্ত আশ্চর্য হইলেন ।
মনে মনে বলিলেন,—হ্যাঁ, অসাধারণ মেয়ে বটে । মুখে বলি

লেন, “বেশ কথা ! আগে ত তোর হাতে বাঁধন পড়ুক—তখন বাপের চাদরেও গিরে দিস।”

রত্ন-চৌকীর পূর্ববীরাগ সহসা মন্দিরের আশ্রয় ঘণ্টাধ্বনির মধ্যে থামিয়া পড়িল। রাজমাতা বলিলেন, “চল, রাণি চল, আরতির সময় হোল, ফিরে এসে এ পরামর্শ করা যাবে।”

মন্দির অভ্যন্তরে পৌছিয়া প্রথমেই রাজমাতা কালী মূর্তিখানি একজন সেবকের হস্তে দিয়া, কোথায় ইহা টাঙ্গান হইবে তাহা বলিয়া দিলেন। পুরোহিত এবং অন্যান্য রাজআত্মীয়গণ এতক্ষণ রাজমাতার আগমন অপেক্ষায় ছিলেন। তাঁহারা মন্দিরে আসিবামাত্র স্তোত্রপাঠ এবং আরতি আরম্ভ হইল। রাজকুমারীর সহিত মহারাণী সপ্তবার দেব প্রদক্ষিণ করিয়া দেব সম্মুখে প্রণত হইলেন। প্রণামান্তে জ্যোতির্ময়ী নতজাহ্নু হইয়া করযোড়ে মূর্তি যুগলের দিকে দৃষ্টিপাত করিলেন। প্রকৃতি পুরুষের মিলন ভাব—এই যুগল মূর্তিতে আজ তিনি সর্বপ্রথমে মর্মে মর্মে উপলব্ধি করিলেন। এই মিলনরূপ—কি সুমধুর, —কি মনোমোহন ! জ্যোতির্ময়ী মনে করিয়া আসিয়াছিলেন, শ্রীমহাক্ষরীর চরণতলে তাঁহার উদ্বেষিত প্রেমকে আজ অঞ্জলিদান করিয়া—চির কৌমাৰ্য্যব্রতে শপথ-বন্ধ হইবেন। পারিলেন না—তাহা পারিলেন না। ভগবানের প্রেম-মিলনরূপে তন্ময় হইয়া মোহাক্ষর ভাবে করযোড়েই তিনি বসিয়া রহিলেন। আরতি শেষ হইয়া গেল, স্তোত্র পাঠ বন্ধ হইল—ঠাকুর-মা তখনও রাজকন্যাকে সেই ভাবে বসিতে দেখিয়া একটু যেন ভীতভাবে ডাকিলেন, “রাণি ?” রাণী চমকিয়া উঠিয়া দাঁড়াইলেন।

রাজা তখন গীতগৃহে ঢালা বিছানায় বসিয়া তানপুরার স্বরে গান করিতেছিলেন। জ্যোতিষ্ময়ী মন্দির হইতে ফিরিয়া গৃহ প্রবেশকালে দূর হইতেই গীত-বাণীধ্বনি শুনিয়া এমন নিঃশব্দে পিতার পশ্চাতে আসিয়া দাঁড়াইলেন যে, তিনি তাহা জানিতেও পারিলেন না; আত্মহারাভাবে মুদ্রিত নয়নে তিনি গায়িতে লাগিলেন—

বড় একেলা গো বড় একেলা !

ছপূর সন্ধ্যা সকাল—

তার অমৃত-কিরণ মাথা

আকাশ-ভরা চোখের দেখা

ধরার পানে ফিরলো না ত হায়রে !—

একটি বারও একটি বেলা !

মূলতান রাগিণীতে তাঁহার ভাববিহ্বল কণ্ঠোচ্ছিত পুনঃ পুনঃ উচ্চারিত এই কয়েকটি ছত্র গৃহে একটি মধুর বিষাদতান বর্ষণ করিতে লাগিল,—শুনিতে শুনিতে জ্যোতিষ্ময়ীর নেত্র অশ্রুতে ভরিয়া উঠিল, নিজেকে অপরাধী বলিয়া মনে হইল। তিনি যে পিতার নিকট হইতে দূরে পড়িয়াছেন—এই গানটি যেন ভাল করিয়া তাঁহাকে এই কথা বুঝাইয়া দিল। গানের স্বরতান-ভরা প্রত্যেক শব্দটি কি তাহার প্রতি ভঁংসনা নহে ! রাজকন্যা একরূপ মোহাচ্ছন্ন ভাবেই নতজানু হইয়া পিতার পৃষ্ঠে মুখ রক্ষা করিলেন। রাজা চমকিয়া গান বন্ধ করিয়া কহিলেন, “রাগি !” সে স্বর কি স্নেহানন্দপূর্ণ ! এই কণ্ঠ হইতেই কি

মুহূর্ত-পূর্বে অমন বুকফাট। বিষাদবেদনা ধ্বনিত হইয়া উঠিয়াছিল।

রাণী কোন উত্তর করিলেন না, পিতার গলা জড়াইয়া ধরিয়া চূপ করিয়া রহিলেন; উত্তপ্ত অশ্রু বিন্দুতে রাজার স্বল্পদেশ ভিজিয়া গেল। তিনি বুঝিলেন, তাঁহার দুঃখের গানে বালিকা ব্যথা পাইয়াছে। তাহাকে কাছে টানিয়া লইয়া শিরশ্চুম্বন পূর্বক ভুলাইবার ছলে সহাস্যে বলিলেন,

“কে মেরেছে রাণীকে মোর, কে কোয়েছে মন্দ,
তার সঙ্গে কোমর বেঁধে করব গিয়ে বন্দ।”

রাণী তখন হাসিলেন। রাজা বলিলেন, “অনেকদিন সেতার বাজান্—নি—রাণি—বাজা দেখি!”

জ্যোতিষ্ময়ী সেতার তানপুরাও ভৃত্য সেইখানে আনিয়া রাখিয়াছিল—রাজা সেতারটি তাহার হাতে তুলিয়া দিলেন। জ্যোতিষ্ময়ী সেতার ধরিয়া একটু বিষণ্ণ হাসি হাসিয়া কহিলেন,
“বাবা!”

“কেন রাণি?”

“ও গানটি কি তুমি সম্প্রতি রচনা করেছ?”

রাজা তাহার মনের ভাব বুঝিলেন,—বুঝিয়া বলিলেন,
“না রাণি—অনেক দিন।”

জ্যোতিষ্ময়ী আর কোন প্রশ্ন করিলেন না, বুঝিয়া লইলেন—এই অনেকদিনের অর্থ কি! তখন যেন একটু স্বহৃদবোধ করিলেন। সেতারটার পরদাগুলি ঠিক করিতে করিতে

কহিলেন, “বাবা, আমি তোমার পুরাণ গানের খাতা থেকে একটি গান পেয়েছি—ঠিক আমার মনের মত।”

রাজা কহিলেন, “আমার কোন গানটি তোমার মনের মত নয়—সেইটি বল দেখি, রাণি?”

“এ গানটি বাবা—সব-চেয়ে আমার মনে বসেছে। যেন আমারি মনের কথা তুমি প্রকাশ করেছ। একটি স্বর বসিয়ে নিয়েছি,—শুনবে বাবা, গানটি?”

রাজা তাহার পৃষ্ঠে সাদর হস্ত বুলাইয়া কহিলেন,
“বেশ, গাও হে তুমি শুনী—

আমার গানটি তোমার তানে ভাল ক’রে শুনি।”

সেতারের পরিবর্তে তানপুরাটা হাতে তুলিয়া লইয়া তাহাতে ঝঙ্কার দিয়া রাজকুমারী গান ধরিলেন—

বড় সাধ, বড় আশা, বড় আকিঞ্চন,

পর্যাতে, জননি, তোরে রত্ন আভরণ !

জানি দীন-হীন অতি, ক্ষুদ্রবল ক্ষুদ্র মতি,

অপার আকাঙ্ক্ষা তবু না মানে বারণ !

বাসনার বলে বলী, কেবলি আপনা ছলি

অসাধ্য-সাধন-তরে প্রয়াস যতন ।

শ্রান্ত ক্লান্ত প্রতিদিন, নিরশায় আশাঙ্কীণ

তবুও দুরাশা মনে নহে সম্মরণ !

এ দুর্বল বাহু জোরে বিদরি ভূধর বরে

তুলিবারে চাহি হীরা মাণিক রতন ।

মাটি তুলি ফেলি আর উঠে কাচ-শিলা তার
তাহাই চরণে আনি করি সমর্পণ ।

মাগো, এ জীবন সারা—কাটিবে কি এই ধারা !

প্রাণের বাসনা আশা শুধু কি স্বপন ?

গান শেষ করিয়া তানপুরাটা যখন জ্যোতিষ্ময়ী নামাইয়া রাখিলেন, তখন তাঁহার নব্বরে পড়িল,—বিছানার এক প্রান্তে শরৎ ও অনাদি আসিয়া বসিয়াছেন। রাজাও সেইদিকে চাহিয়া আফ্লাদনহকারে বলিয়া উঠিলেন, “আরে, ডাক্তার যে !” শরৎ হাসিয়া বলিলেন; “গান শোনার লোভ শরৎ হুঃসাধ্য হয়ে উঠেছিলো—কমা করবেন ।”

“কমা ! আজ আমাদের গানের মঞ্জলিস যথার্থ ই সার্থক । কতদিন তুমি আসনি, বলদেখি ! ওঃ, কি ভাবনাটাই লাগিয়ে দিয়েছিলে হে !”

শরৎকে দেখিয়া জ্যোতিষ্ময়ীর হৃদয় আনন্দে উথলিয়া উঠিল, কিন্তু মেবগ্রস্ত পূর্ণ চন্দ্ৰের তায়—সে আনন্দ সহসা নিরানন্দের মধ্যেই ঢাকিয়া পড়িল ।

শরৎ যখন বলিলেন, “রাজকুমারি, আর একবার গানটি গা'বেন ?”

তখন রাজকুমারী কহিলেন, “বড় শ্রান্ত মনে হচ্ছে ডাক্তার-দা, গাইতে ইচ্ছা হচ্ছে না আর ।”

শরৎ আর কিছু বলিলেন না । রাজা বলিলেন, “আজ যে তোমার নামা তোমাকে দেখতে আসছেন শরৎ । প্রতি মুহূর্তে

তঁার অপেক্ষা করছি—এতক্ষণ ত আসা উচিত ছিল, বোধ হয় ট্রেন লেট হয়েছে।”

বিবাদকাতর মন লইয়া রাজকন্যার আর এখন অন্য কাহারও সহিত দেখা করিতে ইচ্ছা হইল না। তিনি তাড়াতাড়ি বলিলেন, “তবে আমি এখন যাই বাবা। তোমরা ত কাজ কর্ত্তের কথায় ব্যস্ত থাকবে,—খাবার সময় তঁার সঙ্গে দেখা হবে।”

নিমন্ত্রণ আমন্ত্রণ ব্যতীত প্রায় দিনই প্রায় রাজাবাহাদুর অন্তঃপুরে যাতার নিকট বসিয়া ভোজন করিতেন।

আহারান্তে অন্তঃপুর হইতে বৈঠকখানায় আসিয়া বৈষয়িক প্রশ্ন উত্থাপনের পূর্বে গ্রামাচরণ কহিলেন, “তঁারা যে বড় তাগিদ দিচ্ছেন?” বলা বাহুল্য তাগিদদার আর কেহই নহেন, গ্রামাচরণই স্বয়ং এখানে কন্যাকর্ত্তা।

রাজা মুখের মত বলিলেন, “আপনিও উকীলদের তাগিদ দিন, টাকা মজুত ত?”

গ্রামাচরণ মাথা চুলকাইয়া কহিলেন, “না, আমি আর এক কথা বলছি। মেয়ে বড় হয়ে উঠেছে; আর তাঁরা কাল বিলম্ব করতে চান না, আমাকে বলে দিলেন অত্ৰাণেই দিনটা ঠিক করে দেতে। কিন্তু আপনার সঙ্গে কথা না কয়ে ত আমি মহারাজীকে এ বিষয়ে কিছু বলতে পারিনে।”

রাজা এইবার কথাটা বুঝিলেন, বিস্মিত ভাবে কহিলেন, “কেপেছেন আপনি!”

“আমি কেগিনি, কিন্তু কেপিয়ে ফুলেছেন তাঁদের আপনি।”

“আমি তাঁদের ক্ষেপিয়ে তুলেছি ? অস্তার্থ ?”

“কথাটা কি এতই দুর্বোধ্য ! যে মুহূর্তে আপনি কত্তার মালা গ্রহণ করে—তার হাতে আংটি পরিবে দিয়েছেন সেই মুহূর্তেই আপনার ভাবীপত্নী বলে তাকে স্বীকার করে নেওয়া হ’য়েছে।”

রাজা সতেজে কহিলেন, “আমার মনে সেরূপ কোন অভিসন্ধিই ছিল না—আপনারা দেখছি বিলিতি—”

শ্রামাচরণ কাণে আঙ্গুল দিয়া বলিয়া উঠিলেন, “ছিঃ ছিঃ—ও কথা বলবেন না। এ কথা শুনলে—তাঁরা কত্তাকে চিরকুমারী রাখবেন, তবু আপনাকে কত্তা দান করবেন না—”

এতক্ষণে শ্রামাচরণ কন্যাপক্ষের তরফ হইতে একটা সত্য কথা কহিলেন।

রাজা লজ্জিত হইলেন,—শ্রামাচরণ বলিলেন, “আপনি বিজ্ঞ পুরুষ, আপনার ব্যবহারে লোকে বালকের অববেচনা প্রত্যাশা করে না। এখন যদি আপনি তাকে প্রত্যাখ্যান করেন, তা’হলে আপনার ব্যবহারই দুঃশস্তের ন্যায় অসুচিত হবে।”

রাজা গভীর হইয়া পড়িলেন—কিছু পরে বলিলেন, “অসম্ভব—অসম্ভব, ইচ্ছা থাকলেও আমার পক্ষে বিবাহ করা এখন অসম্ভব।”

“কেন ?”

উগ্র স্বরে রাজা উত্তর করিলেন, “আপনি ত আমার চেয়েও বিজ্ঞ—আর এইটুকু বুঝতে পারেন না ? রাণী-মা আমার অবিবাহিত আর তার বড় বাপ বিয়ে ক’রে ক’নে ঘরে আনবে ?”

শ্রামাচরণ হাসিয়া কহিলেন, “বয়সেই যে লোকে বৃদ্ধ হয় না—
আজ আপনি তার অকাটা প্রমাণ দিচ্ছেন। শিশু স্নাত স্বভাব
নিযে আপনি দেখছি, কল্পনাক্ষণেই বিচরণ করে বেড়ান
পৃথিবীর মাটির দিকে মোটেই নজর পড়ে না আপনার।”

রাজাও এইবার একটু হাসিয়া বলিলেন, “অত ভণিতার
আবশ্যক কি? খুলেই বলুন না আপনার মনের কথাটা?”

“আপনার কন্যা যে ধরা পড়েছেন, বিশ্বস্ত্র লোকে সে
খবর জানে—আর আপনি জানেন না?”

“শরৎকুমারকে মালা উপহার দেওয়াতে কথাটা রটেছে বোধ
হয়—কিন্তু আমি ত রাণীর ভাবে সে রকম কিছু বুঝিনি,
দেশরক্ষণ কার্যেই ত সমস্ত প্রাণ মা উৎসর্গ করেছেন। আপনি
বা বলছেন তা যদি সত্য হয়, তা’হলে আমি খুবই স্থগী হই।”

“সর্বতোভাবেই আপনি স্থগী হবেন রাজাবাহাদুর। অগুভার
বিবাহে আপনারা সকলেই ত আসছেন—তখন বৃদ্ধ শ্রামাচরণকে
ঘটক বিদায় দেবেন।”

রাজা হাসিয়া বলিলেন, “বেশ, তাই হবে।”

* * * * *

সে রাত্রি জ্যোতিষ্ময়ীর অনিদ্রায় কাটিল। সন্ধ্যার সমস্ত
ঘটনা কখনো সংলগ্ন ভাবে কখনো অসংলগ্ন ভাবে তাঁহার মাথায়
ঘুরিতে লাগিল। কালীমূর্তি আর শ্রামহন্দর ও রাধারাণীর
যুগলমূর্তি, শরতের স্নন্দর রূপ আর পিতার বিষাদপূর্ণ কণ্ঠধ্বনির
মধ্যে তাঁহার বিভ্রান্তচিত্ত—কখনো আনন্দে, কখনো নিরানন্দে

১১৪ নং আহিরীটোলা ষ্ট্রীট, কলিকাতা।

অশ্ববাণী

আত্মহারা হইয়া ফিরিতে লাগিল। পাশের শালকে কুন্দ যে শুইয়া আছে, সে কথা ভুলিয়া গিয়া মূহু গুণ্ণগুণ কর্তে তিনি একবার গান ধরিলেন --

বড় সাধ, বড় আশী, বড় আকিঞ্চন —

দুই চারি লাইন গায়িবার পর তাঁহার মনে পড়িয়া গেল— কুন্দ জাগিয়া উঠিতে পারে—গান থামিয়া গেল। কুন্দ তখন ডাকিল, “রাজকুমারি !”

জ্যোতিষ্ময়ী এতক্ষণ বিছানায় শুইয়াছিলেন, উঠিয়া বসিয়া বলিলেন, “তোমাকে জাগিয়ে দিলুম কুন্দদিদি ?”

“না রাজকুমারি, আমারও ঘুম হচ্ছে না, গানটি ভাল করে গাও না ভাই, শুনি !”

“না কুন্দ দিদি, কি হবে গেয়ে ? গানে ত আমার বাসনা পূর্ণ হবে না।”

কুন্দ বুঝিল—কতখানি নৈরাশ্রে তাহার মর্ম্মদাহ হইতেছে। সে কহিল, “একটি কথা বলব রাজকুমারি ? কিছু মনে করবে না ?”

“বল ভাই, বল ! কিছুতে আর কিছু মনে ‘করব না, মনে করবার বলটুকুও হারিয়েছি !”

কুন্দ ব্যথিতচিত্তে কহিল, “আমরা যে পথে মুক্তি চাচ্ছি, সে পথে দেশের মুক্তি নেই রাজকুমারী।”

“বল দিদি, কোন্ পথ ধরব তবে ?”

“আমরা জানিনে সে পথ। আমরা অন্ধ, গুরু সে

পথ দেখিয়ে দিতে পারেন। গুরু-ইন্দ্ৰিতে আমাদের চপতে হবে।”

জ্যোতির্ষ্ময়ীর স্কন্ধ বায়ু-তরঙ্গিত অশান্ত হৃদয়ের উপর দিয়া সহসা আশার মুহুরিলোল বহিষা গেল,—তিনি শান্তভাবে কহিলেন, “স্তম্ভন গুরু কোথায়?”

উত্তর হইল—“আছেন, আছেন!”

“পেয়েছ তুমি?”

“পেয়েছি।”

“আমিও কি পাব?”

“নিশ্চয়—নিশ্চয়। অন্তর থেকে যে যাহা প্রার্থনা করে—ভগবান তাকে তা মিলিয়ে দেনই দেন।”

“কবে পাব?”

“তিনি শীঘ্র এখানে আসবেন। তিনিও এই পথের পথিক।”

“কোন পথের পথিক?”

“দেশ-উদ্ধার তাঁদের ব্রত। তাঁরা পথ চিনেছেন—তাঁদের নেতৃত্বে আমরাও পথ পাব।”

অদীর বালিকা নিজের শয্যা ত্যাগ করিয়া কুন্দের শয্যায় আসিয়া আবেগভরে জিজ্ঞাসা করিল, “ঠিক বলছ কুন্দের দিদি? বাসনা সফল হবে আমার? পারব আমি—পারব—আপনাকে দিতে পারব?”

বালিকা আর পারিলেন না—তাঁহার হৃদয়ের বিপ্লব অশ্রুধারে উথলিয়া উঠিল,—কুন্দের পাশে শুইয়া তিনি রোদন করিতে

লাগিলেন। কুম্ভ রাজকুমারীর বাক্যের মর্ম, অশ্রুধারার অর্থ ঠিক বুঝিল না, স্নেহে মাতার ন্যায় তাঁহার মাথায় হাত বুলাইতে বুলাইতে তাঁহার প্রশ্নের উত্তরে আবার সে কহিল, “নিশ্চয়, নিশ্চয়,—আশ্রয় হও রাজকুমারী।”

রাজকুমারীর অশ্রু স্তিমিত লোচনে ধীরে ধীরে পূর্বের স্বপ্নদৃষ্ট দেবী মূর্তি বিভাসিত হইয়া উঠিলেন। জ্যোতির্ময়ী বিশ্বয় আকুল ভাবে তাঁহাকে জিজ্ঞাসা করিলেন, “তুমি ! তুমি মাতা সাম্য মৈত্রীর অধিশ্বরী, দেবী বিচিত্রা ! বল, বল দেবী, সেদিন কি আবার আসিবে ! তোমার অরুণ চরণ স্পর্শে ভারত ভাগ্য-গগন পুনরায় কি পুণ্য প্রভাত-মহিমায় সমুজ্জ্বল হইয়া উঠিবে ?”

দেবী বৃহৎ হাসি হাসিয়া অন্তর্ধান হইলেন—স্বপ্নলীন হইয়া পড়িল বালিকার স্বপ্নবাণী।

(বিচিত্রার পরিসমাপ্তি)

সাহিত্য-সম্রাজ্ঞী স্বর্ণকুমারী দেবী মহোদয়া প্রণীত

স্বপ্নবাণীর পরিসমাপ্তি

মিলন-রাত্রি

তিনি যুগ্ম হইলেই প্রকাশিত হইবে।

উপভাস পাঠেচ্ছ সাহিত্যমোহী মাঝেই তাঁহার সত্ত্বর আরোগ্য কামনা করুন।

উপন্যাস-সিরিজ—১ম বর্ষ।

আধুনিক সংখ্যার প্রথম উপন্যাস

দার্শনিক পণ্ডিত

শ্রীযুক্ত সুরেন্দ্রমোহন ভট্টাচার্য্য

প্রণীত

১। পাশাণী।

মূল্য ১২ এক টাকা মাঃ ১০

কার্তিক সংখ্যার দ্বিতীয় উপন্যাস

মানক-সম্পাদক

শ্রীযুক্ত কালীপ্রসন্ন দাস গুপ্ত

এম-এ প্রণীত

২। বাসিন্দী।

মূল্য ১২ এক টাকা মাঃ ১০

অগ্রহায়ণ সংখ্যার তৃতীয় উপন্যাস

বঙ্গমতী-সম্পাদক

শ্রীযুক্ত হেমেন্দ্র প্রসাদ ঘোষ

বি-এ প্রণীত

৩। চোরাবাণী।

মূল্য ১২ এক টাকা মাঃ ১০

শেষ সংখ্যার চতুর্থ উপন্যাস

শ্রীযুক্ত শৈলবালা ঘোষজায়া

সরস্বতী প্রণীত

৪। মহিমা দেবী।

মূল্য ১২ এক টাকা মাঃ ১০

মার্চ সংখ্যার পঞ্চম উপন্যাস

ভারতী-সম্পাদক

শ্রীযুক্ত সৌরীন্দ্রমোহন মুখোপাধ্যায়

বি-এল প্রণীত

৫। দরদী।

মূল্য ১২ এক টাকা মাঃ ১০

জ্যৈষ্ঠ সংখ্যার ষষ্ঠ উপন্যাস

পণ্ডিত শ্রীযুক্ত নারায়ণচন্দ্র ভট্টাচার্য্য

কিষ্কিন্ধ্যা প্রণীত

৬। অশ্রুজল।

মূল্য ১২ এক টাকা মাঃ ১০

চৈত্র সংখ্যার সপ্তম উপন্যাস

উপন্যাস-ধরকর

শ্রীযুক্ত সৌরীন্দ্রমোহন ঘোষ প্রণীত

৭। দীপালী।

মূল্য ১২ এক টাকা মাঃ ১০

শুভ-বৈশাখের নব-উপন্যাস

সাহিত্য-সম্রাজ্ঞী

শ্রীযুক্ত স্বর্গদেবী দেবী প্রণীত

৮। বিচিত্রা।

মূল্য ১২ এক টাকা মাঃ ১০

জ্যৈষ্ঠ সংখ্যার নবম উপন্যাস

উপন্যাস-যাদুকর

শ্রীযুক্ত প্রফুল্লচন্দ্র বসু প্রণীত

৯। স্নানার্থক

মূল্য ১২ এক টাকা মাঃ ১০

আষাঢ় সংখ্যার দশম উপন্যাস

উপন্যাস-কেশরী

শ্রীযুক্ত নবকৃষ্ণ ঘোষ, বি-এ প্রণীত

১০। গোপুষ্কি।

মূল্য ১২ এক টাকা মাঃ ১০

শ্রাবণ সংখ্যার একাদশ উপন্যাস

উপন্যাসাচার্য্য

পণ্ডিত শ্রীযুক্ত নারায়ণচন্দ্র ভট্টাচার্য্য

প্রণীত

১১। সুরেন্দ্র জুদ।

মূল্য ১২ এক টাকা মাঃ ১০

ভাদ্র সংখ্যার দ্বাদশ উপন্যাস

স্বত্বাধিকারী ও পরিচালক

শ্রীযুক্ত শরৎচন্দ্র পাণ্ডা প্রণীত

১২। জন্মএমোজী।

মূল্য ১২ এক টাকা মাঃ ১০

উপন্যাস-সিরিজ—২য় বর্ষ।

বঙ্গ-বিজেত উপন্যাস লেখিকা

উপন্যাস-সম্রাজ্ঞী

শ্রীযুক্তা নিরুপমা দেবী প্রণীত

১৩। উচ্ছ্বাস।

মূল্য ১ টাকা মাং।

কার্তিক সংখ্যার চতুর্দশ উপন্যাস

শ্রীযুক্তা সরসীবালা বসু প্রণীত

১৪। প্রতিষ্ঠা।

মূল্য ১ টাকা মাং।

অগ্রহায়ণ সংখ্যার পঞ্চদশ উপন্যাস

শ্রীযুক্তা শৈলবালা ঘোষজয়া

সরস্বতী প্রণীত

১৫। হুণাহতা।

মূল্য ১ টাকা মাং।

শৌব সংখ্যার ষষ্ঠদশ উপন্যাস

উপন্যাসাচার্য

পণ্ডিত শ্রীনারায়ণচন্দ্র ভট্টাচার্য

প্রণীত

১৬। কালোমেঘে।

মূল্য ১ টাকা মাং।

মঘ সংখ্যার সপ্তদশ উপন্যাস

শ্রীযুক্তা সরসীবালা বসু প্রণীত

১৭। চরকার উৎসব।

মূল্য ১ টাকা মাং।

কাঙ্ক্ষন সংখ্যার অষ্টাদশ উপন্যাস

সর্বজন-শ্রদ্ধেয়

শ্রীযুক্তা দুর্গাদাস লাহিড়ী প্রণীত

১৮। মণিবেগম।

মূল্য ১ টাকা মাং।

চৈত্র সংখ্যার উনবিংশ উপন্যাস

সাহিত্য-সম্রাট

বঙ্কিমচন্দ্রের ভ্রাতুষ্পুত্র

শ্রীযুক্তা অনন্যনাথ চট্টোপাধ্যায়

প্রণীত

১৯। রাপুজতের মেঘে।

মূল্য ১ টাকা মাং।

শুভ বৈশাখের বিংশ উপন্যাস

উপন্যাসাচার্য

পণ্ডিত শ্রীনারায়ণচন্দ্র ভট্টাচার্য

প্রণীত

২০। লক্ষ্মীর কোটা।

মূল্য ১ টাকা মাং।

জ্যৈষ্ঠ সংখ্যার একবিংশ উপন্যাস

সাহিত্য-সম্রাজ্ঞী

শ্রীযুক্তা স্বর্ণকুমারী দেবী প্রণীত

২১। অপ্রবাসী।

মূল্য ১ টাকা মাং।

প্রতি মাসেই একখানি করিয়া নূতন উপন্যাস প্রকাশিত হয়।
আমাদের উপন্যাস-সিরিজের নিয়মিত গ্রাহক হইলে প্রত্যেক খানি বই
বসিয়া সভাক ১/০ এক টাকা এক আনা পাইবেন! সন ১৩২৭ সালের
আধিন হইতে বর্ষ আরম্ভ হইয়াছে।

ঐগোষ্ঠবিহারী বসু,

ঐশ্বর্য চন্দ্র পাল

স্বত্বাধিকারী—কমলিনী-সাহিত্য-মন্দির,

১১৪ নং আহিরীটোলা স্ট্রীট, কলিকাতা।

যৌতুক দিব্য জন্ম ১২ দায়েব এই বইখানি-ই খুব সন্দেশ !!

শ্রীশরৎচন্দ্র পাল এগীত

জন্ম-এয়োস্ত্রী ।

জন্ম-এয়োস্ত্রী

জন্ম-এয়োস্ত্রী

জন্ম-এয়োস্ত্রী

জন্ম-এয়োস্ত্রী

জন্ম-এয়োস্ত্রী

‘জন্ম-এয়োস্ত্রী’ হাতে দিয়া নব-বধূকে আশীর্বাদ করিতে হয় ।

‘জন্ম-এয়োস্ত্রী’ হাতে পাইয়াই

বধূ মাতারা—উপহার দাতাকে নমস্কার করিবেন—

বাঙ্কবীন্দ্রের সহিত গল্প করিবার সময়—“বিয়ের সময় একখানা বই
পেইছি, সে’খানার নাম “জন্ম-এয়োস্ত্রী”—এ কথাও

উত্থাপন করিতে পারেন ।

‘বই ত বই, জগৎ-সংসারে এমন অনেক বই-ই পয়সা দিলে মেলে’—

‘জন্ম-এয়োস্ত্রী’ সম্বন্ধে যাহারা এ কথা বলিবেন ; তৎক্ষণাৎ
জন্ম-এয়োস্ত্রীর যে কোন ছ’ একটি পরিচ্ছেদ পড়িয়া শুনাইবেন,
অদৃষ্ট পূর্ব সমালোচক মহাশয়কে সলজ্জহাস্তে বলিতেই চাইবে—
“তা, তা আগে ত জানতুম না, তা দেখ ! বইখানা কোথায়
পাওয়া যায় হা ?”

অগ্রস্থত না হইয়া তখনি ঠিকানা বলিয়া দিবেন—

কমলিনী-সাহিত্য-অন্নিয়—১১৪ নং আহিরীটোলা স্ট্রীট, কলিকাতা ।

